

**ANICII MANLII  
TORQUATI  
SEVERINI  
BOETHII DE...**

---

Anicius Manlius Torquatus  
Severinus Boethius, ...





13

14 T

13

RAZIONALE

Confol

2P

Boethy









14-13.A.22

XVII a 23 of 22
















Ex Coniunctis f. M. 1. 1.  
2. Victoria V. 1. 1.  
L.



Ad Generosæ indolis , pri-  
scæque nobilitatis juvenem,

D. R V T G E R V M  
B O E T Z E L E R I V M

Ab Asperen ,

Liberi Baronis Asperani  
Filium,

P E T R I B E R T I I  
P R Æ F A T I O .



L I B R O S Anicii Man-  
lii Torquati Severini  
Boethii de Consolatio-  
ne Philosophiæ, quos  
in tanta dignatione viri  
crediti semper habue-  
runt, ut in illis legendis, enarran-  
dis, recensendis, evulgandis, lau-  
dem non exiguam positam existi-  
marent, ( scripsere enim in eos ex  
antiquioribus , Albertus Magnus

## P R Æ F A T I O.

& Thomas Aquinas, Deus bone!  
qui viri, & quanti? post illos Ru-  
dolphus Agricola Frisius, & Ioan-  
nes Murmellius Ruremundanus,  
ac nuper admodum Ioannes Ber-  
nartius & Theodorus Zitzmannus;)   
libros igitur Boethii de Consolati-  
one Philosophiæ nuper à me publi-  
cis lectionibus in Academia expli-  
cator, tibi inscribo, Iuvenis No-  
bilissime. Exiguum mole munus,  
sed ingens pondere. Etsi enim bre-  
vitati ipse quondam studuerit Boc-  
thius, brevitatemque operis contra-  
ctiorem adhuc fecerit typographi  
nostri solertia: tamen ubique ad-  
huc effulget magnum illud & cæ-  
lo adfuit ingenium. Certe inter po-  
sterioris ævi scriptores Græcos pa-  
riter ac Latinos, nemo fuit in o-  
mni genere Sapientiæ Boethio no-  
stro par. Philippum Pulchrum  
Francorum Regem constat tanti  
hos libros fecisse, ut quamvis ipse  
Latine intelligeret, tamen pro be-  
neficio habuerit, quod ipsi Ioan-  
nes Magdunensis, Poeta (ut tunc

fere-



## P R Æ F A T I O.

ferebant tempora ) eruditus , eos Gallice à se redditos , inscripssisset : adservaturque ejus operis exemplar adhuc hodie Lutetiæ in Bibliotheca Augustinianorum. Merito autem authorem istum tantifecit Magnus Rex. Nihil quippe in eo non est eximium. Religionem spectamus ? Christianus est , & quidem inter Christianos fidei Orthodoxæ sectator atque adsertor. Patriam ? Romanus. Dignitatem ? Patritius , Exconsul ordinarius , Exmagister Officiorum. Familiam ? Anicius, Manlius, Torquatus, Severinus, Boethius. Studium & vitæ genus ? Logicus acutissimus , Theologus gravissimus, Mathematicus solertissimus , Mechanicus artificiosissimus , Musicus suavissimus : adhæc Orator & Poeta optimus. Dictionis modum ? Vtroque in genere , fuso pariter & numeris adstricto , egregius, sed in hoc præcipue excellens. Argumentum scriptionis ? Id vero est Consolatio in rebus adversis ,

## P R Æ F A T I O.

quod ille argumentum tractavit in carcere Ticinensi, quum iussu Theodorici Ostrogothi, Regis Italix, captivus illic detineretur, ubi etiam postea resecto capite vitam finiit; suntque huic tractationi multa alia capita adnexa, De summo bono, De malo, De Facto, Providentia, Concordia liberi arbitrii cum præscientia divina, aliaque. Vsum? Solus hic auctor sufficere potest componendis controversiis omnibus quibus hoc tempore multorum ingenia agitantur.

Sed priusquam ipsum inspecias operis contextum, videntur mihi præmittenda quædam quæ huic nostræ tractationi lucem aliquam possunt adfundere. Principio igitur illud occurrit; Plures olim fuisse Boethios: nam & Stoicum quendam nominat Laertius in vita Zenonis; & Epicureum Plutarchus loquentem facit in Sympoticis, & Cretensem alium citat Galenus Aristotelis studiosum, vi-

rum

## P R Æ F A T I O.

rum Consularem : noster quoque iste in Commentario in Porphyrium, quendam nominat Boethium Philosophum, citatum pridem ab Ammonio & Simplicio. Patrem quoque Boethii nostri Boethium appellatum fuisse suspicio est, sicut postea liquebit. Sed nostrum istum ab aliis omnibus distinguunt adjecta nomina : vocatur enim Anicius, Manlius, Torquatus, Severinus : adduntur tituli ex honoribus in Repub. gestis, Exconsul Ordinarius, Exmagister Officiorum, Vir Clarissimus, & Illustrissimus.

Sed unde tot unius hominis nomina? Fuit illius sæculi moribus receptum, ut præstantes Viri nomen suum ad alios transmitterent. Hæc res tot Antonios inter Cæsares dedit, tot Aurelios, Severos, Flavios, Valerianos, Valentinianos, Constantes, Constantios, & Constantinos : tot longa serie Otones, Henricos. Putaverunt enim grata in vulgus no-

## P R Æ F A T I O.

mina commendationem personis adferre posse. Video etiam adsumpta interdum nomina excellentium virorum ab iis qui extra familiam erant. Illius ergo temporis more factum est, ut noster iste Anicius, Manlius, Torquatus, Severinus, Boethius vocaretur, abavi, proavi, avi, patris nominibus conjunctis.

Primum ergo nomen referendum est ad ANICIOS, quorum genus antiquum & nobile non uno loco prædicat beatus Hieronymus. Emicuit autem inter eos præ cæteris Boethii nostri atavus, Anicius Sextus Petronius Probus, cujus frequens est & honorata mentio apud Ammianum Marcellinum, Ausonium, Symmachum, inque Codice Theodosiano. Gessit enim Consulatum cum Gratiano Imperatore, Anno Christi CCC LXXI: idemque, quum in Italia Prætorio Præfectus esset, provincias, Insubriam, Æmiliam, atque Ligu-

riam

## P R Æ F A T I O.

riam cum insignibus Consularibus Ambrosio (ei qui postea Mediolanensis Ecclesiæ Episcopus factus est) administrandas dedit. Qui Hieronymum & Augustinum legunt, offendunt crebra Aniciorum familiæ elogia. Claudianus non dubitat illam cæteris omnibus Romæ viventibus nobilitate præferre.

*Quemcumque requiris, inquit,  
Hac de stirpe virum, certum est de  
Consule nasci.*

*Per fasces numerantur avi, semperque*

*renota  
Nobilitate. Ent, & prolem fata se-  
quuntur*

*Continuum simili servantia lege teno-  
rem.*

*Nec quisquam procerum tentat, licet  
are vetusto*

*Floreat, & claro cingatur Roma Sc-  
natus,*

*Se jaçtare parem —*

Fuere autem Anicio Sexto Petro-  
nio Probo filii duo, Probinus &

## P R Æ F A T I O.

Probus: filia unica, Turriana Anicia Iuliana, quæ nupta Quinto Claudio Hermogeniano Olybrio; mater fuit Demetriadis, Christianorum Rhetorum præconius decantatissimæ virginis, utpote cuius in laudibus prædicandis certatim laborarint, Pelagius monachus, Hieronymus presbyter, Augustinus Episcopus, & post illos Prosper quoque Aquitanicus, quem admodum matrem Iulianam viduam celebrarunt idem ille Pelagius, Hieronymus, Augustinus. Hieronymi ad Demetriadem verba de gente Anicia hæc sūt, Scilicet nunc mihi Proborum & Olybriorum clara repetenda sunt nomina, & illustris Anicii sanguinis genus, in quo aut nullus aut rarus erit, qui non meruerit Consulatum. Proferendus Olybrius, virginis nostræ pater, quem immatura morte subtractum Roma congemuit. Vxor Anicio illi fuit Faltonia Proba, dicta quoque ipsa Anicia, Consulis uxor, Consulum filia, Consulum

mater,



## PRÆFATIO.

mater, mulier erudita, cujus hodie-  
que exstat Cento Virgilianus. H-  
nores illius, quam dixi, Anicii in-  
dicant auctores à me citati; sed im-  
primis crebræ inscriptiones Romæ.  
unam tibi hoc tempore in medium  
proferemus, ex basi statuæ ipsi po-  
sitæ à filiis Probino & Probo,

SEXTO. PETRONIO.

PROBO: VIRO CL.

PROCONSUL. AFRICÆ.

PRÆFECTO. PRÆ-

TORIO. QUATER. ITA-

LICÆ. ILLYRICI. A-

FRICÆ. GALLIARVM.

CONSULI. ORDINA-

RIO. PATRI. CONSUL-

VM.

ANICIIVS. PROBINVS.

VIR. CL.

CONSUL. ORDINA-

RIVS. ET. ANICIIVS.

PROBVS. VIR. CL.

QUÆSTOR. CANDIDA-

TIVS. FILII. MVNVS.

SINGVLARI. RELI-

GIO.

## P R Æ F A T I O.

GIONE. DEBITVM. DE-  
DICARVNT.

Cui similis etiam alia inscriptio conspicitur, posita ab Hermogeniano Olybrio, & uxore Anicia Iuliana.

Præcipuum autem familiæ Aniciæ decus fuit, quod Christi fidem amplexa, multis aliis Romæ exemplum dedit deserendi Gentilismi. Prudentius,

*Fertur enim ante alios generosus Anicius urbis*

*Illustrasse caput. Sic se Roma inclyta jactat.*

*Quin & Olybriaci gentisque & nominis hares,*

*Abjectis fastis, palmata insignis ab aula,*

*Martyris ante fores Bruti submittere fasces*

*Ambit, & Ausoniam Christo inclinare securim.*

Spektatur Romæ adhuc Anicii  
Petronii & Faltoniæ Probiæ te-

pulchrum

## P R Æ F A T I O.

pulchrum, adeo magnificum, ut  
vix aliud splendidius credatur in ea  
urbe exstare. Ejus inscriptionem u-  
nam carmine factam, quia id mere-  
tur, & quia ad Aniciæ gentis glo-  
riam facit, adponam.

*Sublimes quisquis tumuli miraberis  
arces,*

*Dicas, quantus erat qui Probus hic  
situs est?*

*Consulibus proavis soceroque exconsule  
major,*

*Quod geminas consul reddidit ipse  
domos.*

*Præfektus quartum toto dilectus in  
orbe,*

*Sed fama emensus quicquid in orbe  
hominum est.*

*Æternos, heu, Roma tibi qui posceret  
annos,*

*Cur non vota tui vixit ad usque  
boni?*

*Nunc quum sexdenos mensis suspen-  
deret annos,*

*Dilecta è gremio raptus in aethra  
Proba.*

*Sed*

## P R Æ F A T I O.

*Sed periisse Probum meritis pro talibus absit*

*Credas Roma tuum : Vivit & astra tenet.*

*Virtutis , fidei , pietatis , honoris amicus ,*

*Parvus opum nulli , largus at ipse fuit.*

*Solamen tanti conjunx tamen optima lætus*

*Hoc Proba sortita est, jungat ut urna pares.*

*Felix , heu nimium felix ! dum vita maneret ,*

*Digno juncta viro , digna simul tumulo.*

Atqui hic quidem Anicius atavus fuit nostri Boethii. Filii istius Anicii ( ut ante diximus ) fuere Probus & Probinus, quorum ille, Boethii nostri abavus, tanta fuit per orbem universum virtutis fama; ut Persæ duo potentissimi & sapientissimi ( teste Paulino in vita beati Ambrosii ) Romam venerint, ipsius videndi ac salutandi gratia.

Hujus

## PRÆFATIO.

Hujus Probi filia nupta fuit Manlio Theodoro, quem codices quidam Mallium vocant; Et quia gens Manlia Torquata fuit, eo factum est, ut Boethius noster dictus fuerit **ANICIVS MANLIVS TORQVATIVS**. Fuit autem Manlius iste Boethii nostri proavus: eumque Fasti Consulem signant cum Eutropio. Ejusdem Manlii memoria exstat apud Augustinum, qui matrem suam Monicam alloquens, His, inquit, temporibus ( ut omittam cæteros ) vir & ingenio & eloquentia, & ipsis insignis muneribus fortunæ, & quod ante omnia est, mente præstantissimus, Theodorus, quem bene nosti, id agit, ut & nunc, & apud posteros, nullus hominum de literis nostrorum temporum jure conqueratur. Ejusdem Manlii Consulatum luculento carmine Panegyrico celebravit Claudianus, cujus in extrema parte, ubi vota sua exponit pro gente Manlia, quasi de Boethio nostro

vatici-

## P R Æ F A T I O.

vaticinatur : Sic enim canit ,

*Consul per populos idemque gravissimus  
auctor*

*Eloquii , duplici vita subnixus , in  
ævum*

*Procedat , pariter libris fastisque le-  
gendus.*

*Accipiat patris exemplum , tribuatque  
nepoti*

*Filius , & cæptis ne desit fascibus  
hæres.*

*Decurrat irabeata domus , tradatque  
securæ*

*Mutua posteritas , servatoque ordine  
fati*

*Manlia continuo numeretur Consule  
proles.*

Adhæsit autē Genti Manliæ TOR-  
QUATORVM nomen, ex eo,  
quod TITVS Manlius L. F.  
A. N. Imperiosus , Sulpicio Di-  
ctatore tribunum agens militum ,  
Gallum provocantem singulari cer-  
tamine prostravit , corporeque  
ejus ab omni alia vexatione inta-

æto.

## P R Æ F A T I O.

cto, unum torquem abstulit, eoque se induit, ut est apud Livium. Sic igitur, Boethius noster ab avo nomen habet Anicii, ab avo Manlii Torquati.

SEVERINI nomen unde tractum sit, video dubitari. Sunt qui ex gentis Manliæ severitate illud petatum existiment. Constatque, severam imprimis atque imperiosam hanc familiam fuisse. L. Manlius Titum filium suum, qui postea Torquatus dictus fuit, rus ab hominum conversatione relegavit: idem Dictator tanta severitate delectum habuit, ut Imperiosi nomen retulerit. Ipse T. Manlius Torquatus, filium suum, quod provocatus à Geminio Metio, duce Tusculanorum ad dimicandum, Veignaro descenderat, abripi à licetore, & in modum hostiæ, mactari iussit, satius iudicans, patrem filio forti, quam patriam militaris disciplinæ exemplo carere: quo quidem facto Manlius usque adeo invisum se atque exosum ju-

\* \*

ven.

## P R Æ F A T I O.

ventuti Romanæ effecit, ut ipsi de Latinis, Campanis, Sidicinis, Auruncis triumphum agenti, nemo adolescens nobilis obviam processerit. Ad hanc severitatem respexit Virgilius, quum scripsit,

— *Sævumque securi*  
*Adspice Torquatum* —

L. quoque Manlius Torquatus, is qui Consul cum Cnæo Octavio fuit, filium suum, accusatum à Macedonum legatis, quod in Prætura sua provinciam pecunia spoliasset, vetuit in conspectum suum prodire, negans eum videri tali ingenio fuisse, quales ejus majores fuissent: quam quidem notam filius tam acerbe tulit, ut eadem nocte se laqueo interemerit. Ab hac igitur Manliæ gentis severitate credunt quidam Boethium nostrum dictum fuisse SEVERI-  
NVM: quibustamen ego adstipulari non possum: eo quod nusquam videam cognomen istud gen-

ti Man-



## P R Æ F A T I O.

ti Manliæ tributum : nam Imperiosos quidem Manlios lego, Severos aut Severinos non lego. Et quia Severinorum familiam nobilem tunc temporis fuisse constat, quæ tamen non fuerit gentis Manliæ, malo ego ad Severinos illos nomen istud referre. Fuerunt autem hoc nomine Consules plures Fastis notati, sub Imperatoribus Leone & Zenone. Ac fieri potest, ut vel Manlii Theodori filia Severino alicui nupta fuerit, avo nostri Boethii, vel filius Manlius adoptione transferit in familiam Severinorum, ex quo natus sit **BOETHIUS**, nostri Boethii pater; is qui quum Præfecturam gereret Prætorii, à Valentiniano Imperatore uno cum Aetio Patrio innocens in Palatio interfectus est. Hic ille est, cujus mentionem facit in Chronico suo Casiodorus. Aethius, inquit, Patrius in Palatio manu Valentiniani Tertii Imperatoris extinctus est, Boethius vero præfectus Prætorio

## P R Æ F A T I O.

amicis ejus circumstantibus interceptus. Hæc refert Cassiodorus ad Consulatum Ærii & Studii: qui incidit in annum Christi CCCCLV, quo ipso anno Boethius noster natus esse creditur. Eodem anno Fl. Anicius Petronius Maximus, qui Valentinianum, justo uxoris ab ipso vitiatæ dolore ardens occidit, ejusque contra uxorem Eudoxiam stupravit, & imperium sibi vindicare conatus est, à Genferici militibus interceptus occubuit.

Referenda sunt igitur ad Boethii majores, à quibus petita sunt, ista nomina: Anicii, ad Anicium Petronium Probum atavum. Manlii Torquati, ad Manlium Theodorum proavum. Severini, ad avum Severinum. Boethii ad patrem Boethium. Duravit vero etiam post Boethii & Theodorici obitum Aniciorum gens: Iustinus enim & Iustinianus Imperatores Anicii dicti sunt: Fratrem quoque Iustiniani nomine Germanum,

ait

## P R Æ F A T I O.

ait Iordanes ducta Malhasuenta, Witigis Gothi vidua, Aniciorum gentem cum Amala stirpe conjunxisse.

Prænomen Boethii nulli libri præferunt. Mihi dubium non est, prænomen ipsi fuisse Flavii, ita enim vocari video in Actis Ecclesiasticis, quæ sic habent. Fl. Boethio V. C. Consule, die IIII Iduum Martiarum, in Basilica Constantiana, residente venerabili viro, Papa Felice, &c. Quæ verba ad primum Boethii Consulatam referenda sunt.

Floruit autem Boethius noster Theodorici Amali regis Ostrogothi temporibus. Hic ille est Theodoricus Theodemiri filius, qui delatum sibi à Zenone Imperatore Italiæ regnum, quod tunc quidem Odoacer Herulus occupaverat, cum ingentibus Ostrogothorum copiis invasit, ipsoque interfecto, regni Gothorum in Italia sedem Ravennæ fixit, atque inde toti Italiæ & Siciliæ jus dixit,

## P R Æ F A T I O.

rescripta sua quaquaversum mittens, quorum magnam partem M. Aurelius Cassiodorus libris suis Variarum inseruit.

Fuit autem tempestas illa gravis admodum Romanæ urbi: nam inter tot magnos & præstantes viros quos adhuc habebat Respublica, optimus quisque dignitatem Imperii & majestatem summam alio translata tacite indignabatur. Imperatoris enim sedem aulamque habebat Constantinopolis, quæ tunc nova Roma dicebatur. Italiam vero omnem occupatam primum à Vandalis, postea ab Herulis, tenebant tunc Gothi, qui regni sui sedem non Romæ, sed Ravennæ posuerant. Vna in tanto dignitatis naufragio supererat tabula, Consulatus: sed & is quoque altera parte erat imminutus, quum à Constantini inde temporibus alter Consulum Constantinopoli, alter Romæ designaretur.

Natus est Boethius anno Christi ( ut ante dixi ) C C C C L V ,

hoc

## P R Æ F A T I O.

hoc est quinquaginta annis post captam ab Athalarico Gotho Romam. Ex quo apparet, non multo ipsum posteriorem fuisse Hieronymo & Augustino, quorum ætas incidit in extremos annos Anicii Petronii Probi. Coævus fuit Cassiodori, Cæsarii Arelatensis, Fulgentii, Vigilii, Prisciani, Victoris Africani, Sidonii Apollinaris, sancti quoque Benedicti, à quo fertur in monte Cassino una cum Tertullo Placidi monachi patre, Senatore Romano, mensæ monasticæ adhibitus.

Puerum Deus miris ingenii dotibus imbuerat: sed & aliis omnibus intruxerat rebus quæ ad vitam bene beateque degendam exoptari solent: Opes enim dederat, valetudinem, formam, amicos.

Sed, orbatum patre, amicorum fides atque industria ad eruditionis & Sapientiæ templa perduxit. Missus est enim infans statim Athenas, ubi jam restaurata litterarum & Philosophiæ studia ma-

## P R Æ F A T I O.

gno præstantissimorum ingeniorum  
confluxu atque ardore agitabantur.  
Ibi ille totos annos **X V I I I**, cum  
aliorum Philosophorum, tum Ari-  
stotelis imprimis atque Euclidis &  
Ptolemæ lectioni vacavit. Ac vide-  
tur quidem Eleaticæ primum, po-  
stea Academiæ, tandem vero Peri-  
patericæ sectæ addictus fuisse. Huc  
illud refero, quod initio hujus libri  
legitur: ubi Philosophia Poeticas  
Musas apud Boethium in carcere  
conspiciens, fingitur ægre ferre  
illarum præsentiam, & dicere, Hunc  
vos, Eleaticis atque Academicis  
studiis innutritum ausæ fuistis a-  
dire? Quod de annis **X V I I I** A-  
thenis exactis dixi, confirmatur  
ipsius Boethii testimonio, ex li-  
bro de disciplina Scholarium.  
Exercuit autem in prima illa æta-  
te studium Poeticæ; itaque ipse  
de se,

*Carmina qui quondam studio florente  
peregi,  
Flebilis, heu, mæstos cogor inire modos.*

Sic

## P R Æ F A T I O.

Sic ergo Boethius pueritiam & juvenilem ætatem consumpsit. Atque huc pertinent illa Fortunæ ad ipsum verba: Quum te matris ex utero natura produxit, nudum rebus omnibus inopemque suscepi, meis opibus fovi, & quod te nunc impatientem nostri facit, favore prono indulgentius educavi, & omnium quæ mei sunt juris adfluentia & splendore circumdedi.

Reversum Athenis in urbem, statim egregia animi virtus, moresque ad humanitatem facti commendavere præcipuis in Repub. viris, qui juvenem ad summa natum ambire, & affinitates suas ipsi ultro etiam offerre, non inhonestum sibi putavere. Duxit autem uxorem primam Elpidem Siculam, virginem nobilem, ex eaque duos filios Patritium & Hypatium suscepit. Fuit autem Elpis ista non probitatis tantum, sed etiam litterarum laude celebris, imprimisque Poeticæ amans.



## P R Æ F A T I O.

Ejus creduntur esse Hymni duo ,  
qui in Ecclesia canuntur, *Anrea lux,*  
&c, *Felix per omnes.*

Elpidis istius quis pater fuerit,  
nescitur : primæ illum dignitatis  
virum fuisse , constat ex iis quæ  
libro secundo Philosophia Boe-  
thium alloquens dicit. Taceo , in-  
quit , quod desolatum parente ,  
summorum te virorum cura sus-  
cepit , delectusque in affinitatem  
Principum civitatis (quod pretio-  
sissimum propinquitatis genus est)  
prius carus quam proximus fui-  
sti. Quis non te fælicissimum cum  
tanto splendore socerorum , cum  
conjugis pudore , tum masculæ  
quoque prolis opportunitate præ-  
dicavit?

Ita ille juvenis admodum ad-  
motus est præcipuis in Rep. ho-  
noribus , ac per eos tandem ad  
summum fastigium , hoc est, Con-  
sularum , pervenit. Huc spectant  
ista Philosophiæ verba , Prætereo  
(libet enim præterire communia)  
sumptas in adolescentia negatas se-

nibus



## P R Æ F A T I O.

nibus dignitates. Incidit autem primus ille Boethii Consularus in annum Christi CCCCLXXXVII, quo anno, ut auctor est Cassiodorus in Chronico, Odoacer Herulus Phœba, Rugorum rege, victo captoque potitus est. Ex quo apparet, Boethium ante occupatum à Theodorico regnum Italiæ Consulem fuisse. Biennio enim post consulatum Boethii ingressus est Italiam Theodoricus, & postea imperante Anastasio, Consuleque Albino Ravennam venit & Odoacrem interemit.

Filii Boethii Patritius & Hypatius annis XIII post patrem Consules facti sunt. Fuit autem is annus à Christo nato quingentesimus, Regis Theodorici octavus. Scribit autem Cassiodorus in Chronico, eo anno Theodoricum Romanam cunctorum votis expetitam advenisse, & Senatum suum mira affabilitate tractasse, Romanæ urbi donasse annonas, atque admirandis mœnibus, deputata per

anno,

## P R Æ F A T I O.

annos singulos maxima pecuniæ quantitate, subvenisse. Hic ille est annus quo Boethius noster filiis suis curules insidentibus, Theodoricum regem diserta admodum oratione in Curia laudavit: cui ille respondens, Senatū mira comitate appellavit, ac se dignitati & commodis ejus nunquam defuturum ostendit. Progressus tunc è Curia in Circum Theodoricus, ad locum qui Palma aurea dicebatur, concionem habuit ad populum cum Senatoribus in gradibus confidentem. Hic vero Boethius, medius inter filios suos consistens, congiarum populo dedit. Profectus autem è Circo Theodoricus, triumphale epulum Senatoribus dedit, ac plebi Romanæ frumentum donavit. Quanta vero fuerit illius actus celebritas, ex eo cognosci potest, quod beatus Fulgentius, qui tunc temporis nova Thrasimundi sævitia exanimatus deserta Africa Romam venerat, pompam

illam

## P R Æ F A T I O.

illam conspiciens, acclamationes audiens, ordinemque rerum admirabilem secum expendens exclamavit, Quam speciosa debet esse Ierusalem illa cælestis, si sic fulget Roma terrestris? & si in hoc sæculo datur tanti honoris dignitas diligentibus vanitatem, qualis honor & gloria tribuetur sanctis contemplantibus veritatem? Sed splendorem illius actus eleganter descripsit ipse Boethius huius operis libro secundo, ubi Philosophiam sic loquentem introducit: Si quis rerum mortalium fructus, ullum beatitudinis pondus habet, poteritne illius memoria lucis quantalibet ingruentium malorum mole deleri, quum duos pariter liberos tuos domo provehî sub frequentia Patrum, sub plebis alacritate vidisti? quum eisdem in Curia curules insidentibus, tu Regiæ laudis orator, ingenii gloriam facundiæque meruisti? Quum in circo duorum mediis Consulum circumfusæ mul-

titu-

## P R Æ F A T I O.

titudinis expectationem Consularis triumphali largitione satiasti? Secundus Boethii nostri Consulatus incidit in annum Christi D X, Theodorici Regis X V I I I. Hoc anno Boethius Consul, Prædicamenta Aristotelis commentariis illustrare aggressus est. Testatur id ipse initio sui Commentarii. Etsi, inquit, nos curæ officii Consularis impediunt, quo minus in his studiis omne otium, plenamque operam consumamus: pertinere tamen videtur ad aliquam Reip. curam, elucubratae rei doctrina cives instruere, nec male de civibus meis merear, si, quum prisca hominum virtus urbium cæterarum in hanc unam Rempublicam Imperium transtulerit, ego, id saltem quod reliquum est, Græcæ sapientiæ artibus, mores nostræ civitatis instruxero. Quare ne hoc quidem ipsum Consulis vacat officio; quum Romani moris semper fuerit, quod ubicumque gentium pulcherrimum esset

atque

## P R Æ F A T I O.

atque laudabile , id magis ac magis imitatione honestare. Iudicabat enim gravissimus vir , non posse à se tempus , quod à Rep. vacuum habebat , melius collocari , quam si illud maximorum virorum , Catonis , M. Tullii , Senecæ , aliorumque exemplo , sapientiæ studiis , atque Aristotelis imprimis , Philosophorum maximi , lectioni , versioni , atque explicationi tribueret. Nam & ipse à prima ætate illis studiis fuerat delectatus , & intelligebat , nihil esse , quo æque humana mens gaudeat atque veri cognitio : & sperabat Romanam juventutem sua opera ad priscam illam virtutem posse excitari. Habebat autem Bibliothecam optimorum utriusque linguae librorum copia instructissimam , cujus parietes ebore ac vitro compri nitebant , neque in carcere postea quicquam tulit molestius , quam quod ea carere debu-erit : quocirca ipse cum Philosophia sua de hac re ita in catenis

conque-

## P R Æ F A T I O.

---

conqueritur. Hæccine, inquit, est Bibliotheca illa, quam certissimam tibi sedem nostris in laribus ipsa delegeras? in qua mecum sæpe residens de divinarum humanarumque rerum scientia dislerebas?

Hisce igitur præsiidiis instructus Boethius omnem Philosophiam Latinis litteris illustrare instituerat. Sic enim scribit: Ego omne Aristotelis opus quodcumque in manus venerit, in Romanum stylum vertens, eorum omnium commenta Latina oratione perscribam: ut siquid ex Logicæ artis subtilitate, vel ex Moralis gravitate peritiæ, & ex Naturalis acumine veritatis, ab Aristotele perspicuum est, id omne ordinatum transferam, atque id quodam lumine Commentariorum illustrem.

Hac ille contentione multa in universa Philosophia vel è Græcis vertit, vel ipse Latine scripsit.

In LOGICIS ista,  
Ad Isagogen Porphyrii libros II.

---

Se-

## P R Æ F A T I O.

Secundæ editionis librum I.

In Categorías Aristotelis libr. II.

In librum *περὶ ἐρμην.* lib. I.

Editionis secundæ libros V I.

De Divisione librum I.

De Definitionibus librum I.

Ad Categoricos Syllogismos introductionis librum I.

In Topica Ciceronis libros V I.

De differentiis Topicis libros I V.

De Syllogismo Categorico lib. II.

De Syllogismo Hypothetico libros II.

In R H E T O R I C I S.

De locis Rhetoricis lib. I.

In A R I T H M E T I C I S,

Transtulit Nicomachum Arithmeticum. Cassiodor. de Arith. Hanc apud Græcos Nicomachus diligenter exposuit : quem primum Madaurensis Apulejus , deinde magnificus vir Boethius , Latino sermone translatum , Romanis contulit lectitandum.

De Arithmetica lib. I I.

In M V S I C A,

Transtulit Pythagoram Musicum

\*\*\*

Scri-

## P R Æ F A T I O.

Scriptit de Musicalibus V.

In G E O M E T R I A,  
Transtulit Euclidem. Cassiodorus loquens de Geometria, Cujus disciplinæ, inquit, apud Græcos Euclides, Apollonius, Archimedes, nec non & alii scriptores probabiles exstiterunt: ex quibus Euclidem translatum in Romanam linguam idem vir magnificus Boethius dedit, qui si diligenti cura relegatur, hoc quod de divisionibus prædictis apertum est, manifesta intelligentia & clara veritate cognoscetur.

Scriptit in Geometriam Euclidis libros tres.

De Quadratura circuli.

In G E O G R A P H I A & A -  
S T R O N O M I A,  
Transtulit Ptolemæum Alexandrinum.

In M E T A P H Y S I C I S,  
De Vnitate & Vno lib. I.

In M E C H A N I C I S,  
Transtulit Archimedem Mechanicum.

Edidit



## P R Æ F A T I O.

Edidit præterea, Platonem à se  
versum.

Epistolarum ad diversos librum I.  
Concordiam quoque Philosophiæ  
Aristotelicæ cum Platoniciis scribere  
adgressus est.

De hebdomadibus lib I.

Crediderim etiam Romæ vel  
ipsum extra ordinem quosdam no-  
biles juvenes docuisse, vel docen-  
tibus aliis præfuisse, & varia om-  
nis sapientiæ exercitia domi suæ  
instituisse. Fuit enim tunc tem-  
poris ipsa etiam Roma litterarum,  
& Philosophiæ, & humaniorum  
disciplinarum artiumque celebri-  
tate clara: quemadmodum ex Re-  
scripto Theodorici Regis ad Sym-  
machum Boethii socerum apparet,  
in quo ille Romam eloquentiæ vo-  
cat fœcundam matrem, virtutum-  
que omnium latissimum templum:  
vetatque, ne Valeriani liberi è  
Syracusana civitate studiorum  
caussa Romam deducti, ipso in-  
consulto aut inscio ad patrem re-  
deant.

## P R Æ F A T I O.

Nota quoque exteris fuit Boethii nostri eruditionis fama. Nam quum Theodoricus Francorum regi Chlodoveo, & Burgundionum regi Gundibaldo adfinitate junctus esset, quod illius quidem sororem Audasledam uxorem ipse duxisset, alteri vero ipse filiam elocasset, forte evenit, ut Gundibaldus, qui Ravennæ socerum inviserat, Romam quoque excurreret, urbis fama, & Boethii nominis celebritate excitus, cui quum Boethius inter alia mechanici operis organa ostendisset horologia duo, quorum alterum in Sphæra mobili cursum Solis significabat, alterum aquis stillantibus indicabat horarum spatia, cujusmodi Græci clepsydras vocant, obstupefactus eorum conspectu homo Barbarus, simulatque in suum regnum reversus est, missis legatis petiit à Theodorico ejusmodi ad se horologia transmitti. Theodoricus Boethium ut talia adfini suo concinnaret, ro-

gavit;

## P R Æ F A T I O.

gavit; concinnata vero misit. Exstant ejus apud Cassiodorum Epistolæ duæ, harum rerum testes, quas operæ pretium est cognoscere, tum ad confirmandam fidem eorum quæ dixi, tum quia eximiam continent Boethii prædicationem. Audi ergo quid priore Epistola Theodoricus scribat: Burgundionum Dominus à nobis magnopere postulavit, ut herologium, quod aquis sub modulo fluentibus temperatur, & quod Solis immensi comprehensa illuminatione distinguitur, cum magistris rerum ei transmittere deberemus . . . . Merito siquidem respicere cupiunt, quod Legatorum suorum relationibus obstupescunt. Hoc te, multa eruditione saginatum, ita nosse didicimus, ut artes quas exercent vulgariter nescientes, in ipso disciplinarum fonte potaveris. Sic enim Atheniensem Scholas longe positus introisti, sic palliatorum choris miscuisti togam, ut Græcorum do-

## P R Æ F A T I O.

gmata doctrinam feceris esse Romanam. Didicisti enim, qua profunditate cum suis Speculativa cogitetur; qua ratione Activa cum sua divisione discatur: deducens ad Romuleos Senatores quicquid Cecropidæ mundo fecerant singulare. Translationibus enim tuis Pythagoras Musicus, Ptolemæus Astronomus leguntur Itali: Nicomachus Arithmeticus, Geometricus Euclides, audiuntur Ausonii: Plato Theologus, Aristoteles Logicus Quirinali voce disceptant: Mechanicum etiam Archimedem Latialem Siculis reddidisti: Et quascumque disciplinas vel artes fecunda Græcia per singulos viros edidit, te uno auctore, patrio sermone Roma suscepit: quos tanta verborum luculentia reddidisti claros, tanta linguæ proprietate conspicuos, ut potuissent & illi opus tuum præferre, si utrumque didicissent. Tu artem prædictam, ex disciplinis nobilibus natam, per qua-

drifarias

## P R Æ F A T I O.

drifarias Mathesis januas introifti. Tu illam in Naturæ penetrabilibus confidentem , auctorum libris invitantibus , cordis lumine cognovifti \*\*\*. Hæc quia ftudiofius te legiffe comperimus , prædicta nobis horologia , quantocius transmittere maturabis ; ut te notum in illa parte mundi facias , ubi aliter pervenire non poteras. Agnofcant per te exteræ gentes , tales nos habere nobiles , quales leguntur auctores. Quoties non funt credituræ quod viderint ? Quoties hanc veritatem luforia fomnia putabunt ? Et quando fuerint à ftupore converfi , non audebunt fe æquales nobis dicere , apud quos fciunt fapientes talia cogitaſſe.

In Epiftola Theodorici ad Gundibaldum Burgundionum regem leguntur iſta: Quapropter ſalutantes gratia conſueta , per harum portitores , præſentiæ veſtræ , horologia , cum ſuis diſpoſitoribus credidimus deſtinanda ; Vnum , In quo

## P R Æ F A T I O.

humana solertia videtur colligi quod totius cæli noscitur spatia pervagari; aliud, ubi Solis meatus sine Sole cognoscitur, & aquis guttantibus horarum spatia terminantur. Habetote in vestra patria, quod aliquando vidistis in civitate Romana. Dignum est, ut nostris bonis vestra gratia perfruat, quæ nobis etiam adfinitate conjungitur.

Sed & citharœdum missurus Theodoricus ad Chlodoveum Francorum regem, Boethium nostrum consuluit, deditque ipsi curam deligendi alicujus idonei. Apparet id ex epistola ipsius Theodorici ad Boethium, in qua hæc leguntur: Quum Rex Francorum convivii nostri fama pellectus, à nobis citharœdum magnis precibus expetisset, sola ratione complendum esse promisimus, quod te eruditionis Musicæ peritum esse noveramus. Adjacet enim vobis doctum eligere, qui disciplinam

ipsam

## P R Æ F A T I O.

ipsam in arduo collocatam potuistis attingere.

Idem quoque ad Chlodoveum (quem Cassiodorus Luduin vocat) victoria Alemannica elatum scribens, eum, ut moderatione & clementia victos sibi devinciat, hortatur, ac tandem addit, Citharædum etiam arte sua doctum pariter destinavimus expetitum, qui ore manibusque consona voce cantando, gloriam vestræ potestatis oblectet: quem ideo fore credimus gratum, quia ad vos eum judicastis magno opere dirigendum. Hæc igitur studia fuere Boethii.

Quæ dum tractat, eripitur ipsi morte Elpis, fida curarum, & gaudiorum, & studiorum socia. Ejus Epitaphium, (incertum, scriptumne à Boethio, an ab alio aliquo,) talè legitur,

*Elpis dicta fui, Sicula regionis alumna,  
Quam procul à patria conjugis egit  
amor.*

## P R Æ F A T I O.

*Quo sine mæsta dies , nox anxia, fle-  
bilis hora,*

\* \* \*

*Porticibus sacris jamnunc peregrina  
quiesco ,  
Iudicis aterni testificata thronum.*

Defuncta Elpide, Boethius secundam uxorem duxit Symmachi Senatoris & Consularis viri filiam Rusticianam, ex qua duos filios paterni avitque ingenii speciem præferentes suscepit. Atque hos quidem Consulares vocat, non quod Consules fuissent, sed quod viro Consulari essent progeniti.

Sequitur est postea Boethii tertius ultimusque Consulatus, quem ille cum Symmacho socero suo gessit, anno Christi DXXII, ætatis suæ LXVII. Ad eum vero petendum, ut & alios quoque honores, non ambitio Boethium, aut lucri spes, sed bonorum commune studium impulit.

Ac



## P R Æ F A T I O.

Ac videtur Symmachum quidem Consulem dedisse Senatus Romæ novæ, Boethium vero Senatus Romæ veteris. Huic Symmacho Boethius libellum inscripsit à se compositum de S. Trinitate adversus Nestorii & Eutychetis errores. Fuit enim S. Theologiæ imprimis studiosus Boethius; ac tunc quidem eo impensius, quod videret orthodoxam de S. Trinitate sententiam vehementer ab Ostrogothis Arianis, ipsorumque rege Theodorico oppugnari. Scripsit ergo de Unitate Trinitatis, Vtrum Pater, Filius, & Spiritus sanctus de divinitate substantialiter prædicentur: Præterea, de Fide, ad Ioannem Diaconum: & de duabus in Christo naturis. Sed Boethius editis istis operibus odium sibi Theodorici Regis conflavit, & in suspicionem apud ipsum venit capti de mutando Reip. statu & vindicanda in libertatem Italia, consilii. Nec defuere, qui hac occasione in ipsum aperte in-

surge-

## PRÆFATIO.

surgerent ; Consulisque authoritatem aperte oppugnarent : quibus omnibus Boethius , fretus recti animi conscientia , fortiter sese opposuit , neque est veritus , pro tuenda Repub. & privatorum civium jure , inimicitias potentiorum suscipere.

Primum ergo Conigastum exactorem repressit , miserorum civium fortunas nefarie invadentem , neque id semel tantum fecit , suo Consulatu , sed sæpius. Postea Triguillam , Regiæ domus præfectum , ab incepta , jamque perpetrata injuria , revocavit. Bona & innocuos cives , quos infinitis calumniis effrenis Gothorum avaritia divexabat , objecta periculis nominis sui auctoritate protexit. Provincialium quoque fortunas privatis præfectorum rapinis & publicis vectigalibus pessumdari , apud Regem Theodoricum questus est. Quumque acerba fame fervente , gravis atque inexplicabilis indicta coemptio profligatura Cam-

paniam

## P R Æ F A T I O.

paniam provinciam videretur, ipse communis commodi causa certamen adversus Præfectum Prætorii suscepit, & Rege ipso cognoscente pro Campanis acriter contendit, & ne coemptio illa exigeretur, orationis suæ vi effecit. Paulinum, Consularem virum, cujus opes Palatinæ hircines jam spe atque animo exsuerant, faucibus accusatorum famelicis eripuit. Albinum quoque & ipsum virum Consularem, Cypriani delatoris accusatione pressum, defendit Veronæ, derivato etiam in se Cypriani odio: quumque Rex ipse majestatis crimen in Albinum delatum, ad universum Senatum transferre conaretur, faceretque pro uno reos plures, Boethius noster ingenti cum securitatis suæ periculo Senatum omnem gravissima oratione defendit. Sed audiamus gesta à se in suo Consulatu referentem Boethium: Susceptæ sunt mihi cum improbis graves inexorabilesq; dis-

cordiæ:

## P R Æ F A T I O.

cordiæ : & , quod conscientiæ libertas habet , pro tuendo jure spreta potentiorum semper offensio. Quoties ego Conigastum in imbecillis cujusque fortunas impetum facientem obvius excepi ? Quoties Triguillam regiæ præpositum domus ab incepta perpetrataque jam prorsus injuria dejeci ? Quoties miseros , quos infinitis calumniis impunita Barbarorum semper avaritia vexabat , objecta periculis auctoritate protexi ? Nunquam me ab jure ad injuriam quisquam detraxit. Provincialium fortunas tum privatis rapinis , tum publicis vectigalibus pessumdari , non aliter quam qui patiebantur , indolui. Quum acerbæ famis tempore gravis atque inexplicabilis indicta coemptio profligatura inopia Campaniam Provinciam videretur , certamen adversum præfectum Prætorii communis commodi ratione suscepi , Rege cognoscente contendî , & , ne coemptio exigeretur , evici.

Paul-

## P R Æ F A T I O.

Paullinum , Consularem virum ,  
cujus opes Palatini canes jam spe  
atque ambitione devorassent , ab  
ipsis hiantium faucibus traxi. Ne  
Albinum Consularem virum præ-  
judicatæ accusationis pœna corri-  
geret , odiis me Cypriani delatoris  
opposui. Satisne magnas in me vi-  
deor exacerbasse discordias?

Hiscæ à Boethio tempore sui  
Consulatus gestis , quum Regis  
& aulicorum odia in ipsum fla-  
grarent , sequente anno , qui in  
Fastis Maximum Consulem ha-  
bet , accusatus est à Basilio , Opi-  
lione , & Gaudentio , hominibus  
flagitiose improbis , & (quia ipsi  
impium quoque Arij dogma ad ex-  
emplum sui regis sequebantur )  
Orthodoxo nomini insensissimis.  
Ex his Basilius olim regio mini-  
sterio depulsus , in delationem Boe-  
thii æris alieni necessitate , & spe  
Regii favoris , descendit : Opilio  
vero & Gaudentius , qui ob mul-  
ta flagitia exilio destinati , adium  
sacrarum , ad quas confugerant , se

præsidio

## P R Æ F A T I O.

præsidio tuebantur, (etsi Rex edixisset, nisi intra præstitutum diem Ravenna excederent, futurum, ut extracti è templis, frontibus suis inusti urbe pellerentur) simulatque Boethii accusationem professi sunt, (quod quidem eo pse die quo Rex id ipsis comminatus fuerat, accidit) repente admissi, auditi, in gratiam Regis recepti, ac pristinæ dignitati restituti sunt. Summa vero accusationis, vel delationis potius, hæc fuit: Quod Boethius salvum Senatum, ejusque auctoritatem esse voluisset. Quod delatori obstitisset, ne documenta adferret, quibus Senatum reum læsæ majestatis probaret. Quod restitutionem Imperii Romani molitus fuisset; ad cujus capitis confirmationem ipsi litteras quasdam tanquam à Boethio scriptas proferebant, quum essent à se confictæ. Dicebant etiam, Boethium ob ambitum dignitatis conscientiam suam sacrilegio polluisse. Theodoricus au-

tem

## P R Æ F A T I O.

tem Ostrogothorum Rex, qui hactenus, etsi ab Ecclesiæ sententia dissideret in articulo de sancta Trinitate, æquum se atque humanum Orthodoxis præbuerat, ab hoc inde tempore cœpit ingenium à clementia ad crudelitatem, & ab humanitate consueta ad Barbariem tyrannidemque transferre, sive blandientis fortunæ aura elatus, sive odio eorum quos intelligebat à sua sententia in religione alienos, sive quod ab illis prætextu religionis propagandæ & oppugnandæ hæreseos mutationem Reipub. metuebat. Tantum enim falsis accusationibus & fictis criminibus tribuit fidei, ut Boethium, quo vix alius, sicut antea intelleximus, ipsi fuerat dilectior, etiam insontem condemnarit, & publicatis ejus bonis omnibus, Ticinum (quod posteriores Papiam vocaverunt) relegarit, quingentis, ut ipse conqueritur, ab urbe passuum milibus. Ipse ait, se bonis omnibus pulsum, dignitatibus

\*\*\*\*

exu-

## P R Æ F A T I O.

exutum, existimatione fœdatum, ob beneficium supplicium retulisse; & ob studium propensius in Senatum morti proscriptionique damnatum fuisse.

In hoc carceris pedore, remotus à Bibliotheca, pressus catenis, non fuit otiosus, neque dolori succubuit, sed medicinam petiit ex studiis sapientiæ, quæ sola animi ægritudinem lenire potest, & in summis malis sola est viri boni hæreditas. Primum ergo scripsit ad exemplum Socratis, Apologiæ, vel defensionis suæ librum, contra falsas malevolorum accusationes: id enim ipse indicat his verbis: Cujus rei seriem atque veritatem, ne latere posteros queat, stylo etiam memoriæque mandavi. Scripsit quoque in eodem carcere ad Symmachum librum de S. Trinitate, quo sententiam B. Augustini breviter expressit. Scripsit leniendo dolori suo libros istos quinque de Consolatione Philosophiæ. Neque vero opus ille

totum,



## P R Æ F A T I O.

totum , prout instituerat , absol-  
vit : habeo enim certissima argu-  
menta , quibus possum evincere ,  
propositum Boethio fuisse , ex do-  
ctrina quoque Christiana ea supe-  
rioribus addere , quibus ad consi-  
derationem æternæ vitæ animus  
humanus attolli posset. Nam pri-  
mum , non est verisimile , partem  
istam à Christiano homine , mor-  
tem ob oculos habente , fuisse  
præteritam ; eumque qui de S. Tri-  
nitate in carcere scripsit , consolati-  
onem in adversis non petiisse ex  
disciplina Christi , & doctrina re-  
rum credendarum ac sperandarum  
libris sacris explicata : Deinde , ip-  
se Philosophica ista proponens ,  
pollicetur quædam altiora. Hæc ,  
inquit , nondum morbi tui reme-  
diâ , sed adhuc contumacis adver-  
sus curationem doloris fomenta  
quædam sunt. Nam quæ in pro-  
fundum sese penetrent , quum  
tempestivum fuerit , exponam.  
Videsne N. Iu. sapientiam ipsi  
promittere majora quædam , &

P R Æ F A T I O.

efficaciora? Adhæc, libro quarto Boethius Philosophiam compellans, eam vocat veri præviam luminis: non igitur in parte illa statuit subsistere, sed progredi ulterius ad majus lumen. Iam, quod paullo post dicitur, Decursus omnibus quæ præmittere necessarium puto, viam tibi quæ te domum revehat ostendam. Pennas etiam tuæ menti, quibus se in altum tollere possit, affigam, ut perturbatione deorsum, sospes in patriam, meo ductu, mea semita, meis etiam vehiculis revertaris. Nemo non videt, rerum tractandarum propositionem hisce verbis contineri. Promittit autem, se primum præmissurum quædam, postea se quædam subjuncturum. Quæ præmissurum se ait, habemus: alteram partem desideramus, in qua erat ostensurus viam quæ hominem domum, id est in cœlum ducat; quæque pennas ipsius mentis affixura erat, quibus se in altum posset tollere, atque ita so-

spes

## PRÆFATIO.

spes in patriam, hoc est, cœlum, reverti. Ex his apparet, libros istos nondum esse perfectos. Sed quid cesso valido & inconcussæ autoritatis argumento idem probare? Initio libri quinti sic loquitur Boethius de Philosophia: Dixerat, orationisque cursum ad alia quædam tractanda, & expedienda vertebat: Quænam? illa scilicet, quæ ex Christianæ religionis mysteriis peti possunt; quum Boethius sermonem injicit de Casto, De Libero arbitrio, & Concordia Præscientiæ divinæ cum libertate arbitrii, quæ tractatio usque ad finem libri sese extendit. Sequitur igitur, nondum id quod docere instituetur, plene esse absolutum, sed desiderari partem illam quæ viam ad cœlum monstrat, quæ ex sola Christi doctrina peti debet. Indicat hoc ipsum clarius postea Philosophia, quum ait, Festino debitum promissionis absolvere, viamque tibi qua in patriam eveharis, aperire. Hæc au-

## P R Æ F A T I O.

tem et si per utilia cognitu, tamen à proposito nostri tramite paulisper averfa sunt; verendumque est, ne devius fatigatus, ad emetiendum rectum iter sufficere non possis. Devia vocat disputationem de Casu, de libertate arbitrii humani, & Concordia divinæ præscientiæ cum libertate arbitrii. Emenfio autem recti itineris, & via quæ in patriam ducit, quam nos desideramus, erat futura pars illa proprii Christianitatis, in qua Philosophia ipsum per infamiam, accusationes, carceres, mortem, omniaque adversa duxisset ad vitam æternam, & beato Christi Servatoris, ac Prophetarum atque Apostolorum choro conjunxisset.

Neque vero quia Christi & Apostolorum non meminit in his libris Boethius, propterea minus efficax consolatio ejus videri debet, quandoquidem ea ipsa quæ dicuntur, vera, & scripturis divinis sunt congrua. Magis autem æstimanda est divina veritas ex

ratione,

## P R Æ F A T I O.

ratione, quam ex verbis hoc aut illo modo prolatis. Ratio enim semper uniformis est, verba pro scribentis aut loquentis arbitrio mutari possunt. Ioannes Sarisberien- sis, vir, etiam quum de nugis scribit, gravissimus: Licet, inquit, liber ille Verbum non exprimat in- carnatum, tamen apud eos qui ra- tione nituntur, non mediocris au- ctoritatis est, quum ad reprimen- dum quemlibet exulceratæ mentis dolorem, congrua cuique medica- menta conficiat.

Cætera quæ ad Boethii nostri in carcere Ticinensi agentis statum condicionemque pertinent, pos- sunt intelligi ex sermone Philoso- phiæ ad Boethium. Viget, in- quit, incolumis, illud pretiosissi- mum generis humani decus, Sym- machus focer, &, quod vitæ pre- tio non segnis emeret, vir totus ex sapientia virtutibusque factus, suarum securus, tuis ingemiscit in- juriis. Vivit uxor, ingenio mode- sta, pudicitia pudore præcellens, &, ut omnes ejus dotes breviter

## P R Æ F A T I O.

includam , patri similis. Vivit, inquam , tibi que tantum , vitæ hujus exosa , spiritum servat , & , ( quo uno felicitatem minui tuam vel ipsa concefferim ) tui desiderio lacrymis ac dolore tabescit. Quid dicam liberos Consulares , quorum jam , ut in id ætatis pueris vel paterni , vel aviti specimen elucet ingenii ? Atque hæc quidem ita sese habent. Nunc ea videamus , quæ ad ipsius obitum faciunt.

Præerat in Oriente rebus humanis Iustinus Imperator , ipse etiam ex gente Anicia , vocatus enim fuit **F L. ANICIUS IUSTINVS** , atque ita nomen ejus numi referunt. Hunc necesse est cognatum fuisse nostro Boethio. Proposuit autem Iustinus Edictum , ut Arianorum Ecclesiæ ubique Catholicis cederent. Per id ægre tulit Theodoricus Italiæ Rex , quod & ipse Arianus esset , & toti sectæ faveret. Is idcirco Ioannem Episcopum Romanum Constantinopolim misit , qui ipsius ver-

bis

## PRÆFATIO.

bis Imperatorem Iustinum mone-  
ret , ut ereptas Arianis in Græcia  
& Asia Ecclesias restitueret , neque  
ullum ipsis negotium facesseret ,  
sin minus , se eadem omnia Catho-  
licis in Italia illaturum , quæ Aria-  
nis intelligeret in Asia omnique  
Græcia facta esse. Profectus ad Iu-  
stinum Ioannes Papa , non paruit  
Regis mandatis , sed , ex consilio  
& iussu Iustini , quacumque iter  
fecit , Ecclesias omnes sententiæ  
Orthodoxæ consecravit. Itaque  
reversum Theodoricus Ravennam  
ad se evocavit , una cum Symma-  
cho Boethii socero : atque illic  
primum Ioannem , tanquam reum  
majestatis , carceri inclusum , fa-  
me , siti , aliisque incommodis in-  
teremit : postea etiam Symma-  
chum , ut conscium rerum adver-  
sus Arianos gestarum ; ac tandem  
quoque Boethium : quem ille Ti-  
cini , resecta in carcere cervice , oc-  
cidi iussit , anno Christi DXXVI,  
qui Theodorici regis fuit XXXIV,  
Iustini Imperatoris nonus , Boe-

## P R Æ F A T I O.

thii vitæ LXXI, Ioannis Papæ ultimus & Felicis primus. Ostenditur hodieque Ticini turris lateritia, in qua Boethius detentus in vinculis fuit. Corpus ejus cives in templo B. Petri condidere, sub cælo aureo, sacello B. Augustini, qua parte in aditum templi adscensus incipit, estque ejus monumento insculptum hoc Epitaphium,

*Maonia & Latia lingua clarissimus,  
& qui*

*Consul eram, hic perii, missus in  
exsilium.*

*Sed quem mors rapuit, probitas evexit  
ad auras.*

*Et nunc fama viget maxima, viget  
opus.*

Nec superfuit diu Ioanni, Symmacho, Boethio, Theodoricus, ipso enim illo anno mortuus est.

Post obitum ejus Amalisuenta, Theodorici filia, Athalarici mater, vidua Eutharici, omnes Boethii statuas prostratas Romæ erexit,

&



## P R Æ F A T I O.

& hæredibus patrimonium incolume reddidit. Theodobatus quoque Rex, quem Amalifuenta soror ad regnum promoverat, Maximum quendam ex gente Anicia ad Primiceriatus provehens dignitatem, adscivit in regiæ stirpis conjugem, ut est apud Cassiodorum lib. X, epist. XI.

Denique ducentis septuaginta post annis, hoc est, anno Christi CMXCVI Otho III Augustus, ossa Boethii, sepulchro, in quo eum in diem usque abdita jacuerant, educta, elevari, & in tumba marmorea exaltari fecit. In cujus rei memoriam Gerbertus, is qui Rhemenfi Archiepiscopatu abdicato Episcopus Ravennas ac tandem Pontifex Maxi. adsumto nomine Sylvestri II factus est, hoc carmen eo tempore condidit,

*Roma potens, dum jura suo declarat in orbe,*

*Tu pater & patria lumen Severine  
Boethi*

*Consis-*

P R Æ F A T I O.

*Consulis officio rerum disponis habenas,  
Infundis lumen studiis, & cedere  
nescis*

*Gracorum ingeniis: sed mens divina  
coercet*

*Imperium mundi. Gladio bacchante  
Gothorum*

*Libertas Romana perit. Tu Consul  
& exsul*

*Insignes titulos præclara morte relin-  
quis:*

*Nunc decus Imperii, summas qui præ-  
gravat artes,*

*Tertius Otho sua dignum te judicat  
aula,*

*Æternumque tui statuit monumenta  
laboris,*

*Et bene promeritum, meritis exornat  
honestis.*

Exposui breviter, Nob. I. ea quæ  
de Vita Fl. Anicii Manlii Tor-  
quati Severini Boethii dicere ha-  
bui. Superest ut de hoc opere  
pauca subjiciam. Sunt quidem o-  
mnes Boethii libri graves & eru-  
diti, sed in his de Consolatione

Philo-

## P R Æ F A T I O.

Philosophiæ, nescio quomodo noster auctor seipsum vicerit. Ac puto homines, quo sunt morti viciniore, eo plus experiri in se divinitatis; eoque communem vitæ ordinem egressos, majora dicere; facere, videre, cogitare, quam in omni vita acta fecerint, quæ res ingens momentum habet ad probandam immortalitatem animorum. Boethius igitur in carcere animum suum à rebus aliis omnibus abductum revocavit ad considerationem beatitudinis; scripsitque Consolationem istam, verbis sententiisque ita numerosam, ut nihil possit concipi elegantius. Accipe Iulii Cæsaris Scaligeri iudicium, ex ipsius Hypercritico: Boethii Severini ingenium, eruditio, ars, sapientia, facile provocat omnes auctores, sive illi Græci sint, sive Latini. Sæculi Barbarie ejus oratio soluta deterior invenitur; at quæ libuit ludere in poesi, divina sane sunt. Nihil illis cultius, nihil gravius;

neque

## P R Æ F A T I O.

neque densitas sententiarum Venerem, neque acumen abstulit ardorem. Equidem censeo, paucos cum illo compari posse. Val- la docet illum latine loqui; at Val- lam Boethius bene sapere.

Forma libri est Dialogistica, non *μονοπρόσωπος*: & in Dialogo ipso non interloquuntur nudæ personæ, sed intercedit sæpe ipse Boethius, narrans multa, & filo orationis suæ consuens, atque contexens ea, quæ à se, quæque à Philosophia differuntur. Dictio est varia, modo soluta, modo pedibus adstricta; ipse Prosam vocat & metrum.

Libri sunt quinque. Primus habet querelam & lamentationem Boethii, ex collatione status prioris cum præsentis.

I I. Secundo libro applicat Philosophia leviora quædam fomenta, docetque, injuste Boethium de fortuna queri.

I I I. Tertius liber certiora continet adversus animi ægritudinem

reme-

## P R Æ F A T I O.

remedia , & rejecta falsæ fælicitatis specie , veram beatitudinem ostendit.

IV. Quartus docet , Omnes malos infelices & imbecillos esse , Bonos vero semper beatos & potentes , Deo cuncta regente. Hic agitur de Providentia & Fato ; doceturque nullam esse fortunam malam.

V. Quintus est de Casu , de libertate arbitrii , & Concordia libertatis cum præscientiâ divina.

Quibus si sextus accessisset de vita æterna , in quo ostendisset ad vitam illam contendentibus ferenda esse multa adversa , exemplo Christi , Prophetarum , Apostolorum , haberemus plenam & consummatam adversus omnia hujus vitæ mala consolationem.

Habes , Nobilissime juvenis , ea quæ ad aureolum hunc Boethii libellum præmittenda duxi. Hæc autem sub tuo nomine publice conspici volui , ut exstaret ali-

quod


## P R Æ F A T I O.

quod mei in te adfectus, amicitiaeque ab utroque avo, patreque insuper, & patruo, viris omni sæculorum memoria dignissimis, ad te usque cum vero cultu derivatae, testimonium. Si jam hæc usui non sunt, proderunt forte olim. Non debet autem te offendere, quod partes docendi Boethius tribuat Philosophiæ; neque enim vel alienum est à Philosophiæ munere, tractare res divinas; vel proprium ejus, tractare tantum res profanas. Omnis veri consideratio pertinet ad philosophum. Philosophatur physicus de rebus naturalibus; Ethicus de moribus; Mathematicus de quantitativis; Metaphysicus de supernaturalibus; Theologus de rebus divinis. Nulla veri consideratio à philosopho aliena, nulla non ejus propria est. philosophatur Paulus, philosophantur Prophetæ: Ipse etiam Dominus noster in divinis suis & salutaribus concionibus philosophatur.

P R Æ F A T I O.

Quæ quum ita sint , cogita , Philosophiam nostram dum adversus animi ægritudinem remedia proponit , proprio suo fungi munere ; & Boethium nostrum æstima , vel propter se , vel propter me , vel propter remedia adversus ancipites humanæ vitæ casus. Vale.







Anicii Manlii Torquati  
SEVERINI BOETHII  
DE  
CONSOLATIONE  
PHILOSOPHIÆ,  
LIBER I.  
METRUM I.

**C**ARMINA qui quondam studio flo-  
rente peregi,  
Flebilis, heu, maestos cogor inire modos.  
Ecce mihi lacera, distant scribenda Camena,  
Et veris elegi fletibus ora vigant.  
Has saltem nullus potuit pervincere terror,  
Ne nostrum comites prosequerentur iter.  
Gloria felicis olim viridisque iuventa  
Solatur maesti nunc mea fata senis.  
Venit enim properata malis incipina senectus,  
Et dolor atatem iussit inesse suam.  
Intempestivi funduntur vertice cani,  
Et veniit effetro corpore laxa curi.  
Mors hominum felix, qua se nec dulcibus  
annis  
Inserit, & maesti saepe vocata venit.  
Eheu, quam surda mihiros avertitur aure,  
Et flentis oculos claudere sava negat!  
Dum levibus malefida boni fortuna fave-  
res,  
Pane caput tristis merserat hora meum.

*Nunc quia fallacem mutavi nubila vultum,  
 Protrahit ingratas impia vita moras.  
 Quid me felicem toties jactastis amici?  
 Qui cecidis , stabili non erat ille gradu.*

## PROSA I.

HÆC dum mecum tacitus ipse reputarem , querimoniamque lacrymabilem styli officio designarem , adstitisse mihi supra verticem visa est mulier reverendi admodum vultus, oculis ardentibus, & ultra communem hominum valentiam perspicacibus , colore vivido, atque inexhausti vigoris ; quamvis ita ævi plena foret, ut nullo modo nostræ crederetur ætatis : statura discretionis ambigua. Nam nunc quidem ad communem sese hominum mensuram cohibebat , nunc vero pulsare cœlum summi verticis cacumine videbatur : quæ cum caput altius extulisset , ipsum etiam cœlum penetrabat ; respicientiumque hominum frustrabatur intuitum. Vestes erant tenuissimis filis , subtili artificio , indissolubilique materia perfectæ ; quas , uti post eadem prodente cognovi, suis manibus ipsa texuerat. Quarum speciem, veluti fumosas imagines solet, caligo quædam neglectæ verustatis obduxerat. Harum in extremo margine π, in supremo vero θ legebatur intextum. Atque inter utrasque litteras, in scalarum modum, gradus quidam insigniti videbantur, quibus ab inferiore ad superius elementum esset ad-

scensus.

scensus. Eandem tamen vestem violentorum quorundam sciderant manus, & particulas, quas quisque potuit, abstulerant. Et dextrera quidem ejus libellos, sceptrum vero sinistra gestabat. Quæ ubi poëticas Musas vidit, nostro assistentis toro, flexibusque meis verba dictantibus, commoda paulisper, ac torvis inflammata luminibus. Quis, inquit, has scenicas meretriculas ad hunc ægrum permisit accedere? quæ dolores ejus non modo nullis foverent remediis, verum dulcibus insuper alerent venenis? Hæ sunt enim, quæ infructuosos affectuum spiritus, uberem fructibus rationis segetem necant, hominumque mentibus asuescunt morbo, non liberant. At si quem profanum, uti vulgo solitum, nobis blanditiæ vestræ detraherent, minus moleste ferendum putarem. Nihil quippe in eo nostræ operæ læderetur. Hunc vero Eleaticis, atque Academicis studiis attrigistis inuitum? Sed abite potius Seirenes usque in exitium dulces, meisque cum Musis curandum, sanandumque relinquire. His ille chorus increpitus, dejecit humi maestior vultum, confessusque rubore verecundiam, limen tristis excessit. At ego, cujus acies lacrymis mersam caligarat, ne dignoscere possem, quæ nam hæc esset mulier tam imperiosæ auctoritatis, obstupui, visusque in terram defixo, quidnam deinceps esset actura, expectare tacitus cœpi. Tum illa propius accedens, in extrema lectuli mei parte confedit, meumque in-

tuens vultum luctu gravem, atque in humum mærore dejectum, his versibus de nostræ mentis perturbatione conquesta est.

### M E T R V M I I.

Heu, quam precipiti mersa profundo  
Mens hebet, & propria luce relictâ,  
Tendit in externas ire tenebras,  
Terrenis quoties flatibus acta  
Crescit in immensum noxia cura!  
Hic quondam cælo liber aperto,  
Suetus in ætherios ire meatus,  
Cernebat rosei lumina solis;  
Visebat gelida sidera luna,  
Et quæcunque vagos stella recursus  
Exercet, varios flexa per orbis,  
Compressam numeris victor habebat.  
Quin etiam causas, unde sonora  
Flamina sollicitent aquora Ponti,  
Quis voluat stabilem spiritus orbem,  
Vel cur Hesperias fidus in undas  
Casurum rutilo surgat ab ortu:  
Quis veris placitas temperet horas,  
Ut terras roseis floribus ornet:  
Quis dedit ut pleno fertilis anno  
Autumnus gravidis influat uvis,  
Rimari solitus, atque latentis  
Naturæ varias reddere causas:  
Nunc jacet effeto lumine mentis,  
Et pressus gravibus colla catenis,  
Declivemque gerens pendere vultum;  
Cogitur, heu! stolidam cernere terram.

PROSA

## P R O S A I I.

S E D medicinæ, inquit, potius tempus est quam querelæ. Tum vero toris in me intentæ luminibus: Tu ne es ille, ait, qui nostro quondam lacte nutritus, nostris educatus alimentis, in virilis animi robur evaseras? Atqui talia contuleramus arma, quæ nisi prius abjecisses, invicta te firmitate tuerentur. Agnoscisne me? Quid races? pudore an stupore siluisti? mallem pudore; sed te, ut video, stupor oppressit. Cumque me non modo tacitum, sed elinguem prorsus, mutumque vidisset, admovit pectori meo leniter manum. Et nihil, inquit, periculi est, lethargum patitur, communem illarum mentium morbum. Sui paulisper oblitus est; recordabitur facile, si quidem nos ante cognoverit. Quod ut possit, paulisper lumina ejus, mortalium rerum nube caligantia, tergamus. Hæc dixit, oculosque meos fletibus undanteis, contracta in rugam veste, siccavit.

## M E T R V M I I I.

*Tunc me discussa liquerunt nocte tenebra,*

*Luminibusque prior rediit vigor:*

*Vt cum præcipiti glomerantur sidera co-*

*ro,*  
*Nimbosisque polus flexit imbribus,*

*Sol laet , ac nondum calo venientibus astra ,  
 Desuper in terram nox funditur ;  
 Hanc si Thraëio Boreas emissus ab antro  
 Verberet , & clausum reseat diem ,  
 Emicat , & subito vibratus lumine Phœbus ,  
 Mirantem oculos radius ferit .*

### PROSA III.

**H A V D** aliter tristitiæ nebulis dissolutis , hauri coelum , & ad cognoscendam medicantis faciem mentem recepi . Itaque ubi in eam deduxi oculos , intuitumque defixi , respicio nutricem meam , in cuius ab adolescentia Laribus versatus fueram , Philosophiam . Et quid , inquam , tu in has exilii nostri solitudines , ô omnium magistra virtutum , supero cardine delapsa venisti ? an ut tu quoque mecum rea falsis criminationibus agiteris ? An , inquit illa , te , ô alumne , defererem , nec sarcinam , quam mei nominis invidia sustulisti , communicato tecum labore partirer ? Atqui Philosophiæ fas non erat , incomitatum relinquere iter innocentis . meam scilicet criminationem vererem ? & quali novi aliquid acciderit , sic perhorrescerem ? Nunc enim primum censes apud improbos mores laceffitam periculis esse sapientiam ? Nonne apud veteres quoque , ante nostri Platonis ætatem , magnum sæpe certamen , cum stultitiæ temeritate certavimus ? eodemque superstitute , præceptor ejus Socrates injustæ victoriæ mortis me

adstante promeruit ? Cujus hæreditatem cum deinceps Epicureum vulgus, ac Stoicum, ceterique pro sua quisque parte raptum ire molirentur, meque reclamantem, renitentemque, velut in partem prædæ, traherent, vestem, quam meis texueram manibus, disciderunt, abreptisque ab ea panniculis, totam me sibi cessione credentes, abiere. In quibus, quoniam quadam nostri habitus vestigia videbantur, meos esse familiares imprudentia rata, non nullos eorum profanæ multitudinis errore pervertit. Quod si nec Anaxagoræ fugam, nec Socratis venenum, nec Zenonis tormenta, quoniam sunt peregrina, novisti, at Canios, at Senecas, at Soranos, quorum nec per vetusta, nec incelebris memoria est, scire potuisti. Quos nihil aliud in cladem detraxit, nisi quod nostris moribus instituti, studiis improborum dissimilimi videbantur. Itaque nihil est quod admirare, si in hoc vitæ falo circumstantibus agitemur procellis, quibus hoc maxime propositum est, pessimis displicere. Quorum quidem tametsi est numerosus exercitus, spernendus tamen est : quoniam nullo duce regitur, sed errore tantum temere, ac passim lymphante raptatur. Qui si quando contra nos aciem struens valentior incubuerit, nostra quidem dux copias suas in arcem contrahit : illi vero circa diripiendas inutiles sarcinulas occupantur. At nos desuper irridemus, vilissima rerum quæque rapienteis, securi totius

furiosi tumultus, eoque vallo inniti,  
quo grassanti stultitiæ adspirare fas non  
sit.

### M E T R V M I V.

*Quisquis composito serenus ævo,  
Fatum sub pedibus dedit superbum,  
Fortunamque tuens utramque rebus,  
Invidium potuit tenere vulum;  
Non illum rabies, minaque Ponti  
Versum funditus excitanti astum,  
Nec ruptis quoties vagus caminis  
Torquet fumifricos Vesuvius ignis,  
Aut celsas soliti ferire turreis  
Ardentis via fulminis movebit.  
Quid tantum miseri feros tyrannos  
Mirantur sine viribus furentis?  
Nec speres aliquid, nec extimescas:  
Exarmaveris impotentis iram:  
At quisquis trepidus pavet, vel optat,  
Quod non sit stabilis, sui que iuris,  
Abiecit clypeum, locoque motus  
Nescit, qua valeat trahi, catenam.*

### P R O S A I V.

SENTIS NE, inquit, hæc, atque  
animo illabuntur tuo? Εἰς ne ὄντως πῶς  
λύγην? Quid fles? Quid lacrymis ma-  
nas? ἐξ αὐδῆς, μὴ κλύθῃς ὀψί. Si operam  
medicantis expectas, oportet ut vulnus  
detegas tuum. Tum ego collecto in vires  
animo: Anne adhuc eget admonitione, nec

per



per se satis eminet fortunæ in uos sævi-  
entis asperitas ? Nihilge te ipsa loci fa-  
cies movet ? Hæccine est bibliotheca,  
quam certissimam tibi sedem nostris in  
Laribus ipsa delegeras ? in qua mecum  
sæpe residens, de divinarum humanarum-  
que rerum scientia differebas ? Talis ha-  
bitus, talisq; vultus erat cum tecum natu-  
ræ secreta rimarer, cum mihi siderum vias  
radio describeres, cum mores nostros, toti-  
usque vitæ rationem ad cœlestis ordinis  
exemplar formares. Hæccine præmia re-  
ferimus tibi obsequentes ? Atqui tu hanc  
sententiam Platonis ore sanxisti, Beatas  
fore respublicas, si eas vel studiosi sapien-  
tiæ regerent, vel earum rectores studere  
sapientiæ contigisset. Tu ejusdem viri ore  
hanc sapientibus capessendæ reipublicæ  
necessariam causam esse monuisti, ne im-  
probis flagitiosisq; civibus urbium relictæ  
gubernacula, pestem bonis ac perniciem  
inferrent. Hanc igitur auctoritatem secu-  
tus, quod à te inter secreta otia didice-  
ram, transferre in actum publicæ admini-  
strationis optavi. Tu mihi, & qui te sapi-  
entium mentibus inseruit Deus, estis con-  
scii, nullum me ad magistratum, nisi com-  
mune bonorum omnium studium, detulisse.  
Inde cum improbis graves inextorabiles-  
que discordiæ, & quod conscientiæ liber-  
tas habet, pro tuendo jure sprete poten-  
tiorum semper offensio. Quoties ego Co-  
nigastum in imbecillis cujusque fortunas  
impetum facientem obvius excepi ! Quo-

ties

ries Triguillam regiae præpositum domus ab incepta, perpetrataque jam prorsus injuria dejeci! Quoties miseros, quos infinitis calumniis impunita Barbarorum semper avaritia vexabat, objecta periculis auctoritate protexi! Numquam me ab jure ad injuriam quisquam detraxit. Provincialium fortunas, tum privatis rapinis, tum publicis vestigalibus pessumdari, non aliter, quam qui patiebantur, indolui. Cum acerbæ famis tempore gravis atque inexplicabilis indicta coemptio profligatura inopia Campaniam provinciam videretur, certamen adversum præfectum prætorii communis commodi ratione suscepi, rege cognoscente contendendi, & ne coemptio exigeretur evici. Paullinum consularem virum, cujus opes Palatini caues jam spe atque ambitione devorassent, ab ipsis hiantium faucibus traxi. Ne Albinum consularem virum præjudicatæ accusationis poena corriperet, odiis me Cypriani delatoris opposui. Satisne in me magnas videor exacervasse discordias? sed esse apud ceteros tutior debui, qui mihi amore justitiæ nihil apud aulicos, quo magis essem tutior, servavi. Quibus autem deferentibus perculsi sumus? quorum Basilus olim regio ministerio depulsus, in delationem nostri nominis, alieni æris necessitate compulsus est. Opilionem vero, atque Gaudentium, cum ob injurias, atque multiplices fraudes ire in exilium regia censura decrevillet, cumque

illi

illi parere nolentes sacrarum sese ædium  
defensione tuerentur, compertumque id  
regi foret, edixit, ut nisi intra præscri-  
ptum diem Ravenna urbe decederent, no-  
tis insigniti frontibus pellerentur. Quid  
huic severitati posse adstrui videtur? At-  
qui eodem die deferentibus eisdem, nomi-  
nis nostri delatio suscepta est. Quid igi-  
tur? nostræ ne artes ita meruerunt? an  
illos accusatores justos fecit. præmissa  
damnatio? Itane nihil fortunam puduit,  
si minus accusaræ innocentia, at accusan-  
tium vilitatis? At, cujus criminis argui-  
mur, summam quæris? Senatum dicimur  
salvum esse voluisse. Modum desideras? de-  
latorem, ne documenta deferret, quibus  
Senatum majestatis reum faceret, impedisse  
criminamur. Quid igitur o magistra  
censes? inficiabimur crimen, ne tibi pu-  
dori simus? At volui, nec unquam velle de-  
sistam. Fatebimur? Sed impediendi delato-  
ris opera cessabit. An optasse illius ordinis  
salutem nefas vocabo? ille quidem suis de  
me decretis, uti hoc nefas esset, effecerat.  
Sed sibi semper mentiens imprudentia re-  
rum, merita non potest immutare; nec  
mihi Socratico decreto fas esse arbitror,  
vel oculuisse veritatem, vel concessisse  
mendacium. Verum id quo modo sit, tuo,  
sapientiumque judicio, æstimandum relin-  
quo. Cujus rei seriem, atque veritatem, ne  
latere posteros queat, stylo etiam, memo-  
riæque mandavi. Nam de compositis  
falso literis, quibus libertatem arguor

Speralle

sperasse Romanam, quid attinet dicere? Quarum fraus aperta patuisset, si nobis ipsorum confessione delatorum, quod in omnibus negotiis maximas vires haberet, uti licuisset. Nam quæ sperari reliqua libertas potest? Atque utinam posset ulla! Respondissem Canii verbo: qui cum à C. Cæsare Germanici filio conscius contra se factæ conjurationis fuisse diceretur; Si ego, inquit, scissem, tu nescisses. Qua in re non ita sensus nostros morror hebetavit, ut impios scelerata contra virtutem querar molitos: sed quæ speraverint effecisse vehementer admiror. Nam deteriora velle, nostri fuerit fortasse defectus: posse vero contra innocentiam, quæ sceleratus quisque conceperit, inspectante Deo, monstri simile est: unde haud injuria tuorum quidam familiarium quæsiuit: Siquidem Deus, inquit, est, unde mala? bona vero unde, si non est? Sed fas fuerit nefarios homines, qui bonorum omnium, totiusque Senatus sanguinem petunt, nos etiam, quos propugnare bonis Senatuique viderant, perditum ire voluisse. Sed num idem de patribus quoque merebamur? Meministi, ut opinor, quoniam me dicturum quid, facturumve præsens ipsa semper dirigebas. Meministi, inquam, Veronæ cum rex avidus communis exitii, majestatis crimen in Albinum delatum ad cunctum Senatus ordinem transferre moliretur, universi innocentiam Senatus, quantæ mei periculû securitate defenderim.

Scis

Scis me hæc & vera proferre, & in nulla  
unquam mei laude jactasse. Minuit enim  
quodammodo se probantis conscientia  
secretum, quoties ostendendo quis factum  
recipit famæ pretium. Sed innocentiam  
nostram quis exceperit eventus vides. Pro  
veræ virtutis præmiis falsi sceleris poe-  
nas subimus. Et cujus unquam facinoris  
manifesta confessio ita iudices habuit  
in severitate concordēs, ut non aliquos  
vel ipse humani error ingenii, vel for-  
tunæ conditio cunctis mortalibus incer-  
ta submitteret? Si inflammare sacras ædes  
voluisse, si sacerdotes impio jugulare  
gladio, si bonis omnibus necem struxisse  
diceremur, præsentem tamen sententia  
confessum, convictumve punisset. Nunc  
quingentis fere passuum millibus procul  
moti, atque indefensi ob studium propen-  
sius in senatum, morti, proscriptionique  
damnamur. & meritos, de simili crimine  
neminem posse convinci! cujus diguita-  
tem reatus ipsi etiam, qui derulere, vide-  
runt: quam uti alicujus sceleris admi-  
ssione fuscarent, ob ambitum dignitatis  
sacrilegio me conscientiam polluisse men-  
titi sunt. Atqui & tu insita nobis, omnem  
rerum mortalium cupidinem de nostri ani-  
mi sede pellebas, & sub tuis oculis sacri-  
legio locum esse fas non erat. Instillabas  
enim auribus, cogitationibusque quoti-  
die meis Pythagoricum illud, *ἴσθι Θεῷ*. Nec  
conveniebat vilissimorum me spirituum  
præsidia captare, quem tu in hac excel-

lentiam

lentiam componebas, ut contumilem Deo faceres. Præterea penetral innocens domus, honestissimorum coetus amicorum, socer Symmachus sanctus, & æque actu ipso reverendus ab omni nos hujus criminis suspicione defendunt. Sed ô nefas! illi vero de te tanti criminis fidem capiunt, arque hoc ipso affines fuisse videmur maleficio; quod tuis imbuti disciplinis, tuis instituti moribus sumus. Ita non est satis nihil mihi profuisse tuam reverentiam, nisi ultro tu mea potius offensione lacereris. At vero hic etiam nostris malis cumulus accedit, quod existimatio plurimorum non rerum merita, sed fortunæ spectat eventum; eaque tantum judicat esse provisa, quæ felicitas commendaverit. Quo fit, ut existimatio bona prima omnium deferat infelices. Qui nunc populi rumores, quam dissonæ, multiplicesque sententiæ, piget reminisci. Hoc tantum dixerim: ultimam esse adversæ fortunæ sarcinam, quod dum miseris aliquod crimen affingitur, quæ perferunt, meruisse creduntur. Et ego quidem bonis omnibus pulsus, dignitatibus exutus, existimatione fœdatus, ob beneficium supplicium tuli. Videre autem videor nefarias sceleratorum officinas gaudio, lætitiæque fluitantibus: perditissimum quemque novis delationum fraudibus imminentem: jacere bonos, nostri discriminis terrore prostratos: flagitiosum quemque ad audendum quidem facinus impunitate, ad efficiendum vero præmiis incitari: in-

fonteis

fonteis autem non modo securitate, verum ipsa etiam defensione privatos. itaque libet exclamare.

## M E T R V M V.

O stelliferi conditor orbis!  
 Qui perpetuo nixus solio  
 Rapido cælum turbine versas,  
 Legemque pari sidera cogis;  
 Ut nunc pleno lucida cornu,  
 Totis fratri obvia flammis,  
 Condat stellas Luna minores,  
 Nunc obscuro pallida cornu,  
 Phæbo propior, lumina perdat.  
 Et qui prima tempore noctis  
 Agit argenteis Hesperus ortus,  
 Solitas iterum mutat habenas,  
 Phæbi pallens Lucifer ortu,  
 Tu frondisua frigore brumæ  
 Stringis lucem breviora mora:  
 Tu cum fervidens venerit æstas,  
 Agileis noctis dividis horas.  
 Tua vis varium temperat annum,  
 Ut, quas Borea spiritus aufert,  
 Revehat mitis Zephyrus, frondeis:  
 Quæque Arcturus semina vidit,  
 Scirius altas urat segetes.  
 Nihil antiqua lege solutum  
 Linqvit propria stationis opus.  
 Omnia certo fine gubernans,  
 Hominum solos respicis ætus,  
 Merito rector cohibere modo.  
 Nam cur tantas lubrica versat

*Fortuna vices ? premit insonitis  
Debita sceleri noxia pœna:*

*At perversi resident celsis  
Mores solio, sanctaque calcant  
Injusta vice colla nocentes.*

*Latet obscuris condita virtus  
Clara tenebris, justusque tulit  
Crimen iniqui.*

*Nil perjurâ, nil nocet ipsis  
Fraus mendacii comita colore.  
Sed cum libuit viribus uti,  
Quos innumeri metuunt populi,  
Summos gaudent subdere reges.  
O jam miseras respice terras,  
Quisquis verum fœdera neglis,  
Operis tanti pars non vilis  
Homines, quasimur fortuna salo.  
Rapidos rector comprime fluctus,  
Et quo cœlum regis immensum  
Firma stabileis fœdere terras.*

# PROSA V.

**HÆC** ubi continuato dolore delatavi, illa vultu placido, nihilque meis questibus mota: Cum te, inquit, mœstum, lacrymantemque vidissem, illico miserum, exulemque cognovi. Sed quam id longinquum esset exilium, nisi tua prodidisset oratio, nesciebam. Sed tu procul à patria non quidem pulsus es, sed aberrasti. At si te pulsam existimari mavis, te potius ipse pepulisti. Nam id quidem de te nunquam cuiquam fas fuisset. Si enim cujus

oritur.



oriuadus sis patriæ reminiscaris, non, uti Atheniensium quondam, multitudinis imperio regitur: ἀλλὰ εἰς ἐκσιλεύς εἰναι, εἰς κολεγίῳ, qui frequentia civium, non depulsione lætatur: cuius agi frenis, atque obtemperare iustitiæ summa libertas est. An ignoras illam tuæ civitatis antiquissimam legem, qua sancitum est, ei jus exulare non esse, quisquis in ea sedem fundare maluerit? Nam qui vallo ejus, ac munimine continetur, nullus metus est, ne exsul esse mereatur. At quisquis inhabitare eam velle desierit, pariter desinit etiam mereri. Itaque non tam me loci hujus, quam tuæ facies movet. Nec bibliothecæ potius, comptos ebore, ac vitro parietes, quam tuæ mentis sedem requiro. In qua non libros, sed id quod libris pretium, facit, librorum quondam meorum sententias collocavi. Et tu quidem de tuis in commune bonum meritis vera quidem, sed pro multitudine gestorum tibi, pauca dixisti. De objectorum tibi vel honestate, vel falsitate, cunctis nota memorasti. De sceleribus, fraudibusque delatorum recte tu quidem strictim attingendum purasti, quod ea melius, uberiusque recognoscentis omnia vulgi ore celebrentur. Increpuisti etiam vehementer injusti factum Senatus. De nostra etiam criminatione doluisti, læsæque opinionis damna fleuisti. Postremus adversus fortunam dolor incanduit, conquestusque es non æqua meritis præmia pensari. In extremo

Musæ scævientis, uti quæ cœlum, terras  
quoque pax regeret, vota posuisti. Sed  
quoniam plurimus tibi affectuum tumultus  
incubuit, diversumque te dolor, ira,  
mœror distrahunt, uti nunc mentis es, non  
dum te validiora remedia contingunt. Ita-  
que lenioribus paulisper utemur, ut quæ  
in tumorem perturbationibus influentibus  
induruerunt, ac acrioris vim medicami-  
nis recipiendam, tactu blandiore mol-  
lescant.

## M E T R V M VI.

*Cum Phœbi radiis grave  
Canceri fidus inassuat;  
Tum qui larga negantibus  
Sulcis semina credidit,  
Elusus Cereris fide,  
Quernas pergit ad arbores.  
Nunquam purpureum nemus  
Lecturus violas peras,  
Cum sævis Aquilonibus  
Sividens campus inhorruit,  
Nec quaras avida manu  
Vernos stringere palmiles,  
Vvæ si libeat frui;  
Autumno potius sua  
Bacchus inunera consulit.  
Signat tempora propriis  
Aptans officiis Deus;  
Nec, quas ipse coercuit,  
Misceri patitur vices;  
Sic quod præcipiti via*

Certum

*Certum deserit ordinem,  
Latos non habet exitus.*

## P R O S A   V I.

P R I M V M igitur paterisne me pauculis rogationibus statum tuæ mentis attingere, atque tentare; ut qui modus sit tuæ curationis intelligam? Tu vero arbitrato, inquam, tuo quæ voles, ut responsum rogato. Tum illa, Huncce, inquit, mundum temerariis agi, fortuitisque casibus putas? an ullum credis ei inesse regimen rationis? Atqui, inquam, nullo existimaverim modo, ut fortuita temeritate tam certa moveantur. Verum operi suo conditorem præsidere Deum scio: nec umquam fuerit dies, qui me ab hac sententiæ veritate depellat. Ita est, inquit. Nam id etiam paullo ante cecinisti, hominesque tantum divinæ exsortes curæ esse deplorasti. Nam de ceteris, quin ratione regerentur, nihil movebare. Papæ autem vehementer admiror, cur, in tam salubri sententia locatus, ægrotes. Verum altius perscrutemur; nescio, quid abesse conjecto. Sed dic mihi, quoniam à Deo mundum regi non ambigis, quibus etiam gubernaculis regatur advertis? Vix, inquam, rogationis tuæ sententiam nosco, ne dum ad inquisita respondere queam. Num me, inquit, fefellit abesse aliquid, per quod, velut hiante valli robore, in animum tuum perturbationum morbus irrepserit?

Sed dic mihi, meministine, quis sit rerum finis? quove totius naturæ tendat intentio? Audieram, inquam, sed memoriam mæror hebetavit. At qui scis, unde cuncta processerint? Novi, inquam, Deumque esse respondi. Et qui fieri potest, ut principio cognito, quis sit rerum finis, ignores? Verum hi perturbationum mores sunt, ea valentia est, ut movere quidem loco hominem possint; convellere autem, sibi que totum extirpare non possint. Sed hoc quoque respondeas velim; hominemne te esse meministi? Quid ui, inquam, meminere? Quid igitur homo sit, poterisne proferre? Hoccine interrogas, an esse nesciam rationale animal, atque mortale? Scio; & id me esse confiteor. Et illa: Nihilne te aliud esse novisti? Nihil. Iam scio morbi tui, inquit, aliam vel maximam causam; quid ipse sis, nosse desisti. Quare plenissime vel ægritudinis tuæ rationem, vel aditum reconciliandæ sospitatis inveni. Nam quoniam tui oblivione confunderis, & exsulem, & exspoliatum propriis bonis esse doluisti. Quoniam vero, quis sit rerum finis, ignoras, nequam homines, atque nefarios, potenteis, felicesque arbitraris. Quoniam vero, quibus gubernaculis mundus regatur, oblitus es, has fortunarum vices exitimas sine rectore fluitare. Magnæ non ad morbum modo, verum ad interitum quoque causæ. Sed sospitatis auctori grates, quod te nondum totum natura destituit. Habe.

mus

mus maximum tuæ fomitem salutis, veram de mundi gubernatione sententiam, quod eam non casuum temeritati, sed divinæ rationi subditam credis. Nihil igitur pertimescas. Iam tibi ex hac minima scintillula vitalis calor illuxerit. Sed quoniam firmioribus remediis nondum tempus est uti, & eam mentium constat esse naturam, ut quoties abjecerint veras, falsis opinionibus induantur, ex quibus orta perturbationum caligo verum illum confundit intuitum; hanc paullisper leuibus, mediocribusque fomentis attennare tentabo, ut dimotis fallacium affectionum tenebris, splendorem veræ lucis possis agnoscere.

## M E T R V M V I I.

N V B I B V S *auris*

*Conditæ nullum*

*Fundere possunt*

*Sidæra lumen.*

*Si mare voluens*

*Turbidus Auster*

*Misceat æstus,*

*Virga dudum,*

*Parque serenæ*

*Vnda diebus,*

*Mox resoluta*

*Sordida cæno,*

*Visibus obstat.*

*Quique vagatur*

*Montibus altis*

Defluus annus,  
 Sape resistit  
 Rupe soluti  
 Obiice saxi.  
 Tu quoque si vis  
 Lumine claro  
 Cernere verum,  
 Tramite recto  
 Carpere callem:  
 Gaudia pelle,  
 Pelle timorem;  
 Spemque fugato.  
 Nec dolor adsit.  
 Nubila mens est,  
 Vincetaque frenis,  
 Hac ubi regnant.



## LIBER SECVNDVS.

## P R O S A I.

**P**OSTHÆC paullisper obtinuit :  
 atque ubi attentionem meam, modesta  
 taciturnitate collegit, sic exorsa est. Si  
 penitus ægritudinis tuæ causas, habitum-  
 que cognovi, fortunæ prioris affectu, de-  
 siderioque tabescis ; ea tantum animi  
 tui statum, sicuti tu tibi fingis, mutata  
 pervertit. Intelligo multiformeis illius  
 prodigii fucos ; & eo usque cum iis,  
 quos eludere nititur, blandissimam fami-  
 liaritatem exercere, dum intolerabili do-  
 lore confundat, quos insperata reliquerit.  
 cuius si naturam, mores ac meritum remi-  
 niscare, nec habuisse te in ea pulchrum  
 aliquid, nec amisisse cognosces. Sed, ut  
 arbitror, haud multum tibi hæc in memo-  
 riam revocare laboraverim. Solebas enim  
 præsentem quoque, blandientemque viri-  
 libus incessere verbis ; eamque de nostro  
 adyto prolatis insectabare sententiis. Ve-  
 rum omnis subita mutatio rerum non sine  
 quodam quasi fluctu contingit animorum.  
 Sic factum est, ut tu quoque paullisper à  
 tua tranquillitate discesseris. Sed tem-  
 pus est, haurire te aliquid ac degustare  
 molle, atque jucundum, quod ad interiora  
 transmissum validioribus haustibus viam  
 fecerit. Adsit igitur rhetoricæ suadela  
 dulcedinis, quæ tunc tantum recto calle

procedit, cum nostra instituta non deserit; cumque hac Musica Laris nostri vernula nunc leviores, nunc graviores modos succinat. Quid est igitur ô homo, quod te in mæstitiam, luctumque dejecit? novum credo aliquid, inusitatumque vidisti. Tu, si fortunam putas erga te esse mutatam, erras. Hi semper ejus mores sunt; hæc natura est. Servavit circa te propriam potius in ipsa sui mutabilitate constantiam. Talis erat, cum blandiebatur, cum tibi falsæ illecebris felicitatis alluderet. Deprehendisti cæci Numinis ambiguos vultus. Quæ sese adhuc velat aliis, tota tibi prorsus innotuit. Si probas, utere moribus, ne queraris. Si perfidiam perhorrescis, sperne, atque abjice perniciose alludentem. Nam quæ nunc mæroris tibi causa tanti est, hæc eadem tranquillitatis esse debuisset. Reliquit enim te, quam non relicturam nemo unquam poterit esse securus. An vero tu pretiosam æstimas abituram felicitatem? & cara tibi est fortuna præsens, nec manendi fida, & cum discesserit allatura mærorem? Quod si nec arbitrio retineri potest, & calamitosos fugiens facit; quid est aliud fugax, quam futuræ quoddam calamitatis indicium? Neque enim quod ante oculos situm est, suffecerit intueri. Rerum exitus prudentia metitur; eademque in alterutro mutabilitas, nec formidandas fortunæ minas, nec exoptandas facit esse blanditias. Postremo æquo animo toleres oportet, quidquid intra fortunæ

aream



aream geritur, cum semel iugo ejus colla submiseris. Quod si manendi, abeundique scribere legem velis ei quam tu dominam sponte elegisti, nonne injuriosius fueris: & impatientia tua sortem exacerbabis, quam permutare non possis? Si ventis vela committeres, non quo voluntas peteret, sed quo flatus impelleret, promovereris. Si arvis semina crederes, feraces inter se annos, sterileisque pensares. Fortunæ te regendum dedisti, dominæ moribus oportet obtemperes. Tu vero volventis rotæ impetum retinere conaris? At omnium mortalium stolidissime, si manere incipit, fors esse desistit.

## M E T R V M I.

*Hæc cum superba verterit vices dextra,  
Et æstantis more fertur Euripi,  
Dudum tremendos sæva proterit reges,  
Humilemque victi subleuat fallax vultum;  
Non illa miseros audit: haud curat fletus;  
Utroque gemitus, dura quos fecit, ridet.  
Sic illa ludit, sic suas probat vires;  
Magnumque suis monstrat ostentum, si  
visatur una stratus ac felix hora.*

## P R O S A I I.

**V E L L E M** autem pauca tecum fortunæ ipsius verbis agitare. Tu igitur an jus postulet, animadverte. Quid

tu ô homo ream me quotidianis agis querelis : Quam tibi fecimus injuriam ? Quæ tua tibi detraximus bona ? Quovis iudice de opum , dignitatumque mecum possessione contende. Et si cuiusquam mortalium proprium quid horum esse monstraveris, ego jam tua fuisse quæ repetis, sponte concedam. Cum te matris ex utero natura produxit, nudum rebus omnibus, inopemque suscepi, meis opibus fovi, & quod te nunc impatientem nostri facit, favore prona indulgentius educavi, & omnium, quæ mei sunt juris affluentia, & splendore circumdedit. Nunc mihi retrahere manum libet ; habe gratiam, velut usus alienis. Non habes jus querelæ, tanquam tua prorsus perdideris. Quid ergo ingemiscis ? nulla tibi à nobis illata est violentia. Opes, honores, ceteraque talium mei sunt juris. Dominam famulæ cognoscunt ; mecum veniunt, me abeunte discedunt. Audacter affirmem, si tua forent, quæ amissa conquereris, nullo modo perdidisses. An ego sola meum jus exercere prohibeor ? Licet cœlo proferre lucidos dies, eisdemque tenebrosis noctibus condere. Licet anno terræ vultum nunc floribus frugibusque redimire, nunc nimbis, frigoribusque confundere. Ius est mari, nunc strato æquore blandiri, nunc procellis, ac fluctibus inhorrescere. Nos ad constantiam nostris moribus alienam inexplata hominum cupiditas alligabit ? Hæc nostra vis est, hunc continuum ludum lu-

dimus

dimus. Rotam volubili orbe versamus, infima summis, summa infimis mutare gaudemus. Adscende si placet, sed ea lege, ne uti, cum ludicri mei ratio poscet, descendere injuriam putes. An tu mores ignorabas meos? Nesciebas Croesum regem Lydorum Cyro paulo ante formidabilem, mox deinde miserandum progi flammis traditum, misso cœlitus imbre defensum? Num te præterit Paulum Persi regis à se capti calamitatibus pias impendisse lacrymas? Quid tragoediarum clamor aliud deslet, nisi indiscreto ictu fortunam felicia regna vertentem? Nonne adolescentulus δὲ τοῦ πῖθους τὸν μὲν ἐν κελῶν τὸν δὲ ἐπερινκλῶν, in Iovis limine jacere didicisti? Quid si uberius de bonorum parte sumisti? quid si à te non tota discelsti? quid si hæc ipsa mei mutabilitas iusta tibi causa est sperandi meliora? Tamen ne animo contabescas, & intra commune omnibus regnum locatus, proprio jure vivere desideres.

## M E T R V M I I.

*Si quantas rapidis flatibus incitus  
 Porius versat arenas,  
 Aut quot stelliferis edita noctibus  
 Cælo sidera fulgent,  
 Tantas fundat opes, nec retrahat manum  
 Pleno copia cornu,  
 Humanum miseras haud ideo genus  
 Cesset flere querelas.*

Quamvis

*Quamvis vota libens excipiat Deus  
 Multi prodigus auri;  
 Et clavis avidos ornet honoribus,  
 Nil iam parva videntur:  
 Sed quasita vorans seva rapacitas  
 Altos pandit hiatus.  
 Qua iam præcipitem frena Cupidinem  
 Certo sine retinent,  
 Largis cum potius muneribus fluens  
 Situs ardescit habendi?  
 Numquam dives agit qui trepidus gemens  
 Se se credit egentem.*

### PROSA III.

HIS igitur si pro se tecum fortuna  
 loqueretur, quid profecto contra hisceres  
 non haberes. At si quid est, quo quere-  
 lam tuam jure tuearis, proferas oportet;  
 dabimus dicendi locum. Tum ego: Spe-  
 ciosa quidem ista sunt, inquam, oblitaque  
 rhetoricæ, ac musicæ melle dulcedinis;  
 tum tantum, cum audiuntur, oblectant.  
 Sed miseris malorum altior seclusus est.  
 Itaque cum hæc auribus insonare desie-  
 rint, insitus animum mæror prægravat.  
 Et illa, Ita est, inquit. Hæcenim nondum  
 morbi tui remedia, sed adhuc contumacis  
 adversus curationem doloris fomenta  
 quædam sunt. Nam quæ in profundum  
 sese penetrant, cum tempestivum fuerit,  
 admovebo. Veruntamen ut te miserum  
 existimari velis, an numerum modumque  
 tuæ felicitatis oblitus es? Taceo quod de-

solatum

solatum parente, summorum te virorum  
cura suscepit, delectusque in affinitatem  
principum civitatis, quod pretiosissimum  
propiquitatis genus est, prius carus, quam  
proximus esse cœpisti. Quis non te feli-  
cissimum cum tanto splendore socerorum,  
cum conjugis pudore, tum masculæ quo-  
que prolis opportunitate prædicavit?  
Prætereo (libet enim præterire communia)  
sumtas in adolescentia negatas senibus  
dignitates: ad singularem felicitatis tuæ  
cumulum venire delectat. Si quis rerum  
mortalium fructus ullū beatitudinis pon-  
dus habet, poteritne illius memoria lucis  
quantalibet ingruentium malorum mole  
deleri? cum duos pariter contules liberos  
tuos domo provehi, sub frequentia pa-  
trum, sub plebis alacritate vidisti; cum  
eisdem in curia curules insidentibus, tu re-  
giæ laudis orator, ingenii gloriam, facun-  
diæque meruisti: cum in circo duorum  
medius consulum circumfusæ multitudi-  
nis expectationem, triumphali largitione  
satiasti. Dedisti, ut opinor, verba fortunæ,  
dum te illa demulcet, dum te, ut suas deli-  
cias, fovet. Munus, quod nulli umquam  
privato commodaverat, abstulisti. Visne  
igitur cum fortuna calculum ponere?  
Nunc te primum liventi oculo præstrixit.  
Si numerum, modumq; lætorum, tristium-  
ve consideres, adhuc te felicem negare  
non possis. Quod si iccirco te fortunatum  
esse non existimas, quoniam quæ tunc læta  
videbantur, abierunt, non est quod te mi-

serum



ferum putes; quoniam quæ nunc mœsta creduntur, prætereunt. An tu in hanc vitæ scenam nunc primum subitus, hospesque venisti? ullamne humanis rebus inesse constantiam reris, cum ipsum sæpe hominem velox hora dissolvat? Nam etsi rara est fortuitis inveniendi fides, ultimus tamen vitæ dies mors quædam fortunæ est etiam manentis. Quid igitur referre putas? Tunc illam moriendo deseras, illa an te fugiendo?

## M E T R V M I I I.

Cum polo Phœbus roseis quadrigis  
 Lucem spargere cœperit,  
 Pallet albentis hebetata vulnus  
 Flammis stella prementibus,  
 Cum nemus flatu Zephyri tepentis  
 Vergis irruit rosis.  
 Spires insanum nebulosus Ausfer,  
 Iam spinis abeat decus:  
 Sape tranquillo radiat sereno  
 Immotis mari fluctibus:  
 Sape ferventis Aquilo procellas  
 Verso concitat aquore.  
 Rara si constat sua forma mundo,  
 Si tantas variat vices,  
 Crede fortunis hominum caducis,  
 Bonis crede fugacibus.  
 Constat, aterna positumque lege est,  
 Ut constet genitum nihil.

## P R O S A I V.

T V M ego , Vera , inquam , commemoras ô virtutum omnium nutrix , nec inviciari possum prosperitatis meæ velocissimum cursum. Sed hoc est , quod recolentem me vehementius coquit. Nam in omni adversitate fortunæ infelicissimum genus est infortunii , fuisse felicem. Sed quod tu , inquit , falsæ opinionis supplicium luis , id rebus jure imputare non possis. Nam si te hoc inane nomen fortunæ felicitatis moveat , quam plurimis , maximisque abundes , mecum reputes licet. Igitur si quod in omni fortunæ censu preciosissimum possidebas , id tibi divinitus illæsum adhuc , inviolatumque servatur , poterisne meliora quæque retinens , de infortunio jure causari ? Atqui viget incolumis , illud pretiosissimum generis humani decus , Symmachus socer ; & quod vitæ pretio non fignis emereres , vir totus ex sapientia , virtutibusque factus , suarum securus , tuis ingemiscit injuriis. Vivit uxor ingenio modesta , pudicitæ pudore præcellens , & ut omneis ejus dotes breviter includam , patri similis. Vivit , inquam , tibi que tantum vitæ hujus exosa spiritum servat. Quo uno felicitatem minui tuam , vel ipsa concesserim , tui desiderio lacrymis ac dolore tabescit. Quid dicam liberos consulares , quorum jam , ut in id ætatis pueris , vel avirti , vel paterni specimen elucet ingenii ?

C

Cum

Cum igitur præcipua sit mortalibus vitæ curaretinendæ , ô te , si tua bona cognoscas , felicem , cui suppetunt etiam nunc , quæ vita nemo dubitat esse cariora. Quare sicca jam lacrymas. Nondum est unum omneis exosa fortuna , nec tibi nimium valida tempestas incubuit ; quoniam tenaces hærent anchoræ , quæ nec præsentis solameu , nec futuri spem temporis abesse patiantur. Et hæreant , inquam , precor : illis namque manentibus , utcumque se res habeant , enatabimus. Sed quantum ornamenti nostris decesserit , vides. Et illa , promovimus , inquit , aliquantulum , si te nondum rotius tuæ sortis piger. Sed delicias tuas ferre non possum , qui abesse aliquid tuæ beatitudini tam luctuosus , atque anxius conqueraris. Quis est enim tam compositæ felicitatis , ut non aliqua ex parte cum status sui qualitate rixetur ? Auxia enim res est humanorum conditio bonorum , & quæ vel numquam tota proveniat , vel numquam perpetua subsistat. Huic census exuberat , sed est pudori degener sanguis. Hunc nobilitas notum facit , sed angustia rei familiaris inclusus , esse mallet ignotus Ille utroque circumfluus vitam cælibem deslet. Ille nuptiis felix , orbis liberis , alieno censum nutrit hæredi. Alius prole lætatus , filii , filiæve delictis mæstus illacrymat. Idcirco nemo facile cum fortunæ suæ conditione concordat. Inest enim singulis , quod inexpertus ignoret , expertus exhorreat.

Adde



Adde quod felicissimi cujusque delicatissimus sensus est, &, nisi ad nutum cuncta suppetant: Omnis adversitatis insolens, minimis quibusque posternitur: adeo perexigua sunt, quæ fortunatissimis beatitudinis summam detrahunt. Quam multos esse conjectas, qui sese coelo proximos arbitrentur, si de fortunæ tuæ reliquiis parve eis minima contingat? Hic ipse locus, quem tu exilium vocas, incolentibus patria est. Adeo nihil est miserum, nisi cum putes; contraque beata sors omnis est æquanimirate tolerantis. Quis est ille tam felix, qui cum dederit impatientiæ manus, statum suum mutare non optet? Quam multis amaritudinibus humanæ felicitatis dulcedo respersa est! quæ si etiam fruenti jucunda esse videatur, tamen, quo minus cum velit, abeat, retineri non possit. Liquet igitur quam sit mortalium rerum misera beatitudo, quæ nec apud æquanimos perpetua perdurat, nec anxios tota delectat. Quid igitur & mortales extra petitis intra vos positam felicitatem? Error vos, inscitiaeque confundit. Ostendam breviter tibi summæ cardinem felicitatis. Estne aliquid tibi te ipso preciosius? Nihil, inquires. Igitur si tui compos fueris, possidebis quod nec tu unquam amittere velis, nec fortuna possit auferre. Atque ut agnoscas in his fortuitis rebus beatitudinem constare non posse, sic collige. Si beatitudo est summum naturæ bonum ratione degentis, nec illud est sum-

mum bonum, quod eripi ullo modo potest: quoniam præcellit id, quod nequeat auferri: manifestum est, quod ad beatitudinem percipiendam fortunæ instabilitas aspirare non possit. Ad hæc, quem caduca ista felicitas vehit, vel scit eam, vel nescit esse mutabilem. Si nescit, quæ nam beata fors esse potest ignorantia in cæcitate? Si scit, metuat necesse est, ne amittat, quod amitti posse non dubitat; quare continuus timor non finit esse felicem. An si amiserit, negligendum putat? Sic quoque perexile bonum est, quod æquo animo feratur amissum. Et quoniam tu idem es, cui persuasum esse, atque instrum permultis demonstrationibus scio, mentis hominum ullo modo esse mortaleis: cumque sit clarum, fortuitam felicitatem corporis, morte finiri: dubitari nequit, si hæc asserere beatitudinem non potest, qui omne mortalium genus in miseriam, mortis sine, labatur. Quod si multos scimus beatitudinis fructum non morte solum, verum etiam doloribus suppliciisque quæsisse, quonam modo præsens vita facere beatos potest, quæ miseros transacta non efficit?

## M E T R V M I V.

*Quicquid vult perennem  
 Cautus ponere sedem,  
 Stabilique nec sonori  
 Sterni flatibus Euri.*

Et

Et fluctibus minantem  
 Curat spernere Pontum,  
 Montis cacumen alti  
 Bibulas vitet arenas.  
 Illud protervus Auster  
 Totis viribus urget;  
 Hæ pendulum soluta  
 Pondus ferre recusant.  
 Fugiens periculosam  
 Sortem sedis amena,  
 Humili domum memento  
 Certus figere saxo.  
 Quamvis tonet ruinis  
 Miscens aquora ventus,  
 Tu conditus quieti  
 Felix robore valli,  
 Duces serenus arum,  
 Ridens aetheris iras.

## P R O S A V.

S E D quoniam rationum jam in te me-  
 arum fomenta descendunt, paullo validio-  
 ribus utendum puto. Age enim, si jam ca-  
 duca, & momentanea fortunæ dona non  
 essent; quid in eis est, quod aut vestrum  
 umquam fieri queat, aut non perspe-  
 ctum, consideratumque vilescat? Divitiæ-  
 ne vel vestri, vel sui natura pretiosæ sunt?  
 Quid earum potius? aurumne, an vis  
 congestæ pecuniæ? Atqui hæ effundendo  
 magis, quam coacervando melius nitent:  
 siquidem avaritia semper odiosos, claros  
 largitas facit. Quod si manere apud quem-

quam non potest, quod transfertur in alterum: tunc est preciosa pecunia, cum translata in alios largiendi usu defuit possideri. At eadem si apud unum, quanta est ubique gentium congeratur, cæteros sui inopes fecerit. Et vox quidem tota pariter multorum replet auditum: vestræ vero divitiæ, nisi comminutæ, in plures transire non possunt. quod cum factum est, pauperes necesse est faciant, quos relinquunt. O igitur angustas, inopesque divitias, quas nec habere totas pluribus licet, & ad quemlibet sine cæterorum paupertate non veniunt! An gemmarum fulgor oculos trahit? Sed si quid est in hoc splendore præcipui, gemmarum est lux illa, non hominum: quas quidem mirari homines vehementer admiror. Quid est enim carentis animæ motu, atque membrorum compage, quod animatæ, rationabilique naturæ pulchrum esse jure videatur? Quæ tametsi conditoris sunt opera, suique distinctione postremæ aliquid pulcritudinis trahunt, infra vestram tamen excellentiam collocatæ, admirationem vestram nullo modo merebantur. An vos agrorum pulcritudo delectat? Quid ni? Est enim pulcerrimi operis pulcra portio. Sic quondam sereni maris facie gaudemus: sic cælum, sidera, Solem, Lunamque miramur. Num te horum aliquid attingit, num audes aliquis talium splendore gloriari? An vernis floribus ipse distingueris? aut tua iuæstivos fructus intumescit ubertas? Quid

inanius gaudiis raperis? quid externa bona pro tuis amplexaris? Numquam tua faciet esse fortuna, quæ à te natura rerum fecit aliena. Terrarum quidem fructus animantium proculdubio debentur alimentis. Sed si, quod naturæ satis est, reple re indigentiam velis, nihil est quod fortunæ affluentiam peras. Paucis enim minimisque natura contenta est: cujus satietatem si superfluis urgere velis, aut injucundum, quod infuderis, fiet, aut noxium. Iam vero pulcrum variis fulgere vestibis putas: quarum si grata intuitu species est, aut materiæ naturam, aut ingenium mirabor artificis. An vero longus ordo famulorum facit esse felicem? Qui si vitiosi moribus sunt, perniciofa domus sarcina, & ipsi domino vehementer inimica: sin vero probi, quoniam modo in tuis opibus aliena probitas numerabitur? Ex quibus omnibus nihil horum, quæ in tuis computas bonis, tuum esse bonum liquido monstratur. Quibus si nihil inest appetendæ pulcritudinis, quid est, quod vel amissis doleas, vel læteris retentis? Quod si natura pulcra sunt, quid id tua refert? Nam hæc per se à tuis quoque opibus sequestrata placuissent. Neque enim iccirco sunt pretiosa, quod in tuas venire divitias: sed quoniam pretiosa videbantur, tuis ea divitiis annumerare maluisti. Quid autem tanto fortunæ strepitum consideraris? Fugare, credo, indigentiam copia quaeritis. Atqui hoc vobis in contra-

rium cedit. Pluribus quippe adminiculis opus est ad tuendam pretiosæ suppellectilis varietatem : verumque illud est , permultis indigere eos , qui permulta possideant : contraque minimo, qui abundantiam suam naturæ necessitate, non ambitus superfluitate metiantur. Itane autem nullum est proprium vobis atque infimum bonum , ut in externis , ac sepositis rebus bona vestra quærat? Sic rerum versa conditio est, ut divinum merito rationis animal, non aliter sibi splendere , nisi inanimatæ suppellectilis possessione videatur ? Et alia quidem suis contenta sunt : vos autem Deo mente consimiles, ab rebus infimis excellentis naturæ ornamenta captatis : nec intelligitis quantum conditori vestro faciatis injuriam. Ille genus humanum terrentis omnibus præstare voluit : vos dignitatem vestram infra infima quæquederruditis. Nam si omne cujusque bonum , eo cujus est , constat esse preciosius , cum vilissima rerum vestra bona esse judicatis , eisdem vosmetipsos vestra æstimatione summittitis : quod quidem haud immerito cadit. Humanæ quippe naturæ hæc conditio est , ut tum tantum cæteris rebus, cum se cognoscit , excellat : eadem tamen infra bestias redigatur , si se nosse desierit. Nam cæteris animantibus sese ignorare , natura est ; hominibus vero , vitio venit. Quam vero late patet vester hic error, qui ornari posse aliquid ornamentis exultationis alienis ? At id fieri nequit. Nam si quid

ex appositis luceat ipsa quidem, quæ sunt apponta, laudantur; illud vero his rectum, atque velatum in sua nihilo minus foeditate perdurat. Ego vero nego illud esse bonum, quod doceat habenti. Num id mentior? Minime, inquires. Atqui divitiæ possidentibus persæpe nocuerunt, cum pessimus quisque, eoque alieni magis avidus, quidquid usquam auri, gemmarum est, se solum, qui habeat, dignissimum putat. Tu igitur, qui dunc contrum, gladiumque sollicitus pertimescis, si vitæ hujus callem vacuus viator intrasses, coram latrone cantares. O præclara opum mortalium beatitudo, quam cum adeptus fueris, securus esse desitis!

## M E T R V M V.

*Felix nimium prior atas,  
Contenta fidelibus arvis,  
Nec incerti perdita luxu;  
Facili quæ sera solebat  
sejuncta solvere glande.  
Nec Bacchica munera norat  
Liquido confundere melle,  
Nec lucida vellera Serum  
Tyrio miscere veneno.  
Somnos dabat herba salubrem;  
Potum quoque lubricus armis;  
Umbras aliusq; pinus.  
Non dum maris alia secabat.  
Nec mercibus undique lectis  
Nova litora viderat hospes.*



Tunc classica sava tacebant,  
 Odiis neque fusus acerbis  
 Cruor horrida rinxerat arma.  
 Quid enim furor hostibus ulla  
 Vellet prior arma movere,  
 Cum vulnera sava videret:  
 Nec præmia sanguinis ulla?  
 Vinam modo nostra redirent  
 In mores tempora præcos!  
 Sed savior ignibus Ænæ  
 Fervens amor ardet habendi.  
 Hei, quis primus fuit ille,  
 Auri qui pondera testæ,  
 Gemmasque latere volenteis,  
 Pretiosa pericula fodit?

## PROSA VI.

QUID autem de dignitatibus, po-  
 tentiaque differam, quas vos vere dignita-  
 tis ac potestatis inscii cœlo exæquatis?  
 Quæ si in improbissimum quemque ceci-  
 derint, quæ incendia flammis Ænæ eru-  
 rantibus, quod diluvium tantas strages  
 dederit? Certe, uti meminisse te arbitror,  
 consulare imperium, quod libertatis prin-  
 cipium fuerat, ob superbiam consulum ve-  
 ltri veteres abolere cupierunt: qui ob  
 eandem superbiam prius regum de civi-  
 tate nomen abstulerant. At, si quando,  
 quod perrarum est, probis honores defe-  
 rantur, quid in eis aliud, quam probitas  
 utentium, placet? Ita fit, ut non virtutibus  
 ex dignitate, sed ex virtute dignitatibus

honor



honor accedat. Quæ vero est ista vestra experibilis, ac præclara potentia? Nonne ô terrena animalia consideratis, quibus præsidere videamini? Nam si inter mures videres unum aliquem jus sibi, ac potestatem præ cæteris vindicantem; quanto movereris cachinno? Quid vero, si corpus spectes, imbecillius homine reperire queas, quos sæpe musculorum quoq; vel morsus, vel in secreta quæque reptantium necat introitus? Quo vero quisquam jus aliquod in quempiam, nisi in solum corpus, & quod infra corpus est, fortunam loquor, possit exercere? Num quidquam unquam libero imperabis animo? Num mentem firma sibi ratione cohærentem de statu propriæ quietis amovebis? Cum liberum quendam virum suppliciiis se tyrannus adacturum putaret, ut adversum se factæ conjurationis conscios proderet, linguam ille momordit atque abscidit, & in os tyranni sævientis abjecit: ita cruciatus, quos putabat tyrannus materiam crudelitatis, vir sapiens fecit etiam virtutis. Quid autem est, quod in alium quisquam facere possit, quod sustinere ab alio ipse non possit? Busiridem accepimus necare hospites solitum, ab Hercule hospite fuisse mactatum. Regulus plures Pœnorum bello captos in vincula conjecerat: sed mox ipse victorum catenis manus præbuit. Vllamne igitur ejus hominis potentiam putas, qui, quod ipse in alio potest, ne id in se alter valeat, efficere non possit? Adhæc, si ipsis

digni-

dignitatibus ac potestatibus inesser aliquid naturalis ac proprii boni, numquam pessimis provenient. Neque enim sibi solent adversa sociari. Natura respuit, ut contraria quæque jungantur. Ita cum pessimos plerumque dignitatibus fungi dubium non sit, illud etiam liquet, natura sui bona non esse, quæ se pessimis hære patiantur. Quod quidem de cunctis fortunæ muneribus dignius existimari potest, quæ ad improbißimum quemquam uberiora proveniunt. De quibus etiam illud considerandum puto, quod nemo dubi at esse fortem, cui fortitudinem inesse conspexerit: & cuicumque velocitas adest manifestum est, esse velocem. Sic musica quidem mulicos, medicina medicos, rhetorica rhetores facit. Agit enim cujusque rei natura, quod proprium est: nec contrariarum rerum miscetur effectibus, sed ultro, quæ sunt adversa, depellit. Atqui nec opes inexplem restinguere avaritiam queunt: nec potestas sui compotem fecerit, quem vitiosæ libidines insolubilibus adstrictum retinent catenis. Et collata improbis dignitas, non modo non efficit dignos, sed prodit potius, & ostentat indignos. Cur ita provenit? Gauderis enim sese res aliter habentes falsis compellare nominibus, quæ facile ipsarum rerum redargnuntur effectui: itaq; nec illæ divitiæ, nec illa potentia, nec hæc dignitas jure appellari potest. Postremo idem de tota fortuna concludere licet, in qua nihil expetendum, nihil nativæ boni-

tatis inesse manifestum est : quæ nec se bonis semper adjungit: & bonis, quibus fuerit adjuncta, non efficit.

## M E T R V M V I.

Novimus quantas dederit ruinas,  
Urbe flammata, patribusque casis,  
Fratre qui quondam ferus interempto,  
Matris effuso maduit cruore;  
Corpus & visu gelidum perversans,  
Ora non tinxit lacrymis, sed esse  
Censor extincti potuit decorum.  
Hic tamen scepero populos regebat,  
Quos videt condens radios sub undas  
Phæbus, extremo veniens ab oru;  
Quos premunt septem gelidi triones;  
Quos Notus sicco violentius æstu  
Torret, ardentia recoquens arenas.  
Celsa num tandem valuit potestas  
Vincere insani rabiem Neronis?  
Heu gravem sortem, quoties iniquus  
Additur sævo gladius veneno!

## P R O S A V I I.

T V M ego, Scis, inquam, ipsa minimum nobis ambitionem mortalium rerum fuisse dominatam: sed materiam gerendis rebus optavimus, quo ne virtus tacita consenesceret. Et illa: Atqui hoc nunquam est, quod præstantes quidem natura mentes, sed nondum ad extremam manum virtutum perfectione perductas allicere

possit,

possit, gloriæ scilicet cupido, & optimorum in rempublicam fama meritorum: quæ quam sit exilis & totius ponderis vacua, sic considera. Omnem terræ ambitum, sicuti astrologicis demonstrationibus accepisti, ad cœli spatium, puncti constat obtinere rationem: id est, ut si ad cœlestis globi magnitudinem conferatur, nihil spatii prorsus habere judicetur. Hujus igitur tam exiguæ in mundo regionis quarta fere portio est, sicut Ptolemæo probante didicisti, quæ à nobis cognitis animantibus incolatur. Huic quartæ, si quantum maria, paludesque premuat quantumque siti vulta regio distenditur, cogitatione subtraxeris, vix angustissima inhabitandi hominibus area relinquetur. In hoc igitur minimo puncti quodâ puncto circumsepti, atque conclusi, de pervulganda fama, de proferendo nomine cogitatis? At quid habet amplum, magnificumque gloria, tam angustis exiguisque limitibus arcata? Adde quod hoc ipsum brevis habitaculi septum plures incolunt nationes, lingua, moribus, totius vitæ ratione distantes. ad quas tum difficultate iterum, tum loquendi diversitate, tum commercii insoleptia, non modo fama hominum singulorum, sed ne urbium quidem pervenire queat. Arate denique Marci Tullii, sicut ipse quodam loco significat, nondum Caucasum montem Romanæ reipublicæ fama transcenderat, & erat tunc adulta. Parthis etiam, ceterisque id locorum gen-

tibus

ribus formidolosa. Videsne igitur quam sit angusta, quam compressa gloria, quam propagare ac dilatare laboratis? An ubi Romani nominis transire fama nequit, Romani hominis gloria progredietur? Quid, quod diversarum gentium mores inter se, atque instituta, discordant. ut quod apud alios laude, apud alios supplicio dignum iudicetur. Quo fit, ut si quem famæ prædicatio delectat, huic, in plurimos populos nomen proferre, nullo modo conducatur. Erit igitur pervagata inter suos gloria quisque contentus, & intra unius gentis terminos præclara illa famæ immortalitas coarctabitur. Sed quam multos clarissimos suis temporibus viros scriptorum inops delevit oblivio! Quamquam quid ipsa scripta proficiunt, quæ cum suis auctoribus premit longior, atque obscura veritas? Vos autem immortalitatem vobis propagare videmini, cum futuri famam temporis cogitatis. Quod si ad æternitatis infinita spatia pertractes, quid habes, quod de tui nominis diuturnitate læteris? Vnius enim mora momenti, si decem millibus conferatur annis, quoniam utrumque spatium definitum est, minimam licet, habet tamen aliquam portionem. At hic ipse numerus annorum, ejusque quantumlibet multiplex, ad interminabilem diuturnitatem ne comparari quidem potest. Etenim finitis ad se invicem fuerit quædam; infiniti vero, atque finiti, nulla umquam poterit esse collatio. Ita fit, ut  
quam-

quamlibet prolixi temporis fama, si cum inexhausta æternitate cogitetur, non parva, sed plane nulla esse videatur. Vos autem nisi ad populareis auras, inaneisque rumores, recte facere nescitis; & relicta conscientia, virtutisque præstantia, de alienis præmia sermunculis postulatis. Accipe in huiusmodi arrogantia levitate quam festive aliquis illuserit. Nam cum quidam adortus esset hominem contumeliis, qui non ad veræ virtutis usum, sed ad superbam gloriam falsum sibi philosophi nomen induerat, adjecissetque jam se scitutum, an ille philosophus esset, siquidem illatas injurias leniter, patienterque tollerasset. Ille patientiam paulisper assumpsit; acceptaque contumelia velut insultans, iam tandem, inquit, intelligisne me esse philosophum? Tum ille nimium mordaciter, Intellexeram, inquit, si racuisses. Quid autem est, quod ad præcipuos viros (de his enim sermo est) qui virtute gloriam petunt: quid, inquam, est, quod ad hos de fama post resolutum morte suprema corpus attineat? Nam si, quod nostræ rationes credi verant, toti moriuntur homines, nulla est omnino gloria: cum is, cujus ea esse dicitur, non exster omnino. Sin vero sibi mens bene conscia, terreno carcere resoluta, cælum libera petit, nonne omne terrenum negotium spernet, quæ se, cælo fruens, terrenis gaudet exemptam?

## M E T R V M V I I.

Quicumque solam mente praecepisti petis,  
 Summumque credit gloriam;  
 Late patentes aetheris cernat plagas,  
 Arctumque terrarum firmum:  
 Brevem replere non valentis ambitum  
 Pudebit aucti nominis.  
 Quid o superbi colla mortali iugo  
 Frustra levare gestiunt?  
 Licet remotos fama per populos means  
 Diffusa, linguas explicet,  
 Et magna titulis fulgeat clavis domus,  
 Mors spernit altam gloriam.  
 Involuit humile pariter, et celsum caput,  
 Aequatque summis infima.  
 Vbi nunc fidelis ossa Fabricii jacent?  
 Quid Brutus, aut rigidus Cato?  
 Signas superstes fama tenuis pauculis  
 Inane nomen liticris.  
 Sed quod decora novimus vocabula,  
 Num scire consumptos datur?  
 Inanis ergo prorsus ignorabiles,  
 Nec fama notos efficit.  
 Quod si putatis longius vitam trahi  
 Mortalis aura nominis,  
 Cum sera vobis rapiet hoc etiam dies,  
 Iam vos secunda mors manet.

## P R O S A V I I I.

SED ne me inexorabile contra for-  
 tunam gerere bellum putes, est aliquando

D

cum



cum de hominibus illa fallax non nihil bene mereatur ; tum scilicet , cum se aperit , cum frontem detegit moresq; proficitur. Nondum forte quid loquar , intelligis. Mirum est, quod dicere gestio , eoque sententiam verbis explicare vix queo. Etenim plus hominibus reor adversam, quam prosperam prodesse fortunam. Illa enim semper specie felicitatis , cum videtur blanda, ineditur: hæc semper vera est, cum se instabilem mutatione demonstrat. illa fallit; hæc instruit : illa mendax specie bonorum mentes fruentium ligat ; hæc cognitione fragilis felicitatis absolvit. Itaque illam videas ventosam , fluentem, sui que semper ignaram : hanc sobriam , succinctamque, & ipsius adversitatis exercitatione prudentem. Postremo felix , à vero bono devios blanditiis trahit : adversa plerumque ad vera bona reducens, unco retrahit. An hoc inter minima æstimandum putas, quod amicorum tibi fidelium mentis hæc aspera, hæc horribilis fortuna detexit : hæc tibi certos sodalium vultus , ambiguosque secrevit; discedens , suos abstulit, tuos reliquit ? Quanti hoc integer, &, ut videbaris tibi, fortunatus emisisses? Desine nunc amissas opes quærere, quod pretiosissimum genus divitiarum est, amicos invenisti.

### M E T R V M V I I I.

*Quod mundus stabili fide  
Concordes varias vices,*

*Quod*



Quod pugnantia semina  
Fœdus perpetuum tenent,  
Quod Phœbus roseum diem  
Curru prorahis aureo,  
Ut quas duxerit Hesperus,  
Phœbe nobilibus imperet,  
Ut fluctus avidum mare  
Certo sine coerceat,  
Ne terris liceat vagis  
Latos iungere terminos,  
Hanc rerum seriem ligat,  
Terras ac pelagus regens,  
Et calo imperitans amor.  
Hic si frena remiservit,  
Quidquid nunc amat invicem,  
Bellum continuo geret:  
Et quam nunc socia fide  
Pulcris motibus incitant,  
Certent solvere machinam.  
Hic sancto populos quoque  
Iundos fœdere continet:  
Hic & conjugii sacrum  
Castis necesse amoribus:  
Hic fides etiam sua  
Dicitur iura sodalibus.  
O felix hominum genus,  
Si vestros animos amor,  
Quo calum regitur, regat.

## LIBER TERTIVS.

## PROSA I.

**I**A M cantum illa finierat, cum me audiendi avidum, stupentemque arrestis adhuc auribus carminis mulcedo dixerat. Itaque paullo post, ô, inquam, summum lassorum solamen animorum, quantum me vel sententiarum pondere, vel cauendi etiam iucunditate refovisti! adeo ut jam me posthac imparem fortunæ ictibus non arbitrer. Itaque remedia, quæ paullo ante acriora esse dicebas, non modo non perhorresco, sed audiendi avidus vehementer efflagito. Tum illa, Senti, inquit, cum verba nostra tacitus, attentusque rapiebas, eumque tuæ mentis habitum vel expectavi, vel, quod est verius, ipsa perfecti. Talia sunt quippe quæ restant, ut degustata quidem mordeant, ioterius autem recepta dulcescant. Sed quod tu te audiendi cupidum ducis, quanto ardore flagrares, si, quonam te ducere aggrediamur, agnosceres? Quonam inquam? Ad veram, inquit, felicitatem, quam tuus quoque somniat avimus: sed occupato ad imagines visu, ipsam illam non potes intueri. Tum ego: Fac obsecro, &, quæ illa vera sit, sine cunctatione demonstra. Faciam, inquit illa, tui causâ libenter: sed quæ tibi causâ notior est, eam prius designare verbis, atque informare

conabor : ut ea perspecta , cum in contrariam partem flexeris oculos , veræ beatitudinis specimen possis agnoscere.

## METRVM I.

*Qui serere ingenuum volet agrum ,  
Liberat arua prius fruticibus ,  
Falce rubos , filicemque resecat ,  
Vt nova fruge gravis Ceres eat.  
Dulcior est apium mage labor ,  
Si malus ora prius sapor edat.  
Gratius astra nitent , ubi Notus  
Desinit imbriferos dare sonos.  
Lucifer ut tenebras pepulerit ,  
Pulcra dies roseos agit equos.  
Tu quoque falsa tuens bona , prius  
Incipe colla iugo revahere ;  
Vera dehinc animum subierint.*

## PROSA II.

TVM defixo paullulum visu, & velut in angustam suæ mentis sedem recepta, sic coepit. Omnis mortalium cura, quam multiplicium studiorum labor exercet, diverso quidem calle procedit, sed ad unum tamen beatitudinis finem nititur pervenire. Id autem est bonum, quo quis adepto, nihil ulterius desiderare queat. Quod quidem est omnium summum bonorum, cunctaque intra se bona continens : cui si quid abforet, summum esse non posset, quoniam relinqueretur extrinsecus,

quod posset optari. Liqueat igitur, beatitudinem esse statum bonorum omnium congregatione perfectum. Huuc, uti diximus, diverso tramite mortales omnes conantur adipisci. Est enim mentibus hominum veri boni naturaliter inserta cupiditas: sed ad falsa devius error abducit. Quorum quidem alii summum esse bonum nihilo indigere credentes, ut divitiis affluant, elaborant: alii vero bonum, quod sit dignissimum veneratione, iudicantes, adeptis honoribus, reverendi civibus suis esse nituntur. Sunt qui summum bonum in summa potentia esse constituent: hi vel regnare ipsi volunt, vel regnantibus adhærere conantur. At quibus optimum quiddam claritas videtur, hi vel belli, vel pacis artibus gloriosum nomen propagare festinant. Plurimi vero boni fructum gaudio, lætitiæque meriuntur: hi felicissimum putant voluptate diffuere. Sunt etiam, qui horum finis, causasque alterutro permutant: ut, qui divitias ob potentiam, voluptatesque desiderant, vel qui potentiam seu pecuniæ causa, seu proferendi nominis petunt. In his igitur, ceterisque talibus humanorum actuum, votorumque, versatur intentio, veluti nobilitas, favorque popularis, quæ videntur quandam claritudinem comparare, uxor, ac liberi, qui iucunditatis gratia petuntur. Amicorum vero, quod sanctissimum quidem genus est, non in fortuna, sed in virtute numeratur. Reliquum vero vel potentiæ caus-

sa, vel delectationis assumitur. Iam vero corporis bona promptum est, ut ad superiora referantur. Robur enim magnitudoque videntur præstare valentiam: pulchritudo atque velocitas celebritatem: salubritas, voluptatem. Quibus omnibus solam beatitudinem desiderari liquet. Nam quod quisque præ ceteris petit, id summum iudicat bonum. Sed summum bonum beatitudinem esse definimus. Quare beatum esse iudicat statum, quem præ ceteris quisque desiderat. Habes igitur ante oculos propositam fere formam felicitatis humanæ, opes, honores, potentiam, gloriam, voluptates. Quæ quidem sola considerans Epicurus, consequenter sibi summum bonum voluptatem esse constituit, quod cetera omnia iucunditatem animo videantur afferre. Sed ad hominum studia revertor: quorum animus etsi caligante memoria, tamen bonum summum repetit; sed velut ebrius, domum quo tramite revertatur, ignorat. Nam enim videntur errare hi, qui nihilo indigere videntur? Atqui non est aliud quod æque perficere beatitudinem possit, quam copiosus bonorum omnium status, nec alieni egens, sed sibi ipse sufficiens. Num vero labuntur hi, qui quod sit optimum, id etiam reverentiæ cultu dignissimum putant? minime. Neque enim vile quiddam, contemnendumque est, quod adipisci omnium fere mortalium laborat intentio. An in bouis non est numeranda potentia? Quid igitur? Num

imbecillum, ac sine viribus æstimandum est, quod omnibus rebus constat esse præstantius? An claritudo nihili pendenda est? Sed sequestrari nequit, quin omne quod excellentissimum sit, id etiam videatur esse clarissimum. Nam non esse anxiam, tristemque beatitudinem, nec doloribus molestiisque subjectam, quid attinet dicere, quando in minimis quoque rebus id appetitur, quod habere, fruique delectet? Atqui hæc sunt, quæ adipisci homines volunt; eaque de causa divitias, dignitates, regna, gloriam voluptatesque desiderant, quod per hæc sibi sufficientiam, reverentiam, potentiam, celebritatem, lætitiâ credunt esse venturam. Bonum est igitur, quod tam diversis studiis homines petunt: in quo quanta sit naturæ vis, facile monstratur, cum licet variæ dissidentesque sententiæ, tamen in deligendo boni sine consentiunt.

## M E T R V M I I.

*Quantas verum flectat habenas  
 Natura potens, quibus immensum  
 Legibus orbem provida servet,  
 Stringasque ligans irrefoluto  
 Singula nexu, placet arguto  
 Fidibus lentis promere cantu.  
 Quamvis Pœni pulcra leones  
 Vincula gessent, manibusque datas  
 Capient escas, metuantque irucem  
 Soli verbera ferre magistrum:*

Si cruor horrida tinxerit ora,  
 Resides olim redeunt animi,  
 Fremuntque gravi meminere sui;  
 Laxant nodis colla solutis,  
 Primusque lacer dente cruento  
 Domitor rabillas imbuit iras.  
 Quæ canis altis garrula ramis  
 Ales, caveæ clauditur antro:  
 Huic licet illita pocula melle,  
 Largasque dapes dulci studio  
 Ludens hominum cura ministrat,  
 Si tamen arcto saliens tecto,  
 Nemorum gratas viderit umbras,  
 Sparsas pedibus proteriti escas,  
 Silvas tantum mæsta requirit,  
 Silvas dulci voce susurrat.  
 Validis quondam viribus acta,  
 Pronum flectit virga cacumen:  
 Hanc si curvans dextra remisit,  
 Recto spectat vertice calum.  
 Cadit Hesperias Phœbus in undas:  
 Sed secreto tramite rursus  
 Currum solius venit ad ortus.  
 Repetunt proprios quaque recursus,  
 Rediuntque suo singula gaudent.  
 Nec manet ulli traditus ordo,  
 Nisi quod fini junxerit ortum,  
 Stabilemque sui fecerit orbem.

## P R O S A I I I.

VOS quoque si terrena animalia, te-  
 nui licet imagine, vestrum tamen prin-  
 cipium somniatis, verumque illum beati-

D S

tudinis

tudinis finem, licet minime perspicaci, qualicumque tamen cogitatione perspicitis, eoque vos, & ad verum bonum naturalis ducit intentio, & ab eodem multiplex error abducit. Considera namque, an per ea, quibus se homines adepturos beatitudinem putant, ad destinatum finem valeant pervenire. Si enim vel pecunia, vel honores, ceteraque tale quid afferunt, cui nihil bonorum abesse videatur, nos quoque fateamur fieri aliquos horum adeptione felices. Quod si neque id valent aspicere, quod promittunt, bonisque pluribus carent, nonne liquido falsa in eis beatitudinis speciesprehenditur? Primum igitur te ipsum, qui paullo ante divitiis affuebas, interrogo. Inter illas abundantissimas opes nunquamne animum tuum concepta ex qualibet injuria confudit anxietas? Atqui, inquam, tam libero me fuisse animo, quin aliquid semper angeret, reminisci nequeo. Nonne quia vel aberat, quod abesse non velles: vel aderat, quod adesse noluiesses? Ita est, inquam. Illius igitur praesentiam, hujus absentiam desiderabas. Confiteor, inquam. Eget vero, inquit, eo, quod quisque desiderat? Eget, inquam. Qui vero eget aliquo, non est usquequaque sibi ipse sufficiens? Minime, inquam. Tu itaque hanc insufficientiam plenus, inquit, opibus sustinebas? Quid ni? inquam. Opes igitur nihil indigentem, sufficientemque sibi facere nequeunt; & hoc erat, quod promittere videbatur. Atqui hoc quoque maxime



considerandum puto , quod nihil habeat suapte natura pecunia, ut his à quibus possideretur , iocivis nequeat auferri. Fateor, inquam. Quidni fateare, cum eam quotidie valentior aliquis eripiat invito ? Vnde enim forenses querimoniae , nisi quod vel vi vel fraude à nolentibus pecuniae repetuntur ereptae ? Ita est, inquam. Egebit igitur , inquit , extrinsecus petito praesidio , quo suam pecuniam quisque tueatur. Quis id , inquam , neget ? Atqui non egeret eo , nisi possideret pecuniam, quam possit amittere. Dubitari , inquam , nequit. In contrarium igitur relapsa res est : nam quae sufficientes sibi facere putabantur opes, alieno potius praesidio faciunt indigentes. Quis autem modus est, quo pellatur divitiis indigentia ? Num enim divites esurire nequeunt ? num sitire non possunt ? num frigus hibernum pecuniosorum membra non sentiunt ? Sed adest, inquires, opulentis, quo famem satient, quo sitim , frigusque depellant. Sed hoc modo consolari quidem divitiis indigentia potest, auferri penitus non potest. Nam si haec hians semper , atque aliquid poscens, opibus expletur , maneat necesse est , quae possit expleri. Taceo , quod naturae minimum, quod avaritiae nihil satis est. Quare si opes nec summovere indigentiam possunt, & ipsae suam faciunt, quid est quod eas sufficientiam praestare credatis ?

## METRUM III.

*Quamvis fluente dives auri gurgite  
Non explesturas cogat avarus opes,  
Ornetque baccis colla rubri litoris,  
Ruraque centeno scindat opima bove:  
Nec cura mordax deserit superstitem,  
Defunctumque leves non comitantur  
opes.*

## PROSA IV.

SED dignitates honorabilem, reverendumque, cui provenerint, reddunt. Num vis ea est magistratibus, ut utentium mentibus virtutes inferant, vitia depellant? Atqui non fugare, sed illustrare potius nequitiam solent. quo fit, ut indignemur eas sæpe nequissimis hominibus contigisse. unde Catullus licet in curuli Nonium sedentem, strumam appellat. Videsne quantum dedecus malis adjiciant dignitates? Atqui minus eorum parebit indignitas, si nullis honoribus inclarescant. Tu quoque num tandem tot periculis adduci potuisti, ut cum Decorato gerere Magistratum putares, cum in eo mentem nequissimi scurræ, delatorisque respiceres? Non enim possumus ob honores reverentia dignos judicare, quos ipsis honoribus judicamus indignos. At si quem sapientia præditum videres, num posses eum

vel

vel reverentia, vel ea qua præditus est, sapientia, non dignum putare? Minime. Iust enim dignitas propria virtuti, quam protinus in eos, quibus fuerit adiuncta, transfundit. Quod quia populares nequeunt facere honores, liquet eos propriam dignitatis pulcritudinem non habere. In quo illud est animadvertendum magis: nam si eo abjectior est, quo magis à pluribus quisque contemnitur, cum reverendos facere nequeant, quos pluribus ostentat despectiores, potius dignitas improbos facit. Verum non impune: reddunt namque improbi parem dignitatibus vicem, quas sua contagione commaculant. Atque ut agnoscas veram illam reverentiam per has umbratilis dignitates non posse contingere, sic collige. Si quis multiplici consulatu functus in Barbaras nationes forte devenerit, venerandum de Barbaris honor faciet? Atqui si hoc naturale munus dignitatibus foret, ab officio suo quoque gentium nullo modo cessarent. sicut ignis ubique terrarum, nunquam tamen calere desistit. Sed quoniam id eis non propria vis, sed hominum fallax appetit opinio, vanescunt illico, cum ad eos venerint, qui dignitates eas esse non æstimant. Sed hoc apud exterarum nationes. Inter eos vero, apud quos ortæ sunt, num perpetuo perdurant? Atqui præfectura magna olim potestas, nunc inane nomen est, & Senatorii census gravis sarcina. Si quis quondam populi curasset

anno.

annonam, magnus habebatur. Nunc ea præfectura quid abjectius? Ut enim paullo ante diximus, quod nihil habet proprii defectus, opinione utentium nunc splendorem accipit, nunc amittit. Si igitur reverendos facere nequeunt dignitates, si ultro improborum contagione sordescunt, si mutatione temporum splendere desinunt, si gentium æstimatione vilescunt, quid est, quod in se expetendæ pulchritudinis habeant, ne dum aliis præstent?

## METRVM IV.

*Quamvis se Tyro superbus ostro  
Comeret, & niveis lapillis,  
Invisus tamen omnibus vivebat  
Luxuriæ Nervo savientis.  
Sed quondam dabat improbus verendis  
Patribus indecores curules.  
Quis illos igitur puset beatos,  
Quos miseri tribuunt honores?*

## PROSA V.

AN vero regna Regumque familiaritas efficere potentem valent? Quid ni, quando eorum felicitas perpetuo perdurat? Atqui plena est exemplorum vetustas, plena etiam præsens ætas, qui Reges felicitatem calamitate mutaverint. O præclara potentia, quæ nec ad conservationem quidem sui satis efficax invenitur! Quod si hæc

regno-

regnorum potestas beatitudinis auctor est, nonne si qua parte defuerit, felicitatem minuat, miseriam importet? Sed quamvis late humana tendantur imperia, plures necesse est gentes reliqui, quibus Regum quisque non imperet. Qua vero parte beatorum faciens desinit potestas, hac impotentia subintrat, quæ miseros facit: hoc igitur inodo majorem Regibus inesse necesse est miseriæ portionem. Expertus fortis suæ periculorum Tyrannus, regni metus pendentis supra verticem gladii terrore simulavit. Quæ est igitur hæc potestas, quæ solitudinum morsus expellere, quæ formidinum aculeos vitare nequit? Atqui vellent ipsi vixisse securi, sed nequeunt: dehinc de potestate gloriantur. An tu potentem censes, quem videas vellet, quod non possit efficere? Potentem censes, qui satellite latus ambit: qui quos terret, ipse plus metuit; qui ut potens esse videatur, in servientium manu situm est? Nam quid ego de Regum familiaribus disseram, cum regna ipsa tantæ imbecillitatis plena demonstrem? quos quidem regia potestas sæpe incolumis, sæpe autem lapsa prostravit? Nero Senecam familiarem, præceptoremque suum ad eligendæ mortis coegit arbitrium. Papinianum diu inber aulicos potentem, militum gladiis Antoninus objecit. Atqui uterque potentiæ suæ renunciare voluerunt: quorum Seneca opes etiam suas tradere Neroni, seque in otium conferre conatus est.

Sed

Sed dum ruituros moles ipsa trahit, neuter, quod voluit, effecit. Quæ est igitur ista potentia, quam pertimescunt habentes: quam, nec, cum habere velis, tutus sis: & cum deponere cupias, vitare non possis? An præsidio sunt amici, quos non virtus, sed fortuna conciliat? Sed quem felicitas amicum fecit, infortunium fæciat inimicum. Quæ vero pestis efficacior ad nocendum, quam familiaris inimicus?

METRUM V.

*Qui se volet esse potentem,  
Animos domet ille feroces,  
Nec victa libidine colla  
Fædis summittat habenis.  
Etenim licet Indica longe  
Tellus tua jura tremiscat,  
Et serviat ultima Thule;  
Tamen atras pellere curas,  
Miserasque fugare querelas  
Non posse, potentia non est.*

PROSA VI.

GLORIA vero quam fallax sæpe, quam turpis est! Vnde non injuria Tragicus exclamat: ὦ δὴ ἔξ ἀδελφῶν κακίων σὶ δὴ βροτῶν, ἕδιν γέγωνας βροτῶν ὠγώσας μέγαν. Plures enim magnum sæpe nomen falsis vulgi opinionibus ablu-

terunt.

lerunt. quo quid turpius excogitari potest? Nam qui falso prædicantur, suis ipsi necesse est laudibus erubescant. Quæ si etiam meritis conquestæ sint, quid tamen sapientis adjecerint conscientiæ, qui bonum suum non populari rumore, sed conscientiæ veritate metitur? Quod si hoc ipsum propagasse nomen, pulcrum videtur; consequens est, ut foedum non extendisse judicetur. Sed cum, uti paullo ante disserui, plures gentes esse necesse sit, ad quas unius fama hominis nequeat pervenire, fit, ut quem tu æstimas gloriosum, proxima parte terrarum videatur inglorius. Inter hæc vero popularem gloriam, ut commemoratione quidem dignam puto, quæ nec judicio provenit, nec umquam firma perdurat. Iam vero quam sit inane, quam futile nobilitatis nomen, quis non videat? quæ si ad claritudinem refertur, aliena est. Videtur namque esse nobilitas, quædam de meritis veniens laus parentum. Quod si claritudinem prædicatio facit, illi sint clari necesse est, qui prædicantur. Quare splendidum te, si tuam non habes, aliena claritudo non efficit. Quod si quid est in nobilitate bonum, id esse arbitror solum; ut imposita nobilibus necessitudo videatur, ne à majorum virtute degenerent.

## M E T R V M V I.

*Omne hominum genus in terris  
Simili surgit ab ortu:*



Vnus enim rerum pater est,  
 Vnus cuncta ministrat.  
 Ille dedit Phœbo radios,  
 Dedit & cornua Luna.  
 Ille homines etiam terris  
 Dedit, & sidera calo.  
 Hic clausit membris animos  
 Celsa sede petitos.  
 Mortaleis igitur cunctos  
 Edidit nobile germen.  
 Quid genus, & proavos strepitis?  
 Si primordia vestra,  
 Auctoremque Deum spectes,  
 Nullus degener exstat,  
 Ni vitiiis pejora fovens  
 Proprium deserat ortum.

## PROSA VII.

QUID autem de corporis volupta-  
 tibus loquar; quarum apperentia quidem  
 plena est anxietatis, satietas vero poeni-  
 tentiæ? Quantos illæ morbos, quam into-  
 lerabiles dolores, quasi quendam fructum  
 nequitiae fruuentium soleat referre cor-  
 poribus! quarum motus quid habeat ju-  
 cunditatis, ignoro. Tristeis vero esse vo-  
 luptatum exitus, quisquis remiuiscei libi-  
 dium suarum volet, intelliget. Quæ si  
 beatos explicare possunt, nihil causæ est,  
 quin pecudes quoque beatæ esse dicantur;  
 quarum omnis ad explendam corporalem  
 lacunam festinat intentio. Honestissima  
 quidem conjugis foret liberorumque

jucun-



jucunditas; sed nimis è natura dictum est, nescio quem filios invenisse tortores: quorum quam sit mordax quæcumque conditio, neque alias expertum te, neque nunc anxium necesse est admonere. In quo Euripides mei sententiam probo, qui carentem liberis infortunio dixit esse felicem.

## METRUM VII.

*Habet omnis hoc voluptas,  
Stimulis agit fruenteis,  
Apiumque par volantium,  
Vbi grata mella fudit,  
Fugit, & nimis tenaci  
Ferit ista corda morfu.*

## PROSA VIII.

NIHIL igitur dubium est, quin hæ ad beatitudinem viæ devia quædam sint, nec perducere eo quemquam valeant, ad quod se perducturas esse promittunt. Quantis vero implicitæ molis sint, brevissime monstrabo. Quid enim? pecuniamne congregare conaberis? sed eripies habenti. Dignitatibus fulgere velis? danti supplicabis: & qui præire ceteros honore cupis, poscendi humilitate vilesces. Potentiamne desideras? subditorum insidiis obnoxius, periculis subiacebis. Gloriam petis? sed per aspera quæque distractus, securus esse

defistis. Voluptariam vitam degas, sed quis non spernat, atque abjiciat vilissimæ fragilissimæque rei corporis servitium? Iam vero qui bona præ se corpore possessione nituntur! Num enim elephantem mole, tauros robore superare poteris? num tigres velocitate præibitis? Respiciite cæli spatium, firmitudinem, celebritatem, & aliquando desinite vilia mirari. Quod quidem cælum non his potius est, quam sua, qua regitur, ratione, mirandum. Formæ vero nitor ut rapidus est, ut velox, & vernalium florum mutabilitate fulgor! Quod si, ut Aristoteles ait, Lynceis oculis homines uterentur, ut eorum visus obstantia penetraret, nonne introspectis visceribus, illud Alcibiadis superficie pulcherrimum corpus, turpissimum videretur? Igitur te pulcrum videri, non tua natura, sed oculorum spectantium reddit infirmitas. Sed æstimate, quam vultis nimio corporis bona; dum sciatis hoc, quodcumque miramini, triduanæ febris igniculo posse dissolvi. Ex quibus omnibus illud in summam redigere licet: quod hæc, quæ nec præstare, quæ pollicentur, bona possunt, nec omnium bonorum congregatione perfecta sunt, ea nec ad beatitudinem, quasi quidam calles, ferunt, nec beatos ipsa, perficiunt.

## METRUM VIII.

Eheu, quam miseros tramite devio  
 Abducit ignorantia!  
 Non aurum in viridi quaritis arbore,  
 Nec vite gemmas carpitis,  
 Non altis laqueos montibus abditis,  
 Vt pisce ditetis dapes.  
 Nec vobis capreas si libeat sequi,  
 Tyrrhena captatis uada.  
 Ipsos quin etiam fluctibus abditos,  
 Norunt recessus aquoris,  
 Qua gemmis niveis unda feracior,  
 Vel qua rubentis purpura:  
 Nec non qua tenero pisce, vel asperis  
 Præstant echinis litora.  
 Sed quonam lateat, quod cupiunt bonum,  
 Nescire cæci sustinent,  
 Et quod stelliferum trans abiit polum,  
 Tellure demersi petunt.  
 Quid dignum stolidis mentibus imprece?  
 Oper, honores ambiant,  
 Et cum falsa gravi mole paraverint,  
 Tum vera cognoscant bona.

## PROSA IX.

H A C T E N V S mendacis for-  
 mam felicitatis ostendisse suffecerit; quam  
 si perspicaciter intueris, ordo est dein-  
 ceptus, quæ sit vera monstrare. Atqui vi-  
 deo, inquam, nec opibus sufficientiam,  
 nec regnis potentiam, nec reverentiam  
 dignitatibus, nec celebritatem gloria, nec

lætitiam voluptatibus posse contingere. An etiam causas, cur id ita sit, deprehendi? Tenui quidem veluti simula mihi videor intueri: sed ex te cognoscere aperiens malim. Atqui promptissima ratio est. Quod enim simplex est, indivisumque natura, id error humanus separat, & à vero, atque perfecto ad falsum, imperfectumque traducit. An tu arbitraris, quod nihilo indigeat, egere potentia? minime, inquam. Recte tu quidem: nam si quid est, quod in ulla re imbecillioris valentiæ sit, in hac præsidio necesse est egeat alieno. Ita est, inquam, igitur sufficientiæ, potentiæque una est, eademque natura. Sic videtur. Quod vero huiusmodi sit, spernendum ne esse censes, an contra rerum omnium veneratione dignissimum? At hoc, inquam, ne dubitari quidem potest. Addamus igitur sufficientiæ, potentiæque reverentiam, ut hæc tria unum esse judicemus. Addamus, siquidem vera volumus confiteri. Quod vero, inquit, obscurum ne hoc atque ignobile censes esse, an omni celebritate clarissimum? Considera vero, ne, quod nihilo indigere, quod potentissimum, quod honore dignissimum esse concessum est, egere claritudine, quam sibi præstare non possit, atque ob id aliqua ex parte videatur abjectius. Non possum, inquam, quin hoc uti est, ita etiam celeberrimum esse confitear. Consequens igitur est, ut claritudinem superioribus tribus nihil differre fateamur. Consequitur,

inquam.

inquam. Quod igitur nullius egeat alieni, quod suis cuncta viribus possit, quod sit clarum, atque reverendum. nonne hoc etiam constat esse lætissimum? Sed unde huic, inquam, tali moeror ullus obrepit, ne cogitare quidem possum. quare plenum esse lætitiæ, siquidem superiora manebunt, necesse est confiteri. Atqui illud quoque per eadem necessarium est, sufficientiæ, potentiæ, claritudinis, reverentiæ, jucunditatis nomina quidem esse diversa, nullo vero modo discrepare substantiam. Necesse est, inquam. Hoc igitur, quod est unum, simplexque natura, pravitas humana dispertit, &c. dum rei, quæ partibus caret, partem conatur adipisci, nec portionem, quæ nulla est: nec ipsam, quam minime affectat, assequitur. Quo nam, inquam, modo? Qui divitias, inquit, petit, penuriæ fuga, de potentia nihil laborat: vilis, obscurusque esse mavult, multas etiam sibi naturales quoque subtrahit voluptates, ne pecuniam, quam paravit, amittat. Sed hoc modo ne sufficienti quidem contigit ei, quem valentia deserit, quem molestia pungit, quem vilis abiicit, quem recondit obscuritas. Qui vero solum posse desiderat; profligat opes, despicit voluptates, honoremque potentia carentem, gloriam quoque nihil pendit. Sed huic quoque quam multa deficient, vides. Fit enim ut aliquando necessariis egeat, ut anxietatibus mordeatur; cumque hæc depellere nequeat, etiam id quod

maxime petebat, potens esse desistit. Similiter ratiocinari de honoribus, gloria, voluptatibus licet. Nam cum unumquodque horum idem, quod cetera, sit, quisque horum aliquid sine ceteris petit, ne quis horum quod desiderat, apprehendat illud quidem. quod desiderat, inquam. Si quis cuncta dicit. Quid igitur? inquam. Si quis cuncta simul cupiat adipisci, summam quidem ille beatitudinis velit: sed num in his eam reperiet, quæ demonstravimus, id, quod pollicentur, non posse conferre? Minime inquam. In his igitur, quæ singula quæque expetendorum præstare creduntur, beatitudo nullo modo investiganda est. Fateor, inquam, & hoc nihil dici verius potest. Habes igitur, inquit, & formam falsæ felicitatis, & causas: desiste nunc in adversum mentis intuitum; ibi enim veram, quam promissimus, statim videbis. Atqui hæc, inquam, vel cæco perspicua est, eamque tu paullo ante monstrasti, dum falsæ beatitudinis causas aperire conabar. Nam, ni fallor, ea vera est, & perfecta felicitas, quæ sufficientem, potentem, reverendum, celebrem, lætumque perficiat. Atque ut me interius animadvertisse cognoscas, quæ unum horum, quoniam idem cuncta sunt, veraciter præstare potest, hanc esse plenam beatitudinem sine ambiguitate cognosco. O te alumne hac opinione felicem sentio, siquidem hoc, inquit, adjeceris. Quid nam? inquam. Essene aliquid in his mortalibus caducisque rebus putas, quod hujusmodi statum possit affer-



re? Minime, inquam, puto; idque à te, nihil ut amplius desideretur, ostensum est. Hæc igitur vel imagines veri boni, vel imperfecta quædā dare bona mortalibus videntur: verum autem, atque perfectum bonū conferre non possunt. Assentior, inquam. Quoniam igitur agnovisti, quæ vera illa sit, quæ autem beatitudinem mentiantur, nunc superest, ut unde veram hanc petere possis, agnoscas. Id quidem, inquam, jam dudum, vehementer expecto. Sed cum, uti in Timæo Platoni, inquit, nostro placet, in minimis quoqueribus divinum præsidium debeat implorari. quid nunc faciendum censes, ut illius summi boni sedem reperire mereamur? Invocandum, inquam, rerum omnium patrem, quo prætermisso, nullum rite fundatur exordium. Recte, inquit, ac simul ita modulata est.

## M E T R V M IX.

*O qui perpetua mundum vatione gubernas,  
Terrarum cælique sator, qui tempus ab ævo  
Ire jubes, stabiliisque manens das cuncta mo-  
veri,*

*Quem non externa pepulerunt fingere causa  
Materia fluitantis opus; verum insita summi  
Forma boni, livore carens. tu cuncta superno  
Ducis ab exemplo: pulcrum pulcerrimus ipse  
Mundum mentegerens similique imagine for-  
mans,*

*Perfectasque jubens perfectum absolvere par-  
teis,*

# L I B E R

74

Tu numeris elementa ligas, ut frigora flam-  
 mis,  
 Arida conveniant liquidū: ne purior ignis  
 Evolet, aut mersas deducant pondera terras.  
 Tu triplicis mediā naturā cuncta movere  
 rem  
 Connectens animam per consona membra re-  
 solvis.  
 Quæ cum scēta duos motum glomeravit in  
 orbis,  
 In semet reditura meat, mentemque pro-  
 fundam  
 Circuit. & simili convertit imagine calum.  
 Tu causis animas paribus, vitasque minores  
 Provehis, & levibus sublimis curribus apians  
 In cælum, terramque seris: quas lege benigna  
 Ad te conversas reduci facis igne reverti.  
 Da pater augustam menti conscendere se-  
 dem,  
 Da fontem lustrare boni, da luce reperta  
 Inte conspicuos animi desigere visus.  
 Dissice terrena nebulas & pondera molis,  
 Atque tuo splendore mica: tu namque scere-  
 num,  
 Tu requies tranquilla piū: te cernere finis,  
 Principium, vector, dux, semita, terminus  
 idem.

## P R O S A X.

QVONIAM igitur quæ sit imper-  
 fecti, quæ etiam perfecti boni forma, vidi-  
 sti: nunc demonstrandum reor, quoniam hæc  
 felicitatis perfectio constituta sit. In

quo



quo illud primum arbitror inquirendum, an aliquid huiusmodi bonum, quale paulo ante definisti, in rerum natura possit existere, ne nos præter rei subiectæ veritatem cassa cognitionis imago decipiat. Sed quin existat, sitque hoc veluti quidam omnium fons bonorum, negari nequit. Omne enim quod imperfectum esse dicitur, id diminutione perfecti imperfectum esse perhibetur. Quo fit, ut si in quolibet genere imperfectum quid esse videatur, in eo, perfectum quoque aliquod esse, necesse sit. Etenim perfectione sublata, unde illud, quod imperfectum perhibetur, existerit, ne fingi quidem potest. Neque enim à diminutis, inconsummatisque natura rerum cepit exordium, sed ab integris, absolutisque procedens, in hæc extrema atque effera dilabitur. Quod si, uti paulo ante monstravimus, est quædam boni fragilis imperfecta felicitas: esse aliquam solidam, perfectamque, non potest dubitari. Firmissime, inquam, verissimeque conclusum est. Quo vero, inquit, habiter, ita considera. Deum rerum omnium principem, bonum esse, communis humanorum conceptio probat animorum. Nam cum nihil Deo melius excogitari queat, id, quo melius nihil est, bonum esse quis dubitet? ita vero bonum esse deum ratio demonstrat, ut perfectum quoque bonum in eo esse convincat. Nam si tale sit, rerum omnium princeps esse non poterit, erit enim eo præstantius aliquid, perfectum possi-

dens

dens bonum, quod hoc prius, atque anti-  
 quius esse videatur: omnia namque per-  
 fecta minus integris priora esse clare-  
 runt, quare ne in infinitum ratio prodeat,  
 confitendum est summum Deum, sum-  
 mi, perfectique boni esse plenissimum. Sed  
 perfectum bonum veram esse beatitudinem  
 constituimus. veram igitur beatitudinem  
 in summo Deo sitam esse, necesse est. Acci-  
 pio, inquam, nec est quod contradici ullo  
 modo queat. Sed quæso, inquit, te, vi-  
 de quam id sancte atque inviolabiliter pro-  
 bes, quod boni summi summum Deum di-  
 ximus esse plenissimum. Quonam, inquam,  
 modo? Ne hunc rerum omnium patrem  
 illud summum bonum, quo plenus esse  
 perhibetur, vel extrinsecus accepisse, vel  
 ita naturaliter habere præsumas, quali,  
 habentis Dei, habitæque beatitudinis di-  
 versam cogites esse substantiam. Nam si  
 extrinsecus acceptum putes, præstantius  
 id quod dederit, eo quod acceperit, exilti-  
 mare possis. Sed hunc esse rerum omnium  
 præcellentissimum, dignissime confitemur.  
 Quod si natura quidem inest, sed ratione  
 diversum, cum de rerum principe loqua-  
 mur Deo, fingat qui potest, quis hæc di-  
 versa conjunxerit? Postremo quod à qua-  
 libet re diversum est, id non est illud, à  
 quo intelligitur esse diversum. Quare à  
 summo bono diversum est sui natura, id  
 quod summum bonum non est: quod nefas  
 est de Deo cogitare, quo nihil constat es-  
 se præstantius. Omnino enim nullius rei na-

tura

rura suo principio melior poterit existere. quare quod omnium principium sit, id etiam sui substantia summum esse bonum verissima ratione concluderim. Rectissime, inquam. Sed summum bonum beatitudinem esse concessum est. Ita est, inquam. Igitur, inquit, Deum esse ipsam beatitudinem, necesse est confiteri. Nec propositis, inquam, prioribus refragari queo, & ab illis hoc illatum consequens esse perspicio. Respice, inquit, an hinc quoque idem firmitus approbetur, quod duo summa bona, quæ à se diversa sunt, esse non possunt. Etenim quæ discrepant bona, non esse alterum, quod sit alterum, liquet: quare neutrum poterit esse perfectum, cum alterutri alterum deest. Sed quod perfectum non sit, id summum non esse manifestum est: nullo modo igitur quæ summa sunt bona, ea possunt esse diversa. Atqui & beatitudinem, & Deum, summum bonum esse colligimus: quare ipsam necesse est summam esse beatitudinem, quæ sit summa divinitas. Nihil, inquam, nec re ipsa verius, nec rationatione firmitus, nec Deo dignius concludi potest. Super hæc, inquit, igitur veluti geometræ solent, demonstratis propositis, aliquid iungere, quæ *πορισματα* ipsi vocant, ita ego quoque tibi veluti corollarium dabo. Nam quoniam beatitudinis adeptione fiunt homines beati, beatitudo vero est ipsa divinitas, divinitatis adeptione fieri beatos, manifestum est. Sed uti ju-

sticiæ

# LIBER

78

stilizadeptione justis, sapientiz sapientes sunt, ita divinitatem adeptos, deos fieri simili ratione necesse est. Omnis igitur beatus, Deus; sed natura quidem unus, participatione vero nihil prohibet esse quam plurimos. Et pulcrum, inquam, hoc, atque pretiosum, sive *ωβριζα*, sive collarium vocari mavis. Atqui hoc quod pulcrus nihil est, quod his anneſcendum esse ratio persuadet. Quid? inquam. Cum multa, inquit, beatitudo continere videatur, utrumne hæc omnia unum veluti corpus beatitudinis quadam partium varietate conjungant, an sit eorum aliquid, quod beatitudinis substantiam compleat, ad hoc vero cetera referantur? Vellem, inquam, id ipsarum rerum commemoratione patefaceres. Nonne, inquit, beatitudinem bonum esse censemus? Ac summum quidem, inquam. Addas, inquit, hoc omnibus licet. Nam eadem sufficientia summa est, eadem summa potentia, reverentia quoque claritas, & voluptas beatitudo esse judicatur. Quid igitur? Hæc cive omnia bona, sufficientia, potentia, ceteraque veluti quædam beatitudinis membra sunt, an ad bonum, veluti ad verticem cuncta referuntur? Intellego, inquam, quid investigandum proponas: sed, quid constituas, audire delidero. Hujus rei discretionem sic accipe. Si hæc omnia beatitudinis membra forent, à se quoque invicem discreparent. Hæc est enim partium natura, ut unum corpus diversa componant.

Atqui

Atqui hæc omnia idem esse monstrata sunt. Minime igitur membra sunt: alioquin ex uno membro beatitudo videbitur esse conjuncta, quod fieri nequit. Id quidem, inquam, dubium non est: sed id, quod restat, exspecto. Ad bonum vero cetera referri palam est. Idcirco enim sufficientia petitur, quoniam bonum esse judicatur; idcirco potentia, quoniam id quoque esse creditur bonum. Idem de reverentia, claritudine, incunditate, conjectare licet. Omnium igitur expetendorum summa atque causa bonum est. Quod enim nequere, neque similitudine ullum in se retinet bonum, id expeti nullo modo potest. Contraque etiam, quæ natura bona non sunt, tamen si esse videantur, quasi vera bona sint, appetuntur. Quo fit, uti summa, cardo, atque causa expetendorum omnium, bonitas esse jure credatur. Cujus vero causa quid expeditur, id maxime videtur optari. Veluti si salutis causa quispiam velit equitare, non tam equitandi motum desiderat, quam salutis effectum. Cum igitur omnia boni gratia petantur, non illa potius quam bonum ipsum desideratur ab omnibus. Sed propter quod cetera optantur, beatitudinem esse concessimus: quare sic quoque sola quæritur beatitudo. Ex quo liquido apparet ipsius boni, & beatitudinis unam atque eandem esse substantiam. Nihil video, cur dissentire quispiam possit. Sed Deum veramque beatitudinem unum, atque idem esse monstravimus. Ita,

ip-

inquam. Secure igitur concludere licet,  
Dei quoque in ipso bono, nec usquam alio,  
sitam esse substantiam.

## M E T R V M X.

Huc omnes pariter venite capti,  
Quos fallax ligat improbis catenis  
Terrenas habitans libido mentis.  
Heic eris vobis requies laborum,  
Heic portus placida manens quiete,  
Hoc patens unum miseris asylum.  
Non quidquid Tagus aureis arenis  
Donat, aut Hermus rutilante ripa,  
Aut Indus calido propinquus orbi;  
Candidis miscens virideis lapillos,  
Illustrant aciem, magisque cacos  
In suos condunt animos tenebras.  
Hoc quidquid placet, excitatque mentis,  
Infinis tellus aluit cavernis.  
Splendor quo regitur, vigeique calum,  
Vivat obscuras animæ ruinas.  
Hanc quisquæ poterit notare lacum,  
Candidos Phæbi radios negabit.

## P R O S A X I.

A S S E N T I O R, inquam.  
Cuncta enim firmissimis nexa rationibus  
constant. Tum illa, quanti, inquit, æstima-  
bis, si bonum ipsum quid sit, agnoveris?  
Infiniti, inquam: siquidem mihi pariter  
Deum quoque, qui bonum est, continger  
agnoscere. Atqui hoc verissima, inquit,

ratione

ratione patefaciam, maneant modo quæ paulo ante conclusa sunt. Manebunt, inquam. Nonne, inquit, monstravimusea, quæ appetuntur à pluribus, idcirco vera perfecta que bona non esse, quoniam à se invicem discreparent, cumque alteri abesset alterum, plenum, absolutumque bonum asferre non polle? Tum autem verum bonum fieri, cum in unam veluti formam, atque efficientiam colliguntur, ut quæ sufficientia est, eadem sit potentia, reverentia, claritas, atque jucunditas. Nisi vero unum, atque idem omnia sint, nihil habere, quo inter expetenda numerentur. Demonstratum est, inquam, nec dubitari ullo modo potest. Quæ igitur, cum discrepant, minime bona sunt; cum vero unum esse coeperint, bona sunt: nonne hæc ut bona sint, unitatis fieri adeptione contingit? Ita, inquam, videtur. Sed omne quod bonum est, boni participatione bonum esse concedis, an minime? Ita est. Oportet igitur idem esse unum, atque bonum simili ratione concedas. Eadem namque substantia est eorum, quorum naturaliter non est diversus effectus. Negare, inquam, nequeo. Nostine igitur, inquit, omne quod est, tam diu manere atque subsistere, quam diu sit unum; sed interire atque dissolvi pariter, atque unum esse destiterit? Quonam modo? Ut in animalibus, inquit, cum in unum coeunt, ac permanent anima corpusque, id animal vocatur. Cum vero hæc unitas utriusque separatione dissolvitur, interire,



nec jam esse animal liquet. Ipsum quoque corpus cum in una forma, membrorum conjunctione, permanet, humana visitur species. At si distributæ, segregatæque partes corporis distraxerint unitatem, definit esse quod fuerat. Eoque modo percurrenti cætera proculdubio patebit subsistere unumquodque, dum usum est: cum vero unum esse definit, interire. Consideranti, inquam, mihi plura, minime aliud viderur. Estne igitur, inquit, quod in quantum naturaliter agat, relicta sustinendi appetentia, venire ad interitum, corruptionemque desideret? Si animalia, inquam, considerem, quæ habent aliquam volendi nolendique naturam, nihil invenio, quod, nullis extra cogentibus, abjiciant manendi intentionem, & ad interitum sponte festinent. Omne namque animal tueri salutem laborat: mortem vero, perniciemque devitat. Sed quid de herbis, arboribusque, quid de inanimatis omnino consentiam rebus, prorsus dubito. Atqui non est, quod de hoc possis ambigere, cum herbas, atque arbores intuearis, primum sibi convenientibus innascenti locis, ubi quantum earum natura queat, cito exarescere, atque interire non possunt. Nam aliæ quidem campis, aliæ montibus oriuntur, alias ferunt paludes, aliæ saxis hærent, aliarum secundæ sunt steriles arenæ, quas si in alia quispiam loca transferre conetur, arescant. Sed dat cuique natura quod convenit, &, ne, dum

manere

maner  
dicam  
merse  
medu  
Quid  
medi  
ditur  
regi  
cæli  
sent  
turi  
plic  
do  
qui  
vel  
Ea  
ne  
ni  
se  
p



manere possunt, intereant, elaborat. Quid dicam, quod omnes, velut in terras ore demerso, trahunt alimenta radicibus; ac per medullas robur, corticemque diffundunt? Quid, quod molliissimum quodque, sicuti medulla est, interiore semper sede reconditur, extra vero quadam ligni firmitate tegitur: ultimus autem cortex adversum cæli intemperiem, quasi mali patiens defensor opponitur? Iam vero quanta est naturæ diligentia, ut cuncta semine multiplicato propagentur, quæ omnia non modo ad tempus manendi, verum generatim quoque, quasi in perpetuum permanendi, veluti quasdam machinas esse quis nesciat? Ea etiam quæ inanimata esse creduntur, nonne quod suum est, quæque simili ratione desiderant? Cur enim flammæ quidem sursum levitas vehit, terras vero deorsum pondus deprimit, nisi quod hæc singulis loca, motionesque conveniunt? Porro autem quod cuique consentaneum est, id unumquodque conservat: sicuti ea, quæ sunt inimica, corrumpunt. Iam vero quæ dura sunt, ut lapides, adhærent tenacissime partibus suis, & ne facile dissolvantur, resistunt. Quæ vero liquentia ut aer, atque aqua, facile quidem dividendibus cedunt, sed cito in ea rursus, à quibus sunt abscissa, relabuntur. Ignis vero omnem refugit sectionem. Neque nunc nos de voluntariis animæ cognoscentis motibus, sed de naturali intentione tractamus. Sicuti est, quod exceptas escas sine cogitatione

transigimus, quod in somno spiritum ducimus nescientes. Nam ne in animalibus quidem manendi amor ex animæ voluntatibus, verum ex naturæ principiiis venit. Nam sæpe mortem cogentibus causis, quam natura reformidat, voluntas amplectitur: contraque illud, quo solo mortalium rerum durat diuturnitas, gignendi opus, quod natura semper appetit, interdum coercet voluntas. Adeo hæc sui caritas non ex animali motione, sed ex naturali intentione procedit. Dedit enim providentia creatis à se rebus hanc vel maximam manendi causam, ut quoad possunt, naturaliter manere desiderent: quare nihil est, quod ullo modo queas dubitare, cuncta, quæ sunt, appetere naturaliter constantiam permanendi, devitare perniciem. Confiteor, inquam, nunc me indubitato cernere, quæ dudum incerta videbantur. Quod autem, inquit, subsistere ac permanere appetit, id unum esse desiderat. hoc enim sublato, ne esse quidem cuiquam permanebit. Verum est, inquam. Omnia igitur, inquit, unum desiderant. Consensi. Sed unum id ipsum monstravimus esse, quod bonum est. Ita quidem. Cuncta igitur bonum petunt: quod quidem ita describas licet, ipsum bonum esse, quod desideretur ab omnibus. Nihil, inquam, verius excogitari potest. Nam vel ad nihilum cuncta referuntur, & uno, veluti vertice destituta, sine rectore, finitabunt; aut si quid est, ad quod universa festinent, id

erit

erit omnium summum bonorum. Et illa, nimium, inquit, & alumne lætor; ipsam enim mediæ veritatis notam mente fixisti; sed in hoc patuit tibi, quod ignorare te paulo ante dicebas. Quid? inquam. Quis esset, inquit, rerum omnium finis? Id est enim profecto, quod desideratur ab omnibus: quod quia bonum esse collegimus, oportet, rerum omnium finem bonum esse fateamur.

## M E T R V M X I.

*Quisquis profunda mente vestigat verum,  
Eupisque nullis ille deviis falli,  
In se revolvat intimi lucem visus,  
Longosque in orbem cogat inflectens motus,  
Animumque doceat quidquid extra molitur,  
Suis retrusum possidere thesauris.  
Dudum quod atra texit erroris nubes,  
Lucebit ipso perspicacius Phœbo.  
Non omne namque mente depulit lumen,  
Oblitosam corpus invehens molem.  
Hæret profecto semen intorsum veri,  
Quod excitatur ventilante doctrina.  
Nam currogas sponse recta censetis,  
Ni mersus alto virueret fomes corde?  
Quid si Platonis Musa personat verum.  
Quod quisque discit, inmemor recordatur.*

## P R O S A X I I.

T V M ego, Platoni, inquam, vehementer assentior: nam me horum jam secundo commemoras. Primum, quod memoriam

corporea contagione, dehinc cum mœroris mole pressus, amisi. Tum illa, si superiora, inquit, concessa respicias, ne illud quidem longius aberit, quin recoderis, quod te dudum nescire confessus es. Quid? inquam. Quibus, ait illa, gubernaculis mundus regatur. Memini, inquam, me inscitiam meam fuisse confessum: sed quid afferas, licet jam prospiciam, planius tamen ex te audire desidero. Mundum hunc, inquit, à Deo regi paulo ante minime dubitandum putabas. Ne nunc quidem arbitrator, inquam; nec unquam dubitandum putabo, quibusque in hoc rationibus accedam, breviter exponam. Mundus hic ex tam diversis contrariisque partibus in unam formam minime convenisset, nisi unus esset, qui tam diversa conjungeret; conjuncta vero naturarum ipsa diversitas, invicem discors, dissociaret, atque divelleret; nisi unus esset, qui quod nexuit, contineret. Non tam vero certus naturæ ordo procederet, nec tam dispositos motus, locis, temporibus, efficientia, spatiis, qualitatibus explicaret, nisi unus esset, qui has mutationum varietates manens ipse diserneret. Hoc quidquid est, quo condita manent, atque cogitantur, usitato cunctis vocabulo Deum nomino. Tum illa, cum hæc, inquit, ita sentias, parvam tibi restare operam puto, ut felicitatis compos, patriam sospes revisas: sed quæ proposuimus, intueamur. Nonne in beatitudine sufficientiam numeravimus, Deumq; beatitudinem

ipsam

ipsam esse concessimus? Ira quidem. Et ad mundum igitur, inquit, regendum nullis extrinsecus adminiculis indigebit: alioquin si quo egeat, plenam sufficientiam non habebit. Id, inquam, ita est necessarium. Per se igitur solum cuncta disponit. Negari, inquam, nequit. Atqui Deus ipsum bonum esse monstratus est. Memini, inquam, Per bonum igitur cuncta disponit: siquidem per se regit omnia, quem bonum esse concessimus; & hic est veluti quidam clavus atque gubernaculum, quo mundana machina stabilis atque incorrupta servatur. Vehementer assentior, inquam, & id te paullo ante dicturam, tenui licet suspicione, prospexi. Credo, inquit: jam enim, ut arbitror, vigilantius ad cernenda vera oculos deducis: sed quod dicam non minus ad contuendum patet. Quid? inquam. Cum Deus, inquit, omnia bonitatis clavo gubernare jure credatur, eademque omnia, sicuti docui, ad bonum naturali intentione festinent, num dubitari potest, quin voluntarie regantur, seque ad disponentis nutum, veluti convenientia, contempterataque rectori, sponte convertant. Ita, inquam, necesse est: nec beatum regimen esse videretur; si quidem detrectantium jugum foret, non obtemperantium salus. Nihil est igitur, quod naturam servans, Deo contraire conetur. Nihil, inquam. Quod si conetur, ait, num tandem proficiet quidquam adversus eum, quem jure beatitudinis potentissimum esse

concessimus? Prorsus, inquam, nihil valeret. Non est igitur aliquid, quod summo huic bono vel velit, vel possit obistere. Non, inquam, arbitror. Est igitur, inquit, summum bonum, quod regit cuncta fortiter, suaviterque disponit. Tum ego, quam, inquam, me non modo ea, quæ conclusa est, summa rationum, verum multo magis hæc ipsa verba, quibus uteris, delectant, ut tandem aliquando stultitiam magna latrantem sui pudeat. Accepisti, inquit, in fabulis lacessenteis cœlum Gigantes: sed illos quoque, uti condignum fuit, benigna fortitudo deposuit. Sed visne rationes ipsas invicem collidamus? forsitan ex huiusmodi consuetudine pulchra quædam veritatis scintilla dissiliet. Tuo, inquam, arbitrato. Deum, inquit, esse omnium potentem nemo dubitaverit. Qui quidem, inquam, mente consistat, nullus prorsus ambigat. Qui vero est, inquit, omnium potens, nihil est, quod ille non possit. Nihil, inquam. Num igitur Deus facere malum potest? Minime, inquam. Malum igitur, inquit, nihil est, cum id facere ille non possit, qui nihil non potest. Ludiſne, inquam, me, inextricabilem Labyrinthum rationibus texens, quo nunc quidem, qua egrediaris, introeas; nunc vero quo introieris, egrediare: an mirabilem quandam divinæ simplicitatis orbem complicas? Etenim paullo ante à beatitudine incipiens, eam summum bonum esse dicebas, quam in summo Deo sitam

loquebare:

loquebare : ipsum quoque Deum summum esse bonum , plenamque beatitudinem diserebas : ex quo neminem beatum fore , nisi qui pariter Deus esset , quasi inuincibilem dabas. Rursus ipsam boni formam , Dei , ac beatitudinis loquebaris esse substantiam : ipsumque unum id ipsum esse bonum dicebas , quod ab omni rerum natura peteretur : Deum quoque bonitatis gubernaculis universitatem regere disputabas , volentiaque cuncta parere , nec ullam mali esse naturam : atque hæc nullis extrinsecus sumptis , sed altero ex altero fidem trahente , insitis , domesticisque probationibus explicabas. Tum illa , minime , inquit , ludimus ; remque omnium maximam Dei munere , quem dudum deprecabamur , exegimus. Ea est enim divinæ forma substantiæ , ut neque in externa dilabatur , nec in se externum aliquod ipsa suscipiat : sed sicut de ea Parmenides ait : Πάντοθ' ἐν κύκλοις φέρεται ἀαλίχτων ὄγκων. Quod si rationes quoque non extra petitas , sed intra rei , quam tractabimus , ambitum collocatas agitavimus ; nihil est quod admirare , cum Platone sciante didiceris , cognatas , de quibus loquimur , rebus oportere esse sermones.

## M E T R V M X I I.

*Felix qui potuit boni  
Fontem visere lucidum :*

Felix, qui potuit gravis  
Terra solvere vincula.  
Quondam funera coniugis  
Vates Threicius gemens,  
Postquam flebilibus modis  
Silvas currere, mobileis  
Amneis stare coegerat,  
Iunxitque intrepidum latus  
Savit cerva leonibus,  
Nec visum timuit lepus  
Iam cantu placidum canem,  
Cum flagrantior insima  
Fervor pectoris ureret.  
Nec qui cuncta subegerant,  
Mulcerent dominum modi,  
Immiscis superos querens,  
Infernas adit domos.  
Illic blanda sonantibus  
Chordis carmina temperans,  
Quicquid præcipuis Dea  
Marris fontibus hauserat,  
Quod luctus dabat impotens,  
Quod luctum geminans amor  
Deflet, Tanara commovens,  
Et dolci veniam prece  
Umbrae dominos rogat.  
Stupet tergeminus novo  
Captus carmine ianitor,  
Qua fontes agitant mala  
Uirices scelerum dea,  
Iam mæsta lacrimis madent.  
Non Ixionium caput  
Velo præcipitat rota,  
Et longa site perditus

Spernit



Spernit flumina Tartalus.  
Vultur dum satur est modis,  
Non traxit Tityi jecur.  
Tandem, vincimur, arbiter  
Umbrarum miserans ait.  
Donemus comitem vivo  
Entam carmine conjugem:  
Sed lex dona coerceat,  
Ne, dum Tartara liquerit,  
Fas sit lumina flectere.  
Quis legem det amantibus?  
Major lex amor est sibi.  
Heu, nobis prope terminos  
Orpheum Eurydicen suam  
Vidit, perdidit, occidit.  
Pars hac fabula respicit,  
Quicumque in superum diem  
Mentem ducere quavis.  
Nam qui Tartareum in specus  
Victus lumina flexeris,  
Quicquid praeceperum trahit,  
Perdit, dum videt inferas.

## LIBER QVARTVS.

## PROSA I.

**H**ÆC cum Philosophia, dignitate vultus, & oris gravitate servata, leniter, suaviterque cecinisset, tum ego, non dum penitus insiti inœroris oblitus, intentionem dicere adhuc aliquid parantis abrupti. Et ô, inquam, veri prævia luminis, quæ usque adhuc tua fudit oratio, tum sui speculatione diviua, tum tuis rationibus invicta paruerunt; eaque mihi, etsi ob injuriæ dolorem nuper oblita, non tamen ante hac prorsus ignorata dixisti. Sed ea ipsa est vel maxima nostri causa inœroris, quod, cum rerum bonus rector existat, vel esse omnino mala possint, vel impunita prætereant. Quod solum quanta dignum sit admiratione, profecto considera. At huic aliud majus adjungitur: nam imperante, florenteque nequitia, virtus non solum præmiis caret, verum etiam sceleratorum pedibus subiecta calcatur, & in locum facinorum supplicia luit. Quæ fieri in regno scientis omnia, potentis omnia, sed bona tantummodo volentis Dei, nemo satis potest nec admirari, nec conqueri. Tum illa, & esset, inquit, infiniti stuporis, omnibusque horribilius monstris, si, uti tu existimas, in tanti velut patrisfamilias dispositissima domo, vilia vasa colerentur, pretiosa sordescerent: sed

non

non ita est. Nam si ea, quæ paullo ante conclusa sunt, inconvulsa servantur, ipso, de cuius nunc regno loquimur, auctore cognoscēs semper quidem potentes bonos esse, malos vero abjectos semper, atque imbecilleis; nec sine poena unquam esse vitia; nec sine præmio virtutes: bonis felicia, malis semper infortunata contingere, multaque id genus, quæ sopitis querelis firmate soliditate corroborarent. Et quoniam veræ formam beatitudinis me dudum monstrante vidisti, quo etiam sita sit agnovisti, decursis omnibus, quæ prætermittere necessarium, puto viam tibi, quæ te domum revehat, ostendam. Pennas etiam tuæ menti, quibus se in altum tollere possit, affigam, ut perturbatione depulsa, sospes in patriam, meo ductu, mea semita, meis etiam vehiculis revertaris.

## M E T R V M . I.

Sunt enim penna volucres mihi,  
 Quæ celsa conscendant poli:  
 Quas sibi cum velox vinctus induit,  
 Terras perosa despicit,  
 Aeris immensi superat globum,  
 Nubesque post tergum videt,  
 Quique agili motu calet ætheris,  
 Transcendit ignis verticem.  
 Donec in aëvisferas surgat domos,  
 Phæboque jungat vias.  
 Aut comiscetur iher, gelidi senis,  
 Miles corusci sideris,

Vel

Vel quocunque micans nox pingitur ,  
 Recurrat astri circulum.  
 Atque ubi jam exhausti fuerit sasis ,  
 Polum relinquat exitum ,  
 Dorsaque velocis premat atheris  
 Compos utrendi luminis.  
 Heic regum sceptrum dominus tenet ,  
 Orbisque habenas temperat ,  
 Et volucrum currum stabilis regit ,  
 Rerum coruscus artiter.  
 Huc te si reducem referat via ,  
 Quam nunc requiris immemor ,  
 Hæc dices, memini, patria est mihi ,  
 Hinc ortus heic sistam gradum.  
 Quod si terrarum placeat tibi  
 Noctem relictam visere ,  
 Quos miseri torvos populi timent ,  
 Cernes tyrannos exsules.

## PROSA II.

T V M ego, Papæ, inquam, ut magna  
 promittis! nec dubito quin possis effice-  
 re: tu modo quem excitaveris, ne mo-  
 reris. Primum igitur, inquit, bonis sem-  
 per adesse potentiam, malos cunctis vi-  
 ribus esse desertos, agnoscas licebit: quo-  
 rum quidem alterum demonstratur ex al-  
 tero. Nam cum bonum, malumque con-  
 traria sunt, si bonum potens esse constiterit,  
 liquet imbecillitas mali: at si fragilitas cla-  
 rescat mali, boni firmitas nota est. Sed uri  
 nostræ sententiæ fides abundantior sit, al-

terutro

terutro calle procedam, nunc hinc, nunc inde proposita confirmans. Duo sunt, quibus omnis humanorum actuum constat effectus; voluntas scilicet, ac potestas: quorum si alterutrum desit, nihil est quod explicari queat. Deficiente etenim voluntate, ne aggreditur quidem quisque quod non vult: at si potestas absit, voluntas frustra sit. Quo fit, ut si quem videas velle adipisci, quod minime adipiscatur, huic obtinendi quod voluerit, defuisse valentiam dubitare non possis. Perspicuum est, inquam, necullo modo negari potest. Quem vero effecisse, quod voluerit, videas num etiam potuisse dubitabis? Minime. Quod vero quisque potest, in eo validus; quod vero non potest, in hoc imbecillis esse censendus est. Fateor, inquam. Meministine igitur, inquit, superioribus rationibus esse collectum, intentionem omnem voluntatis humanæ, quæ diversis studiis agitur, ad beatitudinem festinare? Memini, inquam, id quoque esse demonstratum. Num recordaris beatitudinem ipsum esse bonum; eoque modo cum beatitudo petitur, ab omnibus desiderari bonum? Minime, inquam, recordor, quoniam id memoriæ fixum teneo. Omnes igitur homines boni pariter, ac mali, indiscreta intentione ad bonum pervenire nituntur: Ita, inquam, consequens est. Sed certum est, ad primum boni, bonos fieri. Certum. Adipiscuntur igitur boni, quod appetunt? Sic vi-

detur

detur. Mali vero si adipiscerentur, quod appetunt, bonum, mali esse non possent. Ita est. Cum igitur utrique bonum petant, sed hi quidem adipiscantur, illi vero minime; non dubium est, bonos quidem potentes esse; qui vero mali sunt, imbecilles. Quisquis, inquam, dubitat, nec rerum naturam, nec consequentiam potest considerare rationum. Rursus inquit: Si duo sint, quibus idem secundum naturam propositum sit, eorumque unus naturali officio idipsum agat, atque perficiat; alter vero naturale illud officium minime administrare queat, alio vero modo, quam naturæ convenit, non quidem impleat propositum suum, sed imitetur implentem; quemnam horum valentiorum esse decernis? Et si conjecto, inquam, quid velis, planius tamen audire desidero. Ambulandi, inquit, motum secundum naturam esse hominibus num negabis? Minime, inquam. Eiusque rei pedum officium esse naturale num dubitas? Ne hoc quidem, inquam. Si quis igitur pedibus incedere valens ambulet, aliusque, cui hoc naturale pedum dedit officium, manibus nitens, ambulare conetur, quis horum iure valentior existimari potest? Contexe, inquam, cætera: nam quin naturalis officii potens, eo, qui idem nequeat, valentior sit, nullus ambigit. Sed Summum, inquit, bonum, quod æque malis bonisque propositum est, boni quidem naturali officio virtutum petunt; mali vero variam

per

per  
uan  
tur  
me  
qui  
ran  
ess  
per  
len  
qu  
du  
co  
tic  
ne  
q  
li  
p  
r  
e  
c

per cupiditatem, quod adipiscendi boni naturale officium non est, id ipsum conatur adipisci. An tu aliter existimas? Minime, inquam; nam etiam, quod est consequens, patet. Ex his enim quæ concessam, bonos quidem potenteis, malos vero esse necesse est imbecilleis. Recte, inquit, percurris: idque, uti medici sperare solent, indicium est erectæ jam, resistentisque naturæ. Sed quoniam te ad intelligendum promtissimum esse conspicio, crebras coacervabo rationes. Vide enim quanta vitiosorum hominum pateat infirmitas, qui ne ad hoc quidem pervenire queunt, ad quod eos naturalis ducit, ac pæne compellit intentio. Et quid? si hoc tam magno, ac pæne invicto præeuntis naturæ defererentur auxilio? Considera vero quanta sceleratos homines habeat impotentia. Neque enim levia, ac ludicra præmia petunt, quæ consequi, atque obtinere non possunt: sed circa ipsam rerum summam, verticemque deficiunt, nec in eo miseris contigit effectus, quod solum dies, noctesque molliuntur: in qua re bonorum vires eminent. Sicut enim eum, qui pedibus incedens, ad eum locum usque pervenire potuisset, quo nihil ulterius pervium jaceret incellui, ambulandi potentissimum esse censeret: ita eum, qui expetendorum finem, quo nihil ultra est, apprehendit, potentissimum necesse esse iudices. Ex quo fit, quod huic objacet, ut iidem scelerati, iidem viribus omnibus videantur esse deserti. Cur

G

enim

enim relicta virtute vitia sectantur? insciantie bonorum? sed quid enervatius ignorantie cecitate? An sectanda noverunt? sed transversos eos libido præcipitat: sic quoque facit intemperantia fragiles, qui oblectari vitio nequeunt. An scientes, volentesque, bonum deserunt, ad vitia deflectunt? Sed hoc modo non solum potentis esse, sed omnino esse desinunt. Nam qui communem omnium, quæ sunt, finem relinquunt, pariter quoque esse desistunt. Quod quidem cuiuspiam mirum forte videatur, ut malos, qui plures hominum sunt, eosdem non esse dicamus: sed ita sese res habet. Nam qui mali sunt, eos malos esse non abnuo: sed eosdem esse pure, atque simpliciter, nego. Nam uti cadaver hominem mortuum dixeris, simpliciter vero hominem appellare non possis: ita vitiosos, malos quidem esse concesserim: sed esse absolute nequeam confiteri. Est enim quod ordinem retinet, servatque naturam: quod vero ab hac deficit, esse etiam, quod in sui natura situm est, derelinquit. Sed possunt, inquires, mali; nec ego quidem negaverim: sed hæc eorum potentia non à viribus, sed ab imbecillitate descendit. Possunt enim mala, quæ minime valerent, si in bonorum efficentia manere potuissent. Quæ possibilitas eos evidentius nihil posse, demonstrat. Nam si, uti paullo ante collegimus, malum nihil est, cum mala tantummodo possunt, nihil posse improbos liquet. Per-

spicuum



spicuum est. Atque ut intelligas, quænam  
 sit hujus potentia vis: summo bono nihil  
 potentius esse, paullo ante definivimus.  
 Ita est, inquam. Sed idem, inquit, ma-  
 lum facere nequit. Minime. Est igitur, in-  
 quit, aliquis, qui omnia posse homines pu-  
 teret? Nisi quis insaniat, nemo. Atqui, iidem  
 possunt mala. Utinam quidem, inquam, non  
 possent! Cum igitur bonorum tantummo-  
 do potens possit omnia; non vero queant  
 omnia potentes etiam malorum: eisdem,  
 qui mala possunt, minus posse manifestum  
 est. Huc accedit, quod omnem potentiam  
 inter expetenda numerandam, omniaque  
 expetenda referri ad bonum, velut ad  
 quoddam naturæ suæ cacumen, ostendimus.  
 Sed patrandi sceleris possibilitas referri ad  
 bonum non potest. Expetenda igitur non  
 est. Atqui omnis potentia expetenda est.  
 Liqueat igitur malorum possibilitatem non  
 esse potentiam. Ex quibus omnibus bono-  
 rum quidem potentia, malorum vero mi-  
 nime dubitabilis apparet infirmitas. Veram  
 illam Platonis esse sententiam liquet, So-  
 los, quod desiderant, facere posse sapien-  
 tes: improbos vero exercere quidem quod  
 libeat: quod vero desiderant, explere non  
 posse. Faciunt enim quælibet, dum per ea,  
 quibus delectantur, id bonum, quod desi-  
 derant, se adepturos putant: sed minime  
 adipiscuntur, quoniam ad beatitudinem  
 probra non veniunt.

## METRUM II.

Quos vides sedere cello  
 Solii culmine reges ,  
 Purpura claros nitente ,  
 Septos tristibus armis ,  
 Ore torvo comminantes ,  
 Rabie cordis anhelos ,  
 Detrahat si quis superbia  
 Vani regmina cultus ,  
 Iam videbit intus arctas  
 Dominas ferre catenas.  
 Hinc enim libido versat  
 Avidis corda venenis ;  
 Hinc flagellat ira mentem  
 Fluctus turbida rollens.  
 Mæror aut captos fatigat ,  
 Aut spes lubrica torquet.  
 Ergo, cum caput tot unum  
 Cernas ferre tyrannos ,  
 Non facit, quod optat, ipse  
 Dominis pressus iniquis.

## PROSA III.

VIDES ne igitur , quanto in cœno  
 probra volvantur , qua probitas luce re-  
 splendeat ? In quo perspicuum est , num-  
 quam bonis præmia , nunquam sua scele-  
 ribus deesse supplicia. Rerum enim quæ  
 geruntur , illud, propter quod unaquæque  
 res geritur , ejusdem rei præmium esse  
 non injuria videri potest : uti currenti in

stadio.

radio, propter quam curritur, jacet præmium corona. Sed beatitudinem esse idem ipsum bonum, propter quod omnia geruntur, ostendimus. Est igitur humanis a-  
tribus ipsum bonum, veluti præmium commune propositum. Atqui hoc à bonis non potest separari. Neq; enim bonus ultra jure vocabitur, qui careat bono: quare probos mores sua præmia non relinquunt. Quantumlibet igitur sæviant mali, sapienti tamen corona non decideret, non arefcet. Neque enim probis animis proprium decus aliena decerpit improbitas. Quod si extrinsecus accepto letaretur, poterat hoc vel alius quispiam, vel ille etiam, qui contulisset, auferre. Sed quoniam id sua cuique probitas confert, tum suo præmio carebit, cum probus esse deserit. Postremo cum omne præmium iccirco appetatur, quoniam bonum esse creditur, quis boni compotem, præmii judicet expertem? At cuius præmii? omnium pulcerrimi, maximique. Memento enim illius corollarii, quod paullo ante præcipuum dedi; ac sic collige: Cum ipsum bonum beatitudo sit, bonos omnes eo ipso quod boni sunt, fieri beatos liquet. Sed qui beati sunt, Deos esse convenit. Est igitur præmium bonorum, quod nullus deterat dies, nullius minuat potestas, nullius fuscet improbitas, Deos fieri. Quæ cum ita sunt, de malorum quoque inseparabili poena dubitare sapiens nequeat. Nam cum bonum malumque, item poena atque præmium adversa

fronte diffideant, quæ in boni præmio videmus accidere, eadem necesse est in mali poena contraria parte respondeant. Sicut igitur probis probitas ipsa fit præmium: ita improbis nequitia ipsa supplicium est. Iam vero quisquis afficitur poena, malo se affectum esse non dubitat. Si igitur sese ipsi existimari velint, possunt ne sibi supplicii expertes videri, quos omnium malorum extrema nequitia non afficit modo, verum etiam vehementer inficit? Vide autem ex adversa parte bonorum, quæ improbos poena comitetur. Omne namque quod fit, unum esse, ipsumque unum bonum esse paullo ante didicisti: cui consequens est, ut omne quod fit, id etiam bonum esse videatur. Hoc igitur modo, quid quid à bono deficit, esse deficit: quo fit, ut mali desinant esse quod fuerant. Sed fuisse homines adhuc ipsa humani corporis species ostendat. quare versi in malitiam, humanam quoque amittere naturam. Sed cum ultra homines quemque provehere sola probitas possit, necesse est, ut quos ab humana conditione dejecit, infra hominis meritum detrudat improbitas. Evenit igitur, ut quem transformatum vitii videas, hominem existimare non possis. Avaritia fervet alienarum opum violentus ereptor? similem lopi dixeris. Ferox, atque inquietus linguam litigii exercet? canis comparabis. Insidiator occultis surripuisse fraudibus gaudet? vulpeculis exaquetur. Iræ intemperans fremit? leonis

animum

animum gestare credatur. Pavidus ac fugax non metuenda formidat? cervis similis habeatur. Segnis, ac stupidus torpet? assiduum vivit. Levis ac inconstans studia permutat? nihil ab avibus differt. Foedis, immundisque libidinibus immergitur? sordidæ suis voluptate detinetur. Ita fit, ut qui, probitate deserta, homo esse desierit, cum in dividam conditionem transire non possit, vertatur in belluam.

## M E T R V M I I I.

*Vela Nevitii ducis,  
Et vagas pelago rates  
Eurus appulit insula,  
Pulcra qua residens dea  
Solis edita semine,  
Miscet hospitibus novæ  
Tacta carmine pocula.  
Quos ut in varios modos  
Vertit herlipotens manus:  
Hunc apræ facies tegit;  
Ille Marmaricus leo  
Dente crescit, & unguibus:  
Hic lupis super additus  
Flere dum parat, ululat:  
Ille, tigris ut Indica  
Tecta miis obambulat.  
Sed licet variis malis  
Numen Arcadis aliis  
Obsutum miserans ducem  
Pesse solverit hospitibus:  
Iam tamen mala remiges*

Ore pocula traxerant :  
 Iam sues Cerealia  
 Glande pabula verterant.  
 Et nihil manet integrum  
 Voce , corpore , perditis.  
 Sola mens stabilis , super  
 Monstra qua patitur , gemit.  
 O levem nimium manum ,  
 Nec potentia gramina ,  
 Membra qua valeant licet ,  
 Corda vertere non valent !  
 Intus est hominum vigor  
 Arce conditis abdita.  
 Hac venena potentius  
 Detrahunt hominem sibi  
 Dira , qua penitus meant ,  
 Nec nocentia corpori  
 Mentis vulnere feriunt.

## PROSA IV.

T V M ego , fateor , inquam , nec in-  
 juria dici video vitiosos , tamen si humani  
 corporis speciem servant , in belluas ta-  
 men animorum qualitate mutari. Sed quo-  
 rum atrox scelerataq; mens bonorum per-  
 nicie sævit , id ipsum eis licere noluissem.  
 Nec licet , inquit ; uti convenienti mon-  
 strabitur loco. sed tamen si id ipsum quod  
 eis licere creditur , auferatur , magna ex  
 parte sceleratorum hominum poena releva-  
 tur. Etenim , quod incredibile forte cui-  
 quam videatur , infeliciores esse necesse est  
 malos , cum cupita perfecerint , quam si ea  
 quæ cupiunt , implere non possint. Nam si

miserum

miserum est voluisse prava, potuisse miserius est, sine quo voluntatis miseræ langueret effectus. Itaque cum sua singulis miseria sit, triplici infortunio necesse est urgentur, quos videas scelus velle posse perficere. Accedo, inquam: sed uti hoc infortunio cito careant, patrandi sceleris possibilitate deserti, vehementer exopto. Carebunt, inquit, ocyus, quam vel tu forsitan velis, vel illi sese existiment esse carituros. Neque enim est aliquid in tam brevibus vitæ metis ita serum, quod expectare longum immortalis præsertim animis putet: quorum magna spes, & excelsa facinorum machina repentino atq; insperato sæpe sine destruitur. quod quidem illis miseræ modum statuit. Nam si nequitia miseros facit, miserior sit necesse est diuturnior nequam: quos infelicissimos esse judicarem, si non eorum malitiam saltem mors extrema finiret. Etenim si de pravitatis infortunio vera conclusimus, infinitam liquet esse miseriam, quam esse constat æternam. Tum ego, mira quidem, inquam, & concessu difficilis illatio: sed his ea, quæ prius concessa sunt, nimium convenire cognosco. Recte, inquit, existimas: sed qui conclusioni accedere durum putet, æquum est vel falsum aliquid præcessisse demonstret, vel collationem propositionum non esse efficacem necessaria conclusionis ostendat: alioquin concessis præcedentibus, nihil prorsus est, quod de illatione causeretur. Nam hoc quoque quod dicam, non minus mirum videatur,

sed ex his quæ sumpta sunt, æque est necessarium. Quid nam? inquam. Feliciores, inquit, esse improbos supplicia luentes, quam si eos nulla iustitiæ pœna coerceat. Neque id nunc molior, quod cuivis veniat in mentem, corrigi ultione pravos mores, & ad rectum supplicii terrore deduci, ceteris quoq; exemplum esse culpanda fugiendi: sed alio quodam modo infeliciores esse improbos arbitror impunitos, tametsi nulla ratio correctionis, nullus respectus habeatur exempli. Et quis erit, inquam, præter hos alius modus? Et illa, Bonos, inquit, esse felices, malos vero miseros nonne concessimus? Ita est, inquam. Si igitur, inquit, miseriæ cuiuspiam bonum aliquid addatur, nonne felicior est eo, cuius pura ac solitaria sine cuiusquam boni admistione miseria est? Sic, inquam, videtur. Quid si eidem misero, qui cunctis careat bonis, præter ea, quibus miser est, malum aliud fuerit annexum, nonne multo infelicior eo censendus est, cuius infortunium boni participatione relevatur? Quid oi? inquam. Habent igitur improbi, cum puniuntur, quidem boni aliquid annexum, pœnam ipsam scilicet, quæ ratione iustitiæ bona est: iidemque cum supplicio carent, inest eis aliquid ulterius mali. Ipsa impunitas, quam iniquitatis merito malum esse confessus es. Negare non possum. Multo igitur infeliciores improbi sunt injusta impunitate donati, quàm iusta ultione puniti. Sed puniri improbos iustum, im-

-punito



punitos vero elabi, iniquum esse manifestum est. Quis id neget? Sed ne illud quidem, ait, quisquam negabit, bonum esse omnem, quod iustum est: contraque quod iniustum est, malum liquet esse. Tum ego: Ista quidem consequentia sunt eis, quæ paullo ante conclusa sunt. Sed quæso, inquam, te, nullane animarum supplicia post defunctum morte corpus relinquis? Et magna quidem, inquit: quorum alia pœnali acerbitate, alia vero purgatoria clementia exerceri puto. Sed nunc de his differere consilium non est. Id vero hætenus egimus, ut, quæ indignissima tibi videbatur, malorum potestas, eam nullā esse cognosceres: quosque impunitos querebare. videres nunquam improbitatis suæ carere suppliciis. Licentiam quam cito finire precabaris, nec longam esse disceres: infeliciorēque fore, si diuturnior; infelicissimam vero, si esset æterna. Post hæc miseriōres esse improbos, iniusta impunitate dimissos, quam iusta ultione punitos. Cui sententiæ consequens est, ut tum demum gravioribus suppliciis urgeantur, cum impuniti esse creduntur. Tum ego, cum tuas, inquam, rationes considero, nihil dici verius puto. At si ad hominum iudicia revertar, quis ille est, cui hæc non credenda modo, sed saltem non audienda videantur? Ita est, inquit illa. Nequeunt enim oculos tenebris assuetos ad lucem perspicuę veritatis attollere: similesque avibus sunt, quarū intuitum nox illuminat, dies cæcat. dum enim non rerum or-

dinem,

dinem, sed suos intuentur affectus, vel licentiam, vel impunitatem scelerum putant esse felicem. Vide autem quid æterna lex sanciat. Melioribus animum si conformaveris, nihil opus est iudice præmium deferente: tu te ipse excellentioribus addidisti. Si studium ad peiora deflexeris, extra ne quaesieris ultorem; tu te ipse in deteriora detruxisti: veluti si vicibus sordidam humum, cœlumque respicias, cunctis extracessantibus, ipsa cernendi ratione nunc cœno, nunc sideribus interesse videaris. At vulgus ista non respicit. Quid igitur? his ne accedamus, quos belluis simileis esse monstravimus? Quid, si quis amisso penitus visu, ipsum etiam se habuisse oblivisceretur intuitum, nihilq; sibi ad humanam perfectionem deesse arbitraretur, num videntes eadem cæcos putaremus? Nam ne illud quidem acquiescent, quod æque validis rationum utitur firmamenti, infeliciores esse eos, qui faciunt, quam qui patiuntur injuriam. Vellem, inquam, has ipsas audire rationes. Omnem, inquit, improbum num supplicio dignum negas? Minime. Infelices vero esse, qui sunt improbi, multipliciter liquet. Ita est, inquam. Qui igitur supplicio digni sunt, miseros esse non dubitas? Convenit, inquam. Si igitur cognitor, ait, resideres, cui supplicium inferendum putares, eine qui fecisset, an qui pertulisset injuriam? Nec ambigo, inquam, quin perpeffo satisfacerem dolore facientis. Inferior igitur tibi injuriæ illator, quam

acceptior

acceptor esse videretur. Consequitur, inquam. Hinc igitur, aliisque de causis ea radice nitentibus, quod turpitudine suapte natura miseros faciat, apparet, illatam cuiuslibet injuriam non accipientis, sed inferentis esse miseriam. Atqui nunc, ait, contra faciunt oratores. pro his enim, qui grave quid, acerbumque perpassi sunt, miserationem judicum excitare conantur; cum magis admittentibus justior miseratio debeat: quos non ab iratis, sed à propitiis potius, miserantibusque accusatoribus ad iudicium, veluti ægros ad medicum duci oportebat, ut culpæ morbos supplicio ressecarent; quo pacto defensorum opera, vel tota frigeret, vel si prodesse hominibus mallet, in accusationis habitum verteretur. Ipsi quoque improbi, si eis aliqua rimula virtutem relictam fas esset adspicere, vitiorumque sordes poenarum cruciatibus se deposituros viderent, compensatione adipiscendæ probitatis, nec hos cruciatus esse ducerent, defensorumque operam repudiarent, ac se totos accusatoribus, iudicibusque permitterent. quo fit, ut apud sapientes nullus prorsus odio locus relinquatur. Nā bonos quis nisi stultissimus oderit? malos vero odisse ratione caret. Nam sicuti corporum languor, ita vitiositas quidam est quasi morbus animorum. Cum ægros corpore minime dignos odio, sed potius miseratione iudicemus, multo magis non insequendi, sed miserandi sunt, quorum mentes omni languore atrocior urget improbitas.

## METRVM IV.

Quid tantos iuvat excitare motus,  
 Et propria fatum sollicitare manu?  
 Si mortem petiti, propinquat ipsa  
 Sponte sua, volucris nec remoratur equos.  
 Quos serpens, leo, tigris, ursus, aper  
 Dente petunt, iidem se tamen ense petunt.  
 An distans quia, dissilensque mores,  
 Injustas acies, & fera bella movent,  
 Alternisque volunt perire telis?  
 Non est justa satis servitiæ ratio.  
 Vt aptam meritis vicem referre?  
 Dilige jure bonos, & miseresce malis.

## PROSA V.

HEIC ego, video, inquam, quæ sit  
 vel felicitas, vel miseria in ipsis proborum  
 atque improborum meritis constituta. Sed  
 in hac ipsa fortuna populari, non nihil bo-  
 ni, malive inesse perpendo. Neque enim  
 sapientum quisquam exsul, inops, igno-  
 miniosusque esse malit potius, quam pol-  
 lens opibus, honore reverendus, potentia  
 validus, in sua permanens urbe florere.  
 Sic enim clarius, testatiusque sapientiz  
 tractatur officium, cum in contingenteis  
 populos regentium quodam modo beati-  
 tudo transfunditur: cum præsertim car-  
 cer, nexus, ceteraque legalium tormenta  
 pœnarum perniciosius potius civibus, pro-  
 pter quos etiam constituta sunt, debean-

tur.

tur. Cur hæc igitur versa vice mutantur, scelernique supplicia bonos premant, præmia virtutum mali rapiant, vehementer admiror; quæque tam injustæ confusions ratio videatur, ex te scire desidero. Minus enim mirarer, si misceri omnia fortuitis casibus crederem. Nunc stuporem meum Deus rector exaggerat, qui cum sæpe bonis jucunda, malis aspera; contraque bonis dura tribuat, malis optata concedat; nisi causa deprehendatur, quid est quod à fortuitis casibus differre videatur? Nec mirum, inquit, si quid ordinis ignorata ratione temerarium, confusumque credatur. Sed tu quamvis causam tantæ dispositionis ignores, tamen quoniam bonus mundum rector temperat, recte fieri cuncta ne dubites.

M E T R V M V.

*Si quis Arcturi sidera nescit  
Propinqua summo cardine labi,  
Cur legat tardus plaustra Bootes,  
Mergatque seras aquore flamas;  
Cum nimis celeres explicet ortus.  
Legem stupebit ætheris alti.  
Palleant plena cornua Luna  
Infesta meris noctis opaca,  
Quaque fulgenti texerat ore  
Confusa Phœbe, detegat astræ.  
Commouet gentis publicus error,  
Lassantque crebris pulsibus æra,  
Nemo miratur flamina Cori*

*Liua*

*Litus frementi tundere fluctu,  
 Nec nivis duram frigore molem  
 Ferrenti Phæbi solvier astu.  
 Heic enim causas cernere promittum est;  
 Illic latentes pectora turbant  
 Cuncta, quæ rari provehit atas,  
 Stupetque subitis mobile vulgus.  
 Sedat inscitia nubilus error,  
 Cessent profecto mira videri.*

## PROSA VI.

**I T A** est, inquam. Sed cum tui muneris sit latentium rerum causas evolvere, velatasque caligine explicare rationes: quæso uti hinc decernas, & quoniam hoc me miraculum maxime perturbat, edisseras. Tum illa paullisper arridens, Ad rem me, inquit omnium quæsitum maximam vocas, cui vix exhausti quidquam satis sit. Talis namque materia est, ut una dubitatione succisa, innumerabiles aliæ, velut hydræ capita, succrescant: nec ullus fuerit modus, nisi quis eas vivacissimo mentis igne coerceat. In hac enim de providentiæ simplicitate, de fati serie, de repentinis casibus, de cognitione, ac prædestinatione divina, de arbitrii libertate quæri solet: quæ quanti oneris sunt, ipse perpendis. Sed quoniam hæc quoque te nosse, quædam medicinæ tuæ portio est, quamquam angusto limite temporis septi, tamen aliquid de liberare conabimur. Quod si te musici carminis oblectamenta delectant, hanc oportet

pauli.

paulisper differas voluptatem, dum nexas  
 tibi ordine contexo rationes. Vt libet, in-  
 quam. Tum velut ab alio orsa principio,  
 ita differuit. Omnium generatio rerum,  
 cunctusque mutabilium naturarum pro-  
 gressus, & quidquid aliquo movetur modo,  
 causas, ordinem, formas, ex divinæ men-  
 tis stabilitate fortitur. Hæc in suæ simpli-  
 citatis arce composita, multiplicem rebus  
 gerendis modum statuit: qui modus cum  
 in ipsa divinæ intelligentiæ puritate con-  
 spicitur, Providentia nominatur: cum ve-  
 ro ad ea quæ movet, atque disponit, refer-  
 tur, Fatum à veteribus appellatum est. Quæ  
 diversa esse, facile liquebit, si quis utrius-  
 que vim mente conspexerit. Nam provi-  
 dentia est illa ipsa divina ratio in summo  
 omnium principe constituta, quæ cuncta  
 disponit: fatum vero inhærens rebus mo-  
 bilibus dispositio, per quam providentia  
 suis quæque connectit ordinibus. Provi-  
 dentia namque cuncta pariter, quamvis di-  
 versa, quamvis infinita, complectitur:  
 fatum vero singula digerit in morum, lo-  
 cis, formis, ac temporibus distributa: ut hæc  
 temporalis ordinis explicatio, in divinæ  
 mentis adunata prospectu, providentia sit:  
 eadem vero adunatio digesta, atque expli-  
 cata temporibus, fatum vocetur. Quæ licet  
 diversa sint, alterum tamen pendet ex alte-  
 ro. Ordo namque fatalis ex providentiæ  
 simplicitate procedit. Sicut enim artifex  
 faciendæ rei formam mente percipiens,  
 movet operis effectum, & quod simpliciter,

H

præ.



præsentarieque prospexerat, per temporaleis ordines ducit: ita Deus providentia quidem singulariter, stabiliterque facienda disponit: fato vero hæc ipsa, quæ disposuit, multipliciter ac temporaliter administrat. Sive igitur, famulantibus quibusdam providentiæ divinis spiritibus, fatum exercetur, seu anima, seu tota inserviente natura, seu cælestibus siderum motibus, seu angelica virtute, seu dæmonum varia solertia, seu aliquibus horum, seu omnibus, fatalis series textitur: illud certe manifestum est, immobilem, simplicemque gerendarum formam rerum esse providentiam; fatum vero eorum, quæ divina simplicitas gerenda esse disposuit, mobilem nexum, atque ordinem temporalem. Quo fit, ut omnia quæ fato subsunt, providentiæ quoque subiecta sint: cui ipsum etiam subiacet fatum. Quædam vero, quæ sub providentia locata sunt, fati seriem superant. Ea vero sunt, quæ primæ propinqua divinitati stabiliter fixa, fatalis ordinem mobilitatis excedunt. Nam ut orbium circa eundem cardinem sese vertentium, qui est intimus, ad simplicitatem medietatis accedit, ceterorumque extra locatorum veluti cardo quidam, circa quem versentur, existit: extremus vero majore ambitu rotatus, quanto à puncti media individuitate discedit, tanto amplioribus spatiis explicatur: si quid vero illi se medio coniectat & societ, in simplicitatem cogitur, diffundique, ac diffuere cessat. Simili

ratio



ratione quod longius a prima mente discedit, maioribus fati nexibus implicatur, ac tanto aliquid fati liberum est, quanto illud rerum cardinem vicinius petit. Quod si supernæ mentis hæserit firmitati, motu carens, fati quoque supergreditur necessitatem. Igitur uti est ad intellectum rationatio; ad id quod est, id quod gignitur; ad æternitatem tempus; ad puncti medium circulus: Ita est fati series mobilis ad providentiæ stabilem simplicitatem. Ea series cælum ac sidera movet, elementa in se invicem temperat, & alterna commutatione transformat. Eadem nascentia, occidendiæque omnia per simileis feruum, seminumque renovat progressus. Hæc actus etiam, fortunaſque hominum indissolubili causarum connexionē constringit: quæ cum ab immobilis providentiæ proficiſcantur exordiis, ipsas quoque immutabileis necesse est esse. Ita enim res optime reguntur, si manens in divina mente simplicitas, indeclinabilem causarum ordinem promat: hic vero ordo res mutabileis, & alioquin temere fluituras propria incommutabilitate coerceat. Quo fit, ut tamenſi vobis hunc ordinem minime considerare valentibus, confusa omnia perturbataque videantur, nihilo minus tamen ſuis modis ad bonum dirigens cuncta disponat. Nihil est enim quod mali cauſa nec ab ipsis quidem improbis fiat: quos, ut uberrime demonstratum est, bonum quærentes pravus error avertit, ne diſi ordo de ſummi boni cardine

per temporis  
videntia quæ  
facienda diſ-  
e diſpoſitio  
admiranda.  
videntia per  
rum exar-  
viente ar-  
ribus, ſu-  
varia ſol-  
omnibus ſi  
emanatio  
ne gerenda  
videntia  
i ſimplicitate  
lem necesse  
Quo fit, ut  
ientia quæ  
tiam ſub  
æ ſub pro-  
m ſuperne  
ſpina diſ-  
is ordinem  
ut ceterum  
attentionem  
em mente  
et locum  
quem necesse  
ajore pro-  
etia inſi-  
ribus ſpe-  
ſe me diſ-  
em cogit  
it. Similiter

proficiscens, à suo quemquam desleat exordio. Quæ vero, inquires, potest ulla iniquior esse confusio, quam ut bonis tum adversa, tum prospera; malis etiam tum optata, tum odiosa contingant? Num igitur ea mentis integritate homines degunt, ut quos probos improbosve censuerint, eos quoque, uti existimant, esse necesse sit? Atqui in hoc hominum judicia depugnant, & quos alii præmio, alii supplicio dignos arbitrantur. Sed concedamus, ut aliquis possit bonos, malosve discernere. Num igitur poterit intueri illam intimam temperiem, veluti in corporibus dici solet, animorum? Non enim dissimile est miraculum nescienti; cur sanis corporibus, his quidem dulcia, illis vero amara conveniant. Cur ægri etiam quidam lenibus, quidam vero acerbis adjuvantur. At hoc medicus, qui sanitatis ipsius, atque ægritudinis modum temperamentumque dignoscit, minime miratur. Quid vero animorum aliud salus videtur esse, quam probitas? quid ægritudo, quam vitia? Quis autem alius vel servator bonorum, vel malorum depulsor, quam rector ac moderator mentium Deus? Qui, cum ex alta providentiæ specula respicit, quid unicuique conveniat, agnoscit, & quod convenire novit, accomodat. Hinc jam fit illud fatalis ordinis insigne miraculum, cum à sciente geritur, quod stupeant ignorantes. Nam ut pauca, quæ ratio vallet humana, de divina profunditate perstringam, de hoc, quem tu iustissimum,

&amp; æqui

& æqui servantissimum putas, omnia scienti providentiæ diversum videtur. Et victricem quidem causam diis, victam vero Catoni placuisse familiaris noster Lucanus admonuit. Hic igitur quidquid citra spem videas geri, rebus quidem rectus ordo est: opinioni vero tuæ perversa confusio. Sed sit aliquis ita bene moratus, ut de eo divinum iudicium pariter, humanumque consentiat: sed est animi viribus infirmus: cui si quid eveniat adversi, desinet colere forsitan innocentiam, per quam non potuit retinere fortunam. Parcit itaque sapiens dispensatio ei, quem deteriore facere possit adversitas, ne cui non convenit laborare, patiatur. Est aliis cunctis virtutibus absolutus, sanctusq;, ac Deo proximus: hunc contingi quibuslibet adversis nefas providentia iudicat; adeo, ut ne corporis quidem morbis agitari sinat. Nam ut quidam me quoque excellentior ait, *Αἰδρὸς ἰσπῆσῶμεν δυνάμεις διαδομῆσι*. Fit autem sæpe, uti bonis summa rerum gerenda deferatur, ut exuberans retundatur improbitas. Aliis multa quædam pro animorum qualitate distribuit: quosdam remordet; ne longa felicitate luxurient; alios duris agitari sinit ut virtutes animi patientiæ usu, atque exercitatione confirmant. Alii plus æquo metuunt, quod ferre possunt: alii plus æquo despiciunt, quod ferre non possunt: hos, in experimentum sui, tristibus ducit. Nonnulli venerandum sæculi nomen gloriøsæ precio mortis eme-

runt. Quidam suppliciis inexpugnabiles exemplum cæteris prætulērunt, invictam malis esse virtutem; quæ quam recte atque disposite, & ex eorum bono, quibus accidere videntur, fiant, nulla dubitatio est. Nam illud quoque, quod improbis nunc tristitia, nunc optata proveniunt, ex eisdem ducitur causis. Ac de tristibus quidem nemo miratur, quod eos male meritos omnes existimant; quorum quidem supplicia, tum ceteros ab sceleribus deterrent; tum ipsos, quibus invehuntur, emendant; læta vero magnum bonis argumentum loquuntur, quid de huiusmodi felicitate debeant iudicare, quam famulari sæpe improbis cernant. In qua re illud etiam dispensari credo, quod est forsitan alicujus tam præceps atque importuna natura, ut eum in scelera potius exacerbare possit rei familiaris inopia; hujus morbo providentia collatæ pecuniæ remedio medetur. Hic foedatam probis conscientiam spectans, & secum fortunam suam comparans, forsitan pertimescit, ne rei, cujus jucundus usus est, sit tristis amissio. Mutabit igitur mores, ac dum fortunam metuit amittere, nequitiam derelinquit. Alios in cladem meritam præcipitavit indigne aucta felicitas. Quibusdam permissum puniendi jus, ut exercitii bonis, & malis esset causa supplicii. Nam ut probis atque improbis nullum foedus est, ita ipsi inter se improbi nequeunt convenire. Quid nisi cum à semetipsis, disceptantibus conscien-

tiam

tiam vitis, quique dissenciant, faciantque  
 sæpe, quæ cum gesserint, non fuisse geren-  
 da decernant: Ex quo sæpe summa illa  
 providentia protulit insigne miraculum, ut  
 malos mali bonos facerent. Nam dum ini-  
 qua sibi à pessimis quidam perpeti viden-  
 tur, noxiorum odio flagrant ad virtutis  
 frugem rediere, dum se eis dissimileis stu-  
 dent esse, quos oderant. Sola est enim divina  
 vis, cui mala quocq; bona sint, cum eis com-  
 petenter utendo, alicujus boni elicit ef-  
 fectum. Ordo enim quidam cuncta com-  
 plectitur, ut quod ab assignata ordinis ra-  
 tione discesserit, hoc idem licet in alium,  
 tamen in ordinem relabatur, ne quid in re-  
 gno providentiæ liceat temeritati. Απρὸς  
 αὐτὸν δ' ἰμὲς τὰ πάντα θεῶν ὡς πᾶν ἄγροισιν.  
 n que enim fas est homini cunctas divini  
 operis machinas vel ingenio comprehende-  
 re, vel explicare sermone. Hoc tantum  
 prospexisse sufficiat, quod naturam om-  
 nium proditor Deus idem ad bonum diri-  
 gens cuncta disponat: dumque ea quæ pro-  
 tulit, in sui similitudinem retinere festinat,  
 malum omne de reipublicæ suæ terminis  
 per fatalis seriem necessitatis eliminat. Quo  
 fit, ut quæ in terris abundare creduntur, si  
 disponentem providentiam spectes, nihil  
 usquam mali esse perpendas. Sed video jam  
 dudum te & pondere questionis oneratum,  
 & rationis prolixitate fatigatum, aliquam  
 carminis exspectare dulcedinem. Accipe  
 igitur haustum, quo refectus, firmior in ul-  
 teriora contendas.

## METRUM VI.

Si vis celsi iura tonantis  
 Pura sollers cernere mente,  
 Adspice summi culmina caeli.  
 Illic iusto foedere rerum  
 Veterem servant sidera pacem.  
 Non sol rutilo concitus igne  
 Gelidum Phœbus impedit axem.  
 Nec qua summo vertice mundi  
 Flebit rapidos Vrsa meatus,  
 Numquam occiduo lota profundo,  
 Cetera cernens sidera mergi,  
 Cupit Oceano tingere flamas.  
 Semper vicibus temporis aquis  
 Vesper seras nunciat umbras,  
 Revehisque diem Lucifer alnum,  
 Sic æternos reficit cursus  
 Alternus amor : sic astrigeris  
 Bellum discors exulat oris.  
 Hac concordia temperat aquis  
 Elementa modis, ut pugnantia  
 Vicibus cedant humida sicci.  
 Iungantque fidem frigora flammis,  
 Pendulus ignis surgat in altum,  
 Terraque gravet pondere fidant.  
 Hisdem caussis vere tepenti  
 Spirat florifer annus odores,  
 Æstas Cererem fervida siccas.  
 Remeat pomis gravis autumnus,  
 Hiemem defluus irrigat imber.  
 Hac temperies alit. ac profert  
 Quidquid vitam spirat in orbe :

Eadem

# Q V A R T V S.

Eadem rapiens condit, & aufert,  
Obitu mergens orta supremo.  
Sedet interea conditor altus,  
Rerumque regens stetit habenas.  
Rex & dominus, fons & origo,  
Lex, & sapiens arbiter equi,  
Et quæ motu concitat ire,  
Sistit retrahens, ac vaga firmat.  
Nam nisi rectos revocans itus,  
Flexos iterum cogat in orbis,  
Quæ nunc stabilis continet ordo;  
Dissepta suo fonte fatiscant.  
Hic est cunctis communis amor,  
Reperiuntque boni sine teneri.  
Quia non aliter durare queant;  
Nisi converso rursus amore  
Resistant causæ, quæ dedit esse.

## P R O S A V I I.

I A M N E igitur vides, quid hæc omnia, quæ diximus, consequatur? Quid nam? inquam. Omnem, inquit, bonam prorsus esse fortunam. Et qui, inquam, fieri potest? Attende, inquit, cum omnis fortuna vel jucunda, vel aspera, tum remunerandi, exercendive bonos, tum puniendi, corrigendique improbos causâ deferatur, patet quod omnis bona est, quam vel justam constat esse, vel utilem. Nimis quidem, inquam, vera ratio: & si quam paulo ante docuisti providentiam, fatumve considerê, firmis viribus est nixa sententia. Sed eam, si placet, inter eas quas inopinabi-



leis paullo ante posuisti, numeremus. Quid? inquit: quia id nominum sermo communis usurpat, & quidem crebro, quorundam malam esse fortunam. Visne igitur, inquit, paulisper vulgi sermonibus accedamus, ne nimium velut ab humanitatis usu recessisse videamur? Ut placet, inquam. Nonne igitur bonum censes esse, quod prodest? Ita est, inquam. Quæ vero aut exercet, aut corrigit, prodest? Fateor, inquam. Buona igitur? Quid ni? Sed hæc eorum est, qui vel in virtute positi, contra aspera bellum gerunt, vel à vitiis declinantes, virtutis iter arripiunt. Negare, inquam, nequeo. Quid vero iucunda, quæ in præmium tribuitur bonis, num vulgus malam esse decernit? nequaquam, verum uti est, ita quoque esse optimam censet. Quid reliqua, quæ cum sit aspera, & iusto supplicio malos coerceat, num bonam populus putat? Immo omnium, inquam, quæ excogitari possunt, iudicat esse miserrimam. Vide igitur, ne opinionem populi sequentes quiddam valde inopiabile confecerimus. Quid? inquam. Ex his enim, ait, quæ concessa sunt, evenit eorum quidem, qui sunt vel in possessione, vel in profectu, vel in adoptione virtutis, omnem, quæcumque sit, bonam, in improbitate vero manentibus, pessimam esse fortunam. Hoc, inquam, verum est, tamen si nemo audeat confiteri. Quare, inquit, ita vir sapiens moleste ferre non debet, quoties in fortunæ certamen adducitur: ut virum fortem non decet indi-

gnari.



gnari, quoties increpuit bellicus tumultus.  
Verique enim, huic quidem gloriae propa-  
gandæ, illi vero confirmandæ sapientiæ  
difficultas ipsa, materia est. Ex quo etiam  
virtus vocatur, quod suis viribus nitens  
non superetur adversis. Neque enim etiam  
profectu positi virtutis. Neque viribus nitens  
emarcescere voluptate venistis: sed prælium  
cum omni fortuna nimis acre delictis, &  
vos aut tristis opprimat, aut consertis. ne  
rumpat, firmis medium viribus occupate.  
Quidquid autem infra subsistit, aut ultra  
progreditur, habet contentum felicitatis.  
non habet præmium laboris. In vestra est  
enim situm manu, qualem vobis fortunam  
formare malitis. Omnis enim, quæ videtur  
aspera, aut exercet, aut corrigit, aut punit.

M E T R V M V I I.

Bella bis quinis operatus annis  
Ulior Atreides, Phrygia ruina  
Fractis amissos thalamos piavit.  
Ille dum Grajadare vela classi  
Opas, & ventos redimit cruore,  
Exiit patrem, miserumque tristis  
Foderat gnatae jugulum sacerdos.  
Flevit amissos Ithacus sodales,  
Quos ferus, vasto recubans in univo,  
Diserit immani Polyphemus alvo.  
Sed tamen caco furibundus ore,  
Gaudium mastis lacrymis rependit.  
Herculem duri celebrant labores:  
Ille Centauros domuit superbos,

Absta.

Abstulit seruo spoliū leoni,  
 Fixit & certis volucres sagittis :  
 Poma cernenii rapuit draconī,  
 Aureo lava gravior metallo :  
 Cerberum traxit triplici catena.  
 Victor immitem posuisse feriur  
 Pabulum favis dominū quadrigis.  
 Hydra combusto periit veneno ;  
 Fronte turbatus Achelous amnis ,  
 Ora demersit pudibunda ripis ;  
 Stravit Anteum Lybicis arenis ,  
 Cacus Evandri satiavit iras ,  
 Quosque pressurus foret altus orbis  
 Seriger spumū humeros notavit.  
 Ultimus calum labor irreflexo  
 Sustulit collo , pretiumque rursus  
 Ultimi calum meruit laboris.  
 Ite nunc fortes , ubi celsa magni  
 Ducit exempli via : cur inertes  
 Terga nudatis ? superata tellus  
 Sidera donat.



LIBER QUINTVS.  
PROSA I.

**D**IXERAT, orationisque cursum ad alia quædam tractanda, & expedienda vertebat. Tum ego, expecta quidem, inquam, exhortatio, recta prorsus auctoritate dignissima. Sed quod tu dudum de providentia quæstionem pluribus aliis implicitam esse dixisti, re ex-no, & quidnam esse casum arbitrere. Tum illa, festino, inquit, debitum promissionis absolvere; viamque tibi, qua patriam reveharis, aperire. Hæc autem etsi perutilia cognitu, tamen à propositi nostri tramite paullisper averfa sunt, verendumque est, ne devius fatigatus, ad emetiendum rectum iter sufficere non possis. Ne id, inquam, prorsus vereare. Nam quietis mihi loco fuerit ea, quibus maxime delector, agnoscere. simul cum omne disputationis ruelatus indubitata fide constiterit, nihil de sequentibus ambigitur. Tum illa, morem, inquit, geram tibi; simulque sic exorsa: Siquidem, inquit, aliquis eventum temerario motu, nullaque caussarum connexioneproductum, casum esse definiat, nihil omnino casum esse confirmo, & præter subjectæ rei significationem inanem prorsus vocem esse decerno. Quis enim, coercente in ordinem cuncta Deo, locus esse ul-

lus temeritati reliquus potest? Nam nihil ex nihilo existere, vera sententia est: cui nemo umquam veterum refragatus est: quamquā id illi non de operante principio, sed de materiali subiecto, hoc est, de natura omnium rationum, quasi quoddam jecerint fundamentum. At si nullis ex causis aliquid oriatur, id de nihilo ortum esse videbitur. Quod si hoc fieri nequit, nec casum quidem hujusmodi esse possibile est, qualem paullo antedissolvimus. Quid igitur? inquam, nihilne est, quod vel casus, vel fortuitum jure appellari queat? An est aliquid, tamen si vulgus lateat, cui vocabula illa convenient? Aristoteles meus id, inquit, in Physicis & brevi & veri propinquā ratione definivit. Quonam, inquam, modo? Quoties, ait, aliquid cujuspiam rei gratia geritur, aliudque quibusdam de causis, quam, quod intendebatur, obtingit, casus vocatur: ut si quis colendi agri causa fodiens humum, defossi auri pondus inveniat. Hoc igitur fortuito quidem creditur accidisse: verum non de nihilo est. nam proprias causas habet: quarum impronius inopinatusque concursus casum videtur operatus. Nam nisi cultor agri humum foderet, nisi eo loco pecuniam suam depositor obruisset, aurum non esset inventum. Hæ sunt igitur fortuiti causæ compendii, quod ex obviis sibi, & confluentibus causis, non ex gerentis intentione provenit. Neque enim, vel qui aurum obruit, vel qui agrum exercuit, ut ea pecunia reperiretur,

inten-

intendit: sed, uti dixi, quod ille obruit,  
hunc fodisse convenit, atque concurrat. Li-  
cet igitur definire casum esse inopinatum,  
ex confluentibus causis, in his, quæ ob a-  
liquid geruntur, eventum. Concurrere ve-  
ro, atque confluere causas facit ordo ille  
inevitabili connexionem procedens, qui de  
providentiæ fonte descendens, cuncta suis  
locis temporibusque disponit.

## M E T R V M I.

*Rupis Achamenia scopulis, ubi versa se-  
quentium*

*Pestoribus figit spicula pugna fugax,  
Tigris & Euphrates uno se fonte resolvunt,*

*Et mox abjunctis dissociantur aquis.  
Si coeant, cursumque iterum revocentur in  
unum,*

*Confluat alterni quod irahit unda vadi:  
Convenient puppes, & vultu flumine trunci,*

*Mistaque fortuitos implicet unda modos:  
Quostamen ipsa vagos terra declivia casus,  
Gurgitis & lapsi deflatus ordo regit.*

*Sic, quæ permissis fluitare videtur habentis,  
Fors, patitur fœnos, ipsaque lege meat.*

## P R O S A I I.

ANIMADVERTO, inquam, id-  
que uti tu dicis, ita esse consentio. Sed in  
hac hærentium sibi serie causarum, estne  
ulla nostri arbitrii libertas, an ipsos quo-  
que humanorum motus animorum fa-

talis



talis catena constringit? Est, inquit. Ne-  
 que enim fuerit ulla rationalis natura,  
 quin eidem libertas adsit arbitrii. Nam  
 quod ratione uti naturaliter potest, id ha-  
 bet iudicium, quo quodque discernat per  
 se: igitur fugienda, optandave dignoscit.  
 Quod vero quis optandum iudicat esse, pe-  
 tit: refugit vero, quod existimat esse fu-  
 giendum. Quare quibus inest ratio, ipsis et-  
 iam inest volendi, nolendique libertas. Sed  
 hanc non in omnibus æquam esse consti-  
 tuo. Nam supernis, divinisque substantiis  
 & perspicax iudicium, & incorrupta vo-  
 luntas, & efficax operatorum præsto est po-  
 testas. Humanas vero animas liberiores  
 quidem esse necesse est, cum se in mentis  
 divinæ speculatione conservant: minus ve-  
 ro, cum dilabuntur ad corpora, minusque  
 etiam, cum terrenis artibus colligantur.  
 Extrema vero est servitus, cum vitiis dedi-  
 tæ, rationis propriæ possessione ceciderint.  
 Nam ubi oculos à summæ luce veritatis ad  
 inferiora, & tenebrosa dejecerint, mox  
 inscitæ nubecaligaht, perniciosis turban-  
 tur affectibus; quibus accedendo, consen-  
 tiendoque, quam invexere sibi, adjuvant  
 servitutem, & sunt quodam modo pro-  
 pria libertate captiva. Quæ tamen ille,  
 ab æterno cuncta prospiciens, providen-  
 tiæ cernit intuitus, & suis quæque meritis  
 prædestinata disponit, πᾶν ἐφ' ἑαυτὸν καὶ  
 πάντ' ἐπ' αὐτὸν.

puro clarum lumine Phœbum  
 Melliflui carit oris Homerus:  
 Qui tamen intima viscera terre  
 Non valet, aut pelagi, radiorum  
 Infirma perumpere luce.  
 Haud sic magni conditor orbis:  
 Huic ex alto cuncta tueni  
 Nulla terra mole resistunt;  
 Non nox atris nubibus obstat.  
 Vno mentis cernit in istu  
 Quæ sint, quæ fuerint, veniantque.  
 Quem, quia respicit omnia solus,  
 Verum possis dicere Solem.

## P R O S A I I I.

T V M ego, en, inquam, difficiliori  
 rursus ambiguitate confundor. Quanam,  
 inquit, ista est? Iam enim, quibus pertur-  
 bare, conjecto. Nimum, inquam, adversari,  
 ac repugnare videtur, prænoscere universa  
 Deum, & esse ullum libertatis arbitrium.  
 Nam si cuncta prospicit Deus, neque falli  
 ullo modo potest, evenire necesse est, quod  
 providentia futurum esse præviderit. Qua-  
 re si ab æterno non facta hominum mo-  
 do, sed etiam consilia, voluntatesque præ-  
 noscit, nulla erit arbitrii libertas: neque  
 enim vel factum aliud ullum, vel quæ-  
 libet existere poterit voluntas, nisi quam  
 nescia falli providentia divina præfense-

rit. Nam si res aliorum, quam provisæ sunt, detorqueri valent, non jam erit futuri firma præscientia : sed opinio potius incerta : quod de Deo nefas credere iudico. Neque enim illam probationem, qua se quidam credunt hunc quæstionis modum posse dissolvere. Ajunt enim non ideo quid esse eventurum, quoniam id providentia futurum esse prospexerit : sed e contrario potius, quoniam quid futurum est, id divinam providentiam latere non possit : eoque modo necessarium est, hoc in contrariam relabi partem. Neque enim necesse est contingere, quæ providentur : sed necesse est, quæ futura sunt, provideri. Quasi vero, quæ cujusque rei causa sit, præscientiane futurorum necessitatis, an futurorum necessitas providentiæ laboretur. At nos illud demonstrare nitamur, quoquo modo sese habeat ordo causarum, necessarium esse eventum præscitarum rerum, etiamsi præscientia futuris rebus eveniendi necessitatem non videatur inferre. Etenim si quispiam sedeat, opinionem quæ eum sedere conjectat, veram esse necesse est : at è converso rursus, si de quopiam vera sit opinio, quoniam sedet, eum sedere necesse est. In utroque igitur necessitas inest : in hoc quidem sedendi, at vero in altero veritatis. Sed non ideo quisque sedet, quoniam vera est opinio : sed hæc potius vera est, quoniam quempiam sedere præcessit. Ita cum causa veritatis ex altera parte procedat, inest tamen communis in

utraque



utraq; necessitas. Similia de providentia, futurisq; rebus ratiocinari oportet. Nam etiam si iccirco, quoniam futura sunt, providentur; non vero ideo, quoniam providentur, eveniunt: nibilo minus tamen à Deo vel ventura provideri, vel provisa evenire necessaria est: quod ad perimendam arbitrii libertatem solum satis est. Iam vero quam præposterum est, ut æternæ præscientiæ temporalium rerum eventus causa esse dicatur? Quid est autem aliud esse ideo Deum futura, quoniam sunt arbitrari, providere, quam putare quæ olim acciderunt, causam summæ illius esse providentiæ? Adhæc, sicuti, cum quid esse scio, id ipsum esse necesse est: ita cum quid futurum novi, id ipsum futurum esse necesse est. Sic fit igitur, ut eventus præscitæ rei nequeat evitari. Postremo si quid aliquis aliorum, atque sese res habet, existimet, id non modo scientia non est, sed est opinio fallax, à scientiæ veritate longe diversa. Quare si quid ita futurum est, ut ejus certus, ac necessarius non sit eventus, id eventurum esse præsciri qui poterit? Sicut enim scientia ipsa impermixta est fallitati: ita id quod ab ea concipitur, esse aliter, atque concipitur, nequit. Ea namque causa est, cur mendacio scientia careat, quod se ita rem quamque habere necesse est, uti eam sese habere scientia comprehendit. Quid igitur? Quonam modo Deus hæc incerta futura prænoscit? Nam si inevitabiliter eventura censet, quæ etiam non evenire possibile est; fal-

litur : quod sentire non modo nefas est ,  
sed etiam voce proferre. At si , uti sunt ,  
ita ea futura esse decernit , ut æque vel fieri  
ea , vel non fieri posse cognoscat ; quæ est  
hæc præscientia , quæ nihil certum , nihil  
stabile comprehendit ? Aut quid hoc re-  
fert vaticinio illo ridiculo Tiresiæ ? *Quid-  
quid dicam , aut erit , aut non.* Quid etiam di-  
vina providentia humana opinione præ-  
stiterit , si , uti homines , incerta judicat ,  
quorum est incertus eventus ? Quod si apud  
illum rerum omnium certissimum fontem  
nihil incerti esse potest , certus eorum est  
eventus , quæ futura firmiter ille præscie-  
rit. Quare nulla est humanis consiliis , actio-  
nibusque libertas : quas divina mens sine  
fallitatis errore cuncta prospiciens , ad  
unum alligat & constringit eventum. Quo  
semel recepto , quantus occasus humana-  
rum rerum consequatur , liquet. Frustra  
enim bovis , mali : quæ præmia , poenæ ve  
proponuntur , quæ nullus meruit liber ac  
voluntarius motus animorum. idque o-  
mnium videbitur iniquissimum , quod nuuc  
æquissimum judicatur , vel puniri impro-  
bos , vel remunerari probos : quos ad alter-  
utrum non propria mittit voluntas , sed  
futuri cogit certa necessitas. Nec vitia igitur ,  
nec virtutes quidquam fuerint , sed  
omnium meritorum potius mista atque  
indiscreta confusio. Quoque nihil scelera-  
tius excogitari potest , cum ex providentia  
rerum omnis ordo ducatur , nihilque con-  
siliis liceat humanis , sit , ut vitia quæque

nostra

nostra ad bonorum omnium referantur auctorem. Igitur nec sperandi aliquid nec deprecandi ulla ratio est. Quid enim vel speret quisquam, vel etiam deprecetur, quando optanda omnia series inflexa connectit? Auferetur igitur unicum illud inter homines Deumque commercium, sperandi scilicet, ac deprecandi. Siquidem iustæ humilitatis pretio inestimabilem vicem divinæ gratiæ promeremur: qui solus modus est, quo cum Deo colloqui homines posse videantur, illique inaccessæ luci prius quoque quam impetrent, ipsa supplicandi ratione coniungi: quæ si recepta futurorum necessitate, nihil virium habere credantur, quid erit, quo summo illi rerum principi connecti, atque adherere possimus? Quare necesse erit humanum genus, uti paullo ante cantabas, disseptum, atque disjunctum suo fonte fatiscere.

## M E T R V M I I I.

*Quæ nam discors fœdera verum  
Causa resolvit? quis tanta Deus  
Veris statuit bella duobus,  
Ut quæ carptim singula consent,  
Eadem nolint mista iugari?  
An nulla est discordia veris,  
Semperque sibi certa coherens?  
Sed mens, cæcis obruta membris,  
Nequit oppressi luminis igne  
Rerum tenuis noscere nexus.  
Sed cur tanto flagras amore*

*Veri rectas reperire notas ?  
 Scitne, quod appetit anxia nosse ?  
 Sed quid nota vescire laborat ?  
 Et si nescit, quid caca petiit ?  
 Quis enim quidquam nescius optet ?  
 Aut quis valeat nescita sequi ?  
 Quove inveniat, quisve repertam  
 Queat ignarus noscere formam ?  
 An cum mentem cerneret altam,  
 Pariter summam & singula norat ?  
 Nunc membrorum condita nube,  
 Non in totum est oblita sui,  
 Summamque tenet singula perdens.  
 Igitur quisquis vera requirit,  
 Neutro est habitu. nam neque novit,  
 Nec penitus tamen omnia nescit :  
 Sed, quam retinens meminit, summam  
 Consultat, alie visa retractans,  
 Ut servatis queat oblitus  
 Addere partem.*

## PROSA IV.

TV Milla, Vetus, inquit, hæc est de  
 providentia querela, à M. Tullio, cum di-  
 vinationem distribuit, vehementer agita-  
 ta, tibi que ipsi res diu prorsus, multumque  
 quæsitæ : sed haud quaquam ab ullo ve-  
 strum hætenus satis diligenter ac firmiter  
 expedita. Cujus caliginis causa est, quod  
 humanæ rationationis motus ad divinæ  
 præscientiæ simplicitatem non potest ad-  
 moveri : quæ si ullo modo cogitari queat,  
 nihil prorsus relinquetur ambigui : quod

num patefacere, atque expedire ten-  
 , si prius ea quibus moveris, expedie-  
 uero enim, cur illam solventium ra-  
 m minus efficacem putes: quæ quia  
 cientiam non esse futuris rebus causæ  
 necessitatis existimat, nihil impediri  
 cientia arbitrii libertatem putat. Num  
 tu aliunde argumentum futurorum  
 scitatis trahis, nisi quod ea quæ præ-  
 atur, non evenire non possunt? Si igitur  
 prænotio nullam futuris rebus adjicit  
 scitatem, quod tu etiam paullo ante  
 bare; quid est, quod voluntarii exitus  
 m ad certum cogantur eventum? Et  
 n positionis gratia, ut quid consequatur  
 ertas, statuamus nullam esse præscien-  
 n. Num igitur, quantum ad hoc attinet,  
 e ex arbitrio eveniunt, ad necessitatem  
 untur? Minime. Statuamus iterum esse,  
 nihil rebus necessitatis injungere; ma-  
 ult, ut opinor, eadem voluntatis integra  
 ue absoluta libertas. Sed præscientia,  
 quies, tamen si futuris eveniendi neces-  
 is non est, signum tamen est, necessario ea  
 e ventura. Hoc igitur modo, etiā si præ-  
 gnitio non fuisset, necessarios futurorum  
 itus esse constaret. Omne etenim signum,  
 atum quid sit, ostendit, non vero efficit  
 od designat. Quare demonstrandum  
 ius est, nihil non ex necessitate contingere,  
 , ut prænotationem signum esse hujus ne-  
 scitatis appareat. Alioquin si hæc nulla  
 t, nec illa quidem ejus rei signum poterit  
 le, quæ non est. Iam vero probationem,

firmaratione subnixam constat, non ex signis, neque peritis extrinsecus argumentis, sed ex convenientibus, necessariisque causis esse ducendam. Sed qui fieri potest, ut ea non proveniant, quæ futura esse providentur? Quasi vero nos ea, quæ providentia futura esse prænoscit, non eventura credamus: ac non illud potius arbitremur, licet eveniant, nihil tamen ut evenirent, sui natura necessitatis habuisse: quod hinc facile perpendas licebit. Plura etenim dum sunt, subiecta oculis intuemur: ut ea, quæ in quadrigis moderandis, atque flectendis facere spectantur aurigæ: atque ad hunc modum cætera. Num igitur quidquam illorum ita fieri necessitas ulla compellit? Minime. Frustra enim esset artis effectus, si omnia coacta moverentur. Quæ igitur cum fiunt, carent existendi necessitate, eadem prius quam fiunt, sine necessitate futura sunt. Quare sunt quædam eventura, quorum exitus ab omni necessitate sit absolutus. Nam illud quidem nullum arbitror esse dicturum, quod quæ nunc fiunt, prius quam fierent, eventura non fuerint. Hæc igitur etiam præcognita liberos habent eventus. Nam sicut scientia præsentium nihil his, quæ fiunt; ita præscientia futurorum nihil his, quæ ventura sunt, necessitatis importat. Sed hoc, inquis, ipsum dubitatur, an earum rerum quæ necessarios exitus non habent, ulla possit esse prænotio. Dissonare etenim videtur, putasque, si prævideantur, consequi necessitatem; si

necessi-

Q  
necessitas desit,  
scientia compr  
Quod si quæ in  
certa providen  
caliginem, not  
enim ac sese re  
gritate scienti  
erroris causa  
novit, ex ipso  
cognosci existi  
tum contra el  
scitur, non s  
dum cognosc  
tur facultate  
exemplo, ea  
aliter visus,  
nus manens  
tueretur: hic  
conjunctus  
rotunditate  
sum quoque  
imaginatio  
construetur  
materiam co  
lam sine n  
vero hanc  
ipsam, q  
considerat  
vero celsi  
namque u  
lam sim  
construetu  
randum  
di vis an

necessitas desit, miuime præsciri; nihilque scientia comprehendendi posse, nisi certum. Quod si quæ incerti sunt exitus, ea quali certa providentur, opinionis constat id esse caliginem, non scientiæ veritatem. Aliter enim ac sese res habeat, arbitrari, ab integritate scientiæ credis esse diversum. Cujus erroris causa est, quod omnia, quæ quisque novit, ex ipsorum tantum vi, atque natura cognosci existimat quæ sciuntur: quod totum contra est. Omne enim quod cognoscitur, non secundum sui vim, sed secundum cognoscentium potius comprehenditur facultatem. Nam ut hoc breviliqueat exemplo, eandem corporis rotunditatem aliter visus, aliter tactus agnoscit. Ille eminus manens, totum simul jactis radiis intuetur: hic vero cohærens orbi, atque conjunctus, circa ipsum motus ambitum, rotunditatem partibus comprehendit. Ipsum quoque hominem aliter sensus, aliter imaginatio, aliter ratio, aliter intelligentia contuetur. Sensus enim figuram in subiecta materia constitutam, imaginatio vero solum sine materia judicat figuram. Ratio vero hanc quoque transcendit, speciemque ipsam, quæ singularibus inest, universali consideratione perpendit. Intelligentiæ vero celsior oculus existit. Supergressa namque universitatis ambitum, ipsam illam simplicem formam pura mentis acie contuetur. In quo illud maxime considerandum est, quod superior comprehendendi vis amplectitur inferiorem: inferior ve-



ro ad superiorem nullo modo confurgit. Neque enim sensus aliquid extra materiam valet, vel universales species imaginatio contuetur, vel ratio capit simplicem formam: sed intelligentia quasi desuper spectans, concepta forma, quæ subsunt, cuncta dijudicat: sed eo modo, quo formam ipsam, quæ nulli alii nota esse poterat, comprehendit. Nam & rationis universum, & imaginationis figuram, & materiale sensibile cognoscit, nec ratione utens, nec imaginatione, nec sensibus, sed illo uno ictu mentis formaliter, ut ita dicam, cuncta prospiciens. Ratio quoque cum quid universale respicit, nec imaginatione, nec sensibus utens, imaginabilia, vel sensibilia comprehendit. Hoc est enim, quæ conceptionis suæ universale ita definit: homo est animal bipes rationale. quæ cum universalis notio sit, tamen imaginabilem, sensibilemque esse rem nullus ignorat, quod illa non imaginatione, vel sensu, sed rationali conceptione considerat. Imaginatione quoque tamen ex sensibus visendi, formandique figuras sumsit exordium, sensu tamen absente sensibilia quæque collustrat, non sensibili, sed imaginaria ratione judicandi. Videsne igitur, ut in cognoscendo cuncta, sua potius facultate, quam eorum, quæ cognoscuntur, utantur? Neque id injuria: nam cum omne iudicium iudicantis actus existat, necesse est, ut suam quisque operam non ex aliena, sed ex propria potestate perficiat.



## METRVM IV.

Quondam porticus attulit  
Obscuros nimium senes,  
Qui sensus, & imagines  
Corporibus extimui  
Redant mentibus imprimi,  
Et quondam celeri stylo  
Mortuos est aquore pagina,  
Quæ nullas habeat notas,  
Pressas figere litteras.  
Sed mens si propriis vigens  
Nihil motibus explicat,  
Sed tantum patiens jacet  
Notis subdita corporum,  
Cassasque in speculi vicem  
Rerum reddit imagines,  
Vnde hac sic animus viget  
Cernens omnia notio?  
Quæ vis singula prospicit,  
Aut quæ cognita dividit?  
Quæ diuisa recolligit,  
Alternumque legens iter  
Nunc summis caput inserit,  
Nunc desidit in infima,  
Tum sese referens sibi,  
Veris falsa redarguit?  
Hac est efficiens magis  
Longe caussa potentior  
Quam quæ materia modo  
Impressas patitur notas.  
Præcedit tamen excitans,  
Ac vires animi mouens,

Vivo

*Virgo in corpore passio.  
Cum vel lux oculos ferit,  
Vel vox auribus insilirepit:  
Tum mentis vigor excitus,  
Quas inius species tenet,  
Admotus simileis vocans,  
Notis applicat exteris,  
Introversumque reconditis  
Formis miscet imagines.*

## PROSA V.

Q V O D si in corporibus sentiendis, quamvis afficiant instrumenta sensuum forinsecus objectæ qualitates, animique agentis vigorem passio corporis antecedit, quæ in se actum mentis provocet, excitetque interim quiescentis intrinsecus formas: si in sentiendis, inquam, corporibus animus non passione insignitur, sed ex sua vi subjectam corpori iudicat passionem; quanto magis ea quæ cunctis corporum affectionibus absoluta sunt, in discernendo non objecta extrinsecus sequuntur, sed actum suæ mentis expediunt? Hac itaque ratione multiplices cognitiones diversis ac differentibus cedere substantiis. Sensus enim solus cunctis aliis cognitionibus destitutus, immobilibus animantibus cessit: quales sunt conchæ maris, quæque alia saxis hærentia nutriuntur. Imaginatio vero mobilibus belluis, quibus jam inesse fugiendi, appetendive aliquis videtur affectus. Ratio vero humani tantum generis

est,

sicuti intelligentia sola divini : quo  
ea notitia cæteris præitet quæ suapte  
ra non modo proprium, sed ceterarum  
que notitiarum subiecta cognoscit.  
igitur, si ratiocinationi sensus, ima-  
tioque refragentur, nihil esse illud uni-  
ale dicentes, quod sese intueri ratio  
t: Quod enim sensibile, vel imaginabi-  
t, id universum esse non potest. Aut  
r rationis verum esse iudicium, nec  
quam esse sensibile : aut quoniam sibi  
um sit, plura sensibus & imaginationi  
subiecta, inanem conceptionem esse  
onis, quæ quod sensibile sit, ac singula-  
quali quoddam universale, consideret. Ad  
, si ratio contra respondeat, se quidem  
quod sensibile, & quod imaginabile sit  
universitatis ratione conspiciere; illa  
o ad universitatis cognitionem adspira-  
non posse: quoniam eorum notio corpo-  
eis figuras non possit excedere. De rerum  
o cognitione firmiori potius, perfectio-  
ne iudicio esse credendum. In huiusmo-  
igitur lite, nos, quibus tam ratiocinandi,  
am imaginandi etiam, sentiendique vis  
est, nonne rationis potius causam proba-  
mus? Simile est, quod humana ratio di-  
nam intelligentiam futura, nisi ut ipsa  
gnoscat, non putat intueri. Nam ita disse-  
si qua certos, ac necessarios habere non  
deantur eventus, ea certo eventura præ-  
iri nequeunt. Harum igitur rerum nulla  
: præscientia, quam si etiam in his esse  
edamus, nihil erit, quod non ex necessi-

tate proveniat. Si igitur, uti rationis participes sumus, ita divinæ iudicium mentis habere possemus, sicut imaginationem, sensumque rationi cedere oportere iudicavimus, sic, divinæ sese menti humanam summittere rationem, iustissimum censeremus. Quare in illius summæ intelligentiæ cacumen, si possumus, erigamur; illic enim ratio videbit, quod in se non potest intueri, id autem est, quo nam modo etiam quæ certos exitus non habent, certa tamen videat ac definita prænotio: neque id sit opinio, sed summæ potius scientiæ nullis terminis inclusa simplicitas.

## METRUM V.

*Quam variis terras animalia permeant figuris!*  
*Namque alia extento sunt corpore, pulveremque verrunt,*  
*Continuumque trahunt vi pectoris incitata sulcum.*  
*Sunt quibus alarum levitas vaga, verberetque ventos,*  
*Et liquido longi spatia aetheris enaset volatu.*  
*Hac pressisse solo vestigia gressibusque gaudent,*  
*Vel virideis campos transmittere, vel subire silvas.*  
*Quæ variis videas licet omnia discrepare formis,*  
*Prona tamen facies hebetes valet ingravare sensus.*

Vnica

Q  
 Vnica gens  
 cacumen  
 Aque levis rei  
 terras  
 Hac, nisi terren  
 gura,  
 Qui rebo calu  
 tem,  
 In sublime fer  
 cessum,  
 Inferior fidat

P  
 QVON  
 remonstratu  
 ex sua, sed  
 cognoscitur  
 fas est, quis  
 quæ nam ex  
 agnoscere.  
 eorum rati  
 dicium est.  
 sideremus.  
 ter divinat  
 teroitas ig  
 simul & p  
 rione tem  
 quidquid  
 præteriti  
 est in te  
 rum vitu  
 plesti.  
 prehend  
 dit. I

nica gens hominum celsum leuat altius  
 cacumen,  
 te levis recto stat corpore, despiciatque  
 terras.  
 , nisi terrenus male desipis, admonet fi-  
 gura,  
 recto calum vultu petis, exerisque fron-  
 tem,  
 blime feras animum quoque, ne gravata  
 pectus,  
 nior fidat mens corpore celsius levato.

## P R O S A V I.

QVONIAM igitur, uti paulo an-  
 nistratum est, omne quod scitur, non  
 ua, sed ex comprehendendum natura  
 noscitur, intueamur nunc, quantum  
 est, quis sit divinæ substantiæ status, ut  
 : nam etiam scientia ejus sit, possimus  
 oscere. Deum igitur æternum esse, cum  
 rum ratione degentium commune ju-  
 rium est. Quid sit igitur æternitas, con-  
 remus. Hæc enim nobis naturam pari-  
 diviuam, scientiamque patefecerit. Æ-  
 nitas igitur est, interminabilis vitæ tota  
 ul & perfecta possessio: quod ex colla-  
 ne temporalium clarius liquet. Nam  
 dquid vivit in tempore, id præsens à  
 eteritis in futura procedit: nihilque  
 in tempore constitutum, quod tot-  
 n vitæ suæ spatium pariter possit am-  
 ãti. Sed crastinum quidem nondum ap-  
 hendit: hesternum vero jam perdi-  
 . In hodierna quoque vita non am-

plius

plus vivitis, quam in illo mobili, transitorioque momento. Quod igitur temporis patitur conditionem, licet illud, sicut de mundo censuit Aristoteles, nec coeperit unquam esse, nec desinat, vitæque ejus cum temporis infinitate tendatur, nondum tamen tale est, ut æternum esse jure credatur. Non enim totum simul, infinitæ licet vitæ spatium comprehendit, atque completitur: sed futura nondum transacta jam non habet. Quod igitur interminabilis vitæ plenitudinem totam pariter comprehendit, ac possidet, cui neque futuri quidquam absit, nec præteriti fluxerit, id æternum esse jure perhibetur: idque necesse est, ut sui compos præsens sibi semper allisteret, & infinitatem mobilis temporis habere præsentem. Vnde non recte quidam, qui cum audiunt visum Platoni, mundum hunc nec habuisse initium temporis, nec habiturum esse defectum, hoc modo conditori conditum mundum fieri coæternum putant. Aliud est enim, per interminabilem duci vitam, quod mundo Plato tribuit: aliud interminabilis vitæ totam pariter complexam esse præsentiam, quod divinæ mentis proprium esse manifestum est. Neque Deus conditis rebus antiquior videri debet temporis quantitate, sed simplicis potius proprietate naturæ. Hunc enim vitæ immobilis præsentiarium statum, infinitus ille temporalium rerum motus imitatur; cumque eum effingere, atque æquare non possit, ex immobilitate deficit immortum, & ex sim-

plicitate

plicitate præfati  
futuri, ac præ  
totam pariter  
queat possider  
do nunquam e  
re atque expri  
nus videtur ei  
cumque præsi  
que momenti  
lius præsent  
quibus cumq  
esse videant  
poruit, infi  
eoque mode  
undo vitam  
æi non vali  
goa rebus t  
tonem seqt  
mundum.  
Quoniam  
sui natura  
prehendit  
nus, ac  
quoque e  
tamotie  
præsent  
turi spa  
geranti  
derat.  
lis, q  
scient  
nunc  
stima

ate præsentiæ decrefcit in infinitam  
i, ac præteriti quantitatem; &, cum  
n pariter vitæ fuæ plenitudinem ne-  
: poffidere, hoc ipfo, quod aliquo mo-  
inquam efle definit, illud, quod imple-  
que exprimere non poteft, aliquate-  
idetur emulari, alligans fe ad qualem-  
que præfentiam hujus exigui volucrif-  
momenti: quæ, quoniam manentis il-  
præfentiæ quandam gelfet imaginem,  
us cumque contigerit, id præftat, ut  
videantur. Quoniam vero manere non  
ait, infinitum temporis iter arripuit:  
ue modo factum eft, ut continuaret e-  
o vitam, cujus plenitudinem comple-  
non valuit permanendo. Itaque fi di-  
rebus nomina velimus imponere, Pla-  
em fequentes, Deum quidem æternum,  
ndum vero dicamus efle perpetuum.  
oniam igitur omne judicium fecundum  
naturam, quæ fibi fubjecta funt, com-  
hendit: eft autem Deo femper æter-  
s, ac præfentarius ftatus: fcientia  
oque ejus, omnem temporis fupergref-  
motionem, in fuæ manet fimplicitate  
æfentiæ, infinitaque præteriti, ac fu-  
ri fpatia complectens, omnia quali jam  
rantur, in fua fimplici cognitione confi-  
rat. Itaque fi præfcientiam penfare ve-  
s, qua cuncta dignofcit, non efle præ-  
ientiam, quali futuri, fed fcien-iam,  
inquam deficientis instantiæ rectius æ-  
imabis. Vnde non providentia, fed pro-

videntia potius dicitur, quod porro ab rebus infinitis constituta, quasi ab excelso rerum cacumine cuncta, prospiciat. Quid igitur postulas, ut necessaria fiant, quæ divino lumine lustrentur, cum ne homines quidem necessaria faciant esse, quæ videant? Num enim quæ præsentia cernis, aliquam eis necessitatem tuus addit intuitus? Minime. Atqui si est divini humanique præsentis digna collatio, uti vos vestro hoc temporario præsentis quædam videtis, ita illa omnia suo cernit æterno. Quare hæc divina prænotio naturam rerum, proprietatemque non mutat; taliaque apud se præsentia spectat, qualia in tempore olim futura proveniunt: nec rerum iudicia confundit; unoque suæ mentis intuitu tam necessario, quam non necessario ventura dignoscit. Sicuti vos eum pariter ambulare in terra hominem conspiciatis, & oriri in cælo Solem videtis; quamquam simul utrumque conspectum, tamen discernitis; & hoc voluntarium, illud esse necessarium iudicatis. Ita igitur cuncta despiciens divinus intuitus, qualitatem rerum minime perturbat, apud se quidem præsentium, ad conditionum vero temporis futurarum. Quo fit, ut hæc non sit opinio, sed veritate potius nixa cognitio, cum existimatum quid esse cognoscit, quod idem existendi necessitate carere non nesciat. Hæc si dicas, quod eventurum Deus vi-

der,

det, id non eveni-  
tem non potest no-  
scire contingere  
necessitatis adit-  
rem solidissimæ  
liquis nisi divi-  
Respondebonam  
ad divinam uot-  
rium; cum ve-  
ditur, liberum  
videri. Duæ  
simplex una,  
mucis homines  
ditionis, ut  
eum ambular  
quisque novit  
nequit. Sed  
cum illam si-  
necessitatem  
sed conditio  
cessitas cog-  
diemem, q-  
ditur, ince-  
igitur mod-  
sens videt  
nullam ha-  
qui Deus e-  
tate prov-  
Hæc igitur  
num, n-  
divinæ n-  
ab absol-  
sunt.  
quæ fur



d non evenire non posse : quod an-  
n-poteit non evenire , id ex neces-  
contingere , neque ad hoc nomen  
eatis adstringas : Fatebor quidem  
lidissimæ veritatis , sed cui vix a-  
nisi divini speculator accellerit.  
nde bonamque idem futurum , cum  
inam notionem refertur , necessa-  
cum vero in sua natura perpen-  
liberum prorsus atque absolutum  
. Dum sunt etenim necessitates ;  
ex una , veluti quod necesse est , o-  
homines esse mortaleis ; altera con-  
is , ut si aliquem ambulare scias ,  
ambulare necesse est. Quod enim  
ue novit , id esse aliter ac notum est ,  
t. Sed hæc conditio minime se-  
illam simplicem trahit. Hanc enim  
litate non propria facit natura ,  
conditionis adjectio. Nulla enim ne-  
as cogit incedere voluntarie gra-  
em , quamvis eum tamen , cum gra-  
incedere necessarium sit. Eodem  
modo , si quid providentia præ-  
videt , id esse necesse est , tametsi  
un habet naturæ necessitatem. At  
Deus ea futura , quæ ex arbitrii liber-  
proveniunt , præsentia contuetur.  
igitur , ad intuitum relata divi-  
necessaria sunt per conditionem  
æ notionis : per se vero considerata ,  
oluta naturæ suæ libertate non de-  
t. Riunt igitur proculdubio cuncta ,  
futura Deus esse prænoscit , sed eo.

rum quædam de libero proficiscuntur arbitrio : quæ quamvis eveniant existendo , tamen propriam naturam non amittunt : quia prius , quam fierent , etiam non evenire potuissent. Quid igitur refert non esse necessaria , cum propter divinæ scientiæ conditionem modis omnibus necessitatis instar , eveniant ? Hoc scilicet , quod ea quæ paullo ante proposui , Sol oriens , & gradiens homo , quæ dum fiunt , non fieri non possunt : eorum tamen unum prius quoque quam fieret , necesse erat existere : alterum vero minime. Ita etiam quæ præsentia Deus habet , procul dubio existunt : sed eorum hoc quidem de rerum necessitate descendit : illud vero de potestate facientium. Haud igitur injuria diximus , hæc , si ad divinam notitiam referantur , necessaria ; si per se considerentur , necessitatis esse nexibus absoluta. sicuti omne quod sensibus patet , si ad rationem referas , universale est : si ad seipsum respicias , singulare. Sed si in mea , inquires , potestate situm est mutare propositum , evacuo providentiam , cum , quæ illa præno- scit , forte mutavero. Respondebo , Propositum te quidem tuum posse desistere ; sed quoniam & id te posse , & an facias , quove convertas , præsens providentiæ veritas intuetur , divinam te præscientiam non posse vitare ; sicuti præsentis oculi effugere non possis intygitum ,

quam-

qua  
tar  
Ex  
tal  
lu  
te  
qu  
a  
qu  
e  
fi  
t  
t

quamvis te in varias actiones libera voluntate converteris. Quid igitur inquires? Ex meane dispositione scientia divina mutabitur; ut cum ego nunc hoc, nunc illud velim, illa quoque noscendi vices alternare videatur? Minime. Omne namque futurum divinus præcurrit intuitus, & ad præsentiam propriæ cognitionis retorquet, ac revocat: nec alternat, ut tu existimas, nunc hoc, nunc illud prænosceri vices: sed uno istu mutationes tuas manens prævenit, atque complectitur. Quam comprehendendi omnia, visendique præsentiam, non ex futurarum proventu rerum, sed ex propria Deus simplicitate sortitus est. Ex quo illud quoque resolvitur, quod paullo ante potuisti, indignum esse, si scientiæ Dei causam futura nostra præstare dicantur. Hæc enim scientiæ vis præsentaria notionem cuncta complectens, rebus omnibus modum ipsa constituit, nihil vero posterioribus debet. Quæ cum ita sint, manet intemerata mortalibus arbitrii libertas: Nec iniquæ leges solutis omni necessitate voluntatibus, præmia poenæque proponunt. Manet etiam spectator desuper cunctorum præscius Deus, visionisque ejus præsens semper æternitas cum nostrorum actuum futura qualitate concurrat, bonis præmia, malis supplicia dispensans. Nec frustra sunt in Deo positæ spes, precesque; quæ cum rectæ

sint : inefficaces non possunt. Aversamini igitur vitia , colite virtutes , ad rectas spes animum sublevate , humileis preces in excelsa porrigite. Magna vobis est , si dissimulare non vultis , necessitas indicta probitatis , cum ante oculos agitis iudicis cuncta cernentis.

F I N I S.

